





國立臺灣大學圖書館典藏
由國家圖書館數位化

武進姚公鶴編

上海閒話冊 上


商務印書館出版



姚公鶴編著
惲樹珏校訂

上
海
閒
話
上卷

商務印書館發行



208718

昭和7.2.5

公鶴出示消暑筆記所談皆滬上掌故名曰上海閒話讀之詫曰此豈閒話哉就吾所見如上海指南滬人寶鑑及數十年來寓公雜記涉滬事者夥矣以歷史眼光觀之猶以爲未足今得公鶴此作爲談滬事者另開一境現在居滬者固足引其興趣經久亦且必傳懲患付刊與海內共賞焉心史識

從政治上觀之則上海爲外力侵佔入手地從物質上觀之則上海又爲全國文明發輒地卽以交通論今者輪路縱橫郵電徧國試推原此事之導線則上海實開其先中國之有鐵路也以淞滬爲最先（自上海至吳淞當時名吳淞鐵道）其開車在光緒二年五月中旬惟該路爲外人建築中人少見多怪官民譁議至九月初卽由政府收買又明年十月間遂與拆卸此中國開始辦理鐵路之歷史也至電線設置自光緒元年總署奏准開辦後迄光緒三年五月五日上海電線成

而第一次發電則由李文忠行轅中通電至製造局其電文爲行轅正午一刻六字官民視爲怪事不減鐵路之開車當時申報著有論說其主旨仍不免目爲奇技淫巧云由是光緒七年十一月通至天津光緒九年三月初二日通至廣東而大東電報局亦於是年陽歷五月二十三號開始營業上海電報之開辦如是上海有鼠疫自光緒二十四年十一月始虹口公和祥碼頭由工部局查出死鼠兩頭形狀頗異先時衛生處西醫已得有香港報告（雲南洋一帶發生鼠疫（鼠疫自印度蔓延至南洋羣島復由南洋攔入中國內地）及見所獲死鼠有異卽以藥水化驗果係疫鼠於是始下防疫之令此爲上海發現鼠疫之始

公共租界面積計共三萬三千餘畝俗所謂英租界美租界是也惟英界美界爲前清光緒二十五年以前之名稱至光緒二十五年西關泥城橋以西至靜安寺路東北關虹口迤東之地以迄引翔港由各國公使議決將舊時英美租界并東西新關之地統名曰公共租界此租界名稱之沿革也中人士不察今仍稱蘇州

河以南洋涇浜以北爲英租界。蘇州河以北迤東爲美租界。泥城橋以西爲公共租界或新租界。即通人學士久居上海者亦復以英美公共等名詞爲言。又何怪。各日報本埠新聞欄之一。仍其誤也。

上海著名之銅像。連新鑄之赫德像。凡四南京路（即大馬路）外灘之巴夏禮。以英領事薦升駐京公使於英人。頗盡力。彼族之功人也。法租界公館馬路（即法大馬路）。總巡捕房門首之卜華德。以法水師提督助前清勦髮逆陣亡蘇州南橋地方。此似爲前清平亂之功臣。惟法人所以鑄此銅像。則別有故。當太平軍薄附上海時。卜華德率領洋兵代清逆擊。政府因以小東門一帶地闢法租界。以酬其勞。嗣卜華德出征離滬。陣亡。法人追念。開闢法界之功。置像以表紀念。實亦彼族之功人也。此外則李公祠之李文忠像。二馬路外灘新建之赫德像。鑄像原因。人所共知。茲不贅。又宋教仁之被刺。彼黨擬於滬寧車站。鑄像以垂永久。議未定。而難作。今已中止矣。

銅像之外又有石像最著者爲泥城橋西某馬房中矗立之二翁仲又馬霍路某西人宅中亦有石像二據滬人言此石像爲離滬十餘里某姓墳上物由某西人出洋四十二元昇來上海作爲裝飾品以石像與銅像較自公鶴觀之不過物質上價值有異千百年後同爲一種礦質之建築物耳

海通以後外人來滬經營租界在當時定議之初並不名爲租界不過中政府劃定一地准外人於此地內租地建屋耳故租界之租字乃係租地之租字移換而來自太阿倒持此劃定界內一切統治權漸漸放棄於是外人始組織工部局以管理市政設巡捕房以總持警政而商埠之上海乃成爲租界之上海矣觀法大馬路名公館馬路則以法領事署在此馬路中而名而當時領署不自居衙署之列可知巡捕房普通稱之曰行四馬路之巡捕房稱老行大馬路之巡捕房稱新行行爲賣買交易之稱謂則當時巡捕房亦不列於衙署矣撫今追昔孰爲爲之可慨已

租界之租字本由租地之租字影射而成譬之我准外人於此地寄居（蓋華洋雜居之制至今尙未通過也）外人卽視此地爲彼有彼之侵佔我之放棄前已言之矣今洋文之公共租界爲公共殖民地法租界則更進而爲彼之市鄉然我中國人則仍夢夢也辛亥九月上海光復工部局發貼告示卽大書特書曰各國駐滬公地則悍然將租字剔去矣今則卽我華人自稱間亦省字作法界英界云云與天津人力車夫（卽東洋車夫）所稱之法國地英國地等稱謂同一自甘奴隸之口腔此事始則我國僅認彼於某地界內有租住之權而彼則強名之曰租界今則我欲名之曰租界而彼且駁駁焉名之曰彼之公地及彼之市鄉矣傳所謂得寸進尺罕譬誠無逾於此者不知政府亦稍稍顧慮及之否

拳匪叛亂之先頑固派用事北京編募禁衛軍名曰虎神營命名頗異有知其事者謂羊（解作洋字）畏虎鬼畏神卽寓排外之意蓋當時名洋人爲洋鬼子或稱爲夷人內地一律如是獨上海則婦孺老少在昔迄今均稱外人爲外國人此非

上海較內地爲文明也。接近且與外人有關係故不敢不稍存體面耳。又上海外人勢力以英法美德爲最鉅。故居留人除日本外亦以四國爲最多。惟滬人之稱四國人亦復各別稱。英人曰大英人。頗符國際上互相尊敬之義。稱法人則曰法蘭西人（間有音訛作拔蘭西者與洋文原音相去更遠矣）。稱美人則曰花旗人。稱德人則曰迦門人（迦門係日耳曼之省音）。此種稱謂稍一移易（如直稱德人美人是）中下社會卽不知所對。蓋此事各有其歷史上之緣因。今已不盡可考。惟花旗之稱則當時以與英人語言文字種族一一相同無他標異故以國旗名其人。此語聞之余兄安甫先生而安甫又聞之某行轅中之洋顧問也。

租界各馬路在公共租界者大率以中國行省及內地著名城市命名。在法租界者大率以該國著名人物命名。（以該國駐滬領事爲多。檢法國駐滬領事表可見）而中國人對於兩租界之馬路亦各有名。有中國之名如公共租界之南京路。中國名之曰大馬路。法租界之公館馬路。中國名之曰法大馬路。此等不勝屈指。

惟彼之命名。由於人爲我則。並未命名。偶沿有慣稱而已。故數年前新築之路。若愛爾近路。若卡德路等。則已無中國之名矣。此事雖小。頗與同化被同化之實例。可相參究。吁可畏已。

左道惑衆。中國向有例。禁泰西各國崇奉一神教。（卽天主或耶蘇是設一神教。與中國之多神教異。）入主出奴。持之尤堅。乃於租界中開設之陰差看病。及徐先生保安等店工部局。獨准其作爲一種營業。不加取緝。頗以爲疑。前歲偶晤某。西博士。據言西人初來滬上時。見中國教宗紛雜。疑此等覲祝咀咒之術。乃爲中國宗教應有之支派。因放任以迄今。茲今雖西人亦有知之者。然相沿既久。且增進民智。破除迷信。無預外人事。故寧守獄市無擾之宗旨。一任其自由營業云。南方大字。有二讀。而疊在一旬中。作二讀者。則惟大英。大馬路。大英之大字。讀如英。係名詞。凡名詞之大字。如大蒜。大菜等。大字均讀如字。大馬路之大字。爲形容字。大馬路之大字。讀惰音。此滬上人所共知。共讀而鮮得其解者也。公鶴以爲大。

字。凡形容字之大字均讀惰音。例如大人先生之大人與大人小孩之大人一爲名詞。一爲形容字而讀異者可類推也。（大人先生之大人南中傭僕今亦有讀作惰音者。然粗人耳。文人學子則均讀如字也。）惟大馬路則今亦已成爲名詞。要其始則與二三四五六馬路爲對待名詞而該路又較爲寬闊則固完全形容字也。

租界馬路外人悉以中國地名名之（已見前）。偶見某寓公筆記以爲卽此便係外人意圖佔我土地之先兆。此單方臆度之詞亦最易挑動中外之恶感。公鶴嘗以外人命名之故歷詢之中西人之老於滬事者。據西人某教士言此不過爲中外人便於記憶無他用意可言。據友人蔣子嚴言（蔣有學問且長於滬上掌故）則各馬路以南京路命名爲最先。緣上海開埠係根據道光念二年江寧條約。江寧外人均稱爲南京。以租界中居中最寬大之馬路名之。以初次定約地之南京。於外人紀念之意頗符。此端旣開於是後馬路名曰北京路。二三四五馬路亦各。

以中國地名名之而全國著名地方徧於租界一隅矣。

公共租界中東西馬路之最長者以華德路爲首指南北馬路之最長者以四川路爲首指而最短之路且在極熱鬧地方滬上人每忽焉者則棋盤街（卽山西路）中段向東之泗涇路是也此路東西不過三四百尺爲公共租界中最短之

馬路

公共租界中馬路之最講究者以蘇州河向南之四川路及南京路爲最以全路均用鐵梨木平鋪也而養路之設備則尤以南京路爲最完全見有中途容與身著紅布馬褂手操箕帚以從事打掃者則該路之清道夫也惟問該清道夫何以身著紅衣則此事殊有中西歷史上異同之研究赭衣爲罪人服中國古制如是故蘇常間俗諺猶有穿紅衣出西門之語穿紅衣爲犯罪之代名詞出西門係充軍之代名詞（蘇常處全國之東偏故犯重罪之充軍必稱出西門也）則紅衣之在中國其作用可知矣外國則不然顏色中以黑色爲下乘因其不能再加別色。

於黑色之上也以白色爲上乘因白爲原質未受各色之沾染也從科學的推論原自不謬至紅色一類則每藉以表示法律之作用幼時在蘇州閨門馬路見新造之巡捕房係紅色磚牆私問之人則云此係表示特別之意惟公鶴當時更疑僅僅爲表示特別計則顏色之可用者尙多何獨取此紅色及來滬上見海關中所用之各種車輛亦均紅色詢之個中人以爲此係歷史上表示法律的歷用之色猶中國以黃色牆屋及器具爲至尊之用各有其歷史上之習慣也及今考之則知此清道夫之身著紅衣猶表示法律之標識而已故該清道夫在馬路中間凡行道之車馬苟非萬不可避之處則必遶道以避之此事雖小而外人尊重法律之意寓焉矣

上海大自鳴鐘之著名除徐家匯董家渡兩鐘外其在繁盛地方者有三四馬路外灘海關自鳴鐘一跑馬廳西首自鳴鐘二法租界大馬路巡捕房自鳴鐘三此三鐘以海關時計爲最準而以法大馬路之鐘爲最著名蓋今已稱該捕房爲大

自鳴鐘巡捕房即此可見其名之著。

外人經營上海租界。英人先至乎。法人先至乎。此在稍知中西國際歷史者當無不以英人爲最先至者。蓋當道光十九年鴉片開戰之前。在乾隆時有東印度公司代理人英人名比谷者。曾來上海察看形勢。至道光十二年復有林德賽葛勞甫二人以廣東禁止開船中（此係另一事。非道光十九年因鴉片而禁止開船者）。便道北航至上海。亦極稱爲通商善地。此爲鴉片開戰前。英人垂涎上海之始。及白門訂約五口開埠。其時則道光念二年八月也。其關係則中英兩國間也。至道光念四年。法人美人繼英而起要求按照英約訂結中法黃浦約中美望廈約此爲法美兩國後至上海之證。蓋中英之訂約既先於中法中美。則英人之來上海。自必先於法美無疑矣。乃載籍雖如是云云。而上海中下社會則偏謂法人之來。先於英人。且謂法人先來。故法租界得沿上海城而爲之。英人後來。故另闢地於洋涇浜之北。明知此等俗說之必不可信。然除載籍所記外。則亦無他反證足以。

證明之蓋中國向以夜郎自大在中外初交通時之對於外國人固一例目之爲夷狄孰英孰法未見何等之識別此則先至後至之別無其他記載可詳考也租界管理權既全入外人之手於是界內稅捐亦悉由工部局主管收支自爲支配其稅項名目徵收方法支出報告均登入工部局所辦之星期報中本埠時事新報前以上海租界財政關係滬市因就該報譯成漢文分日登之社論中並記入時事彙報俾究心滬事者有所考云

公共租界有三處地方不受工部局巡捕房之管轄並不納各項捐稅者（一）鐵馬路橋北之天后宮前清出使大臣行轅并出使文報局辦公處也（二）北浙江路之會審公廨我國駐在租界中之司法衙門也（三）洋務局查洋務局爲前清上海道設在租界中之辦公機關凡審理華洋上訴事件及中外國際交往均藉該局爲之以滬道署設在城內交通殊不便利也惟洋務局原址本在新閘路今靜安寺路道尹署之洋務局乃假某紳之房屋爲之然該局雖係民產旣經假作

公署卽亦不納租界各項稅捐該署大門之內正廳之前有小河一道從天井中橫穿而過據該署中人言小河以南（該屋南向而小河則自西向東橫穿而過）巡捕房有管轄之權小河以北則完全外人無權過問云。

上列天后宮會審公廨洋務局三處謹者目爲租界中之治外法權地惟天后宮以巡捕房無權管理凡租界中售賣食物之小販每羣集於此旣不負納捐之義務且不受捕房之取締也去夏捕房以該地售賣種種生冷不潔之食物有礙界內衛生屢思越俎干涉此事在捕房固別有用意而我國售賣食物之有妨衛生亦屬授人以隙則天后宮之治外法權尙望當局者有以維持之。

會審公廨自前清同治七年會訂會審章程十條後該廨固完全爲我國自有之官衙乃自歷任會審官放棄主權（按會審官爲完全司法官性質而當局必以習洋文者充選其意以爲便與外人直接也不知來廨會審之洋官尊之曰副領事實則均繙譯官耳彼固習於華文華語者何勞我另派習洋文之會審官以遷

就之乎。且公共租界早堂捕房解案之會審西官。計英德美三國。則會審中官。且必通英德文字而後可。試思今日熟悉英德文字而并嫻日系法律者何人。其晚堂華洋訴訟案來解會審者。且十餘國。則會審官。且必通全球文字矣。徒令當事之華人。於法庭上不聞中國語言。專便外國律師及西捕等耳。此亦歷任喪權之一原因。聞今日政府收回公廨。尙擬妙選通外國語文者充任。則亦不知其命意何在矣。及辛亥革命全權悉入外人之手。則此項治外法權地。已不啻爲外人迴翔地矣。而混合裁判之足。以辱國更可勿論。收回收回報紙之喧傳。非一日。究不知實行在何時耳。

此外聞之王襄讞崧生言。貴州路角之壽聖庵。向亦不繳巡捕捐。又有人云。大馬路之虹廟。亦不繳捐。惟公鶴詢之上海總商會中人言。(總商會今卽設在天后宮後進)。凡不納捕房稅捐之房屋門首。不釘門牌。今壽聖庵及虹廟均有門牌。高釘門首。則所云不納捐者。恐未必信。

猶憶昔年在某機關辦公。有一稔友於其寓中設席東招東書。某馬路某里第二十三號半敞寓候。駕云云門牌號碼忽有半數。當時頗以爲戲。已蓋上海無賴子。另有一種油滑乏味之戲語。如七馬路第半號十三點鐘五刻六十分候光等語。公鶴亦一例視之而已。及屆時着人來邀至赴宴時細閱其門首之門牌則果不謬。詢之同人則以爲上海本有此半數之門牌。但不知究係何因耳。

上海自開闢租界後。地價大漲。而地皮之糾葛亦愈盛。沿浦灘仁記路之某隙地。畝餘泥城橋西。慣作馬戲場之大隙地。訟案數十年未結。此其最著者矣。此外零星地畝業主。無權過問。一任地販從中簸弄。負納稅之義務。而不得享使用之權。利者全租界中。尙不知若干。而尤爲奇突。不可究詰者。則跑馬場內。尙有各業戶。零星地畝是也。查跑馬場爲一種營業公司。性質當該場開闢之始。公司中收買各地。間有一二倔強不肯出售或祖宗坟墓所在。不願脫售之各戶。介於其間。該公司無法就各戶不肯出賣之地。四面包圍。務使該地無進出之路。今者從跑馬

場東南角（卽俗所稱南泥城橋是）於籬落間微窺（跑馬場不容華人闖入。故除小工西崽等人外。鮮有得進該場者。後另有說）。中有壘壘負土而起者。則某姓家之祖坟也。前以四面包圍。春秋間無從祭掃。（此事在上海本有國際間章程。云不得禁止華人之祭掃等語。然亦空談耳）。今則跑馬場華人無廁足之權利。雖有孝子慈孫春露秋霜祇有等之唐宋一邱而已。

前清光緒三十四年十月初南市新舞台開幕爲劇界中。新開局面繼起者爲公共租界三馬路之大舞台。而法租界亦建築新劇場歌舞台以與南市相競爭。當時頗有以法租界不適戲劇營業爲言者。此蓋鑒於近廿餘年來法界無開設戲園之故。不知就市面論各項營業均已由東南而移西北。若就歷史論。滬上最初之戲園其地址卽在今法租界之戲館街。地以業名其熱鬧可見。昨晤葉君慎之。據稱戲館街於三十年前有髦兒班有崑腔班頗極一時之盛。又城內相近處有一戲班。其命名之意。以當時梨園子弟均歇宿於該街。滬上土着人尙能言之。

自市面北移而各戲園亦隨集於公共租界之五馬路。由五馬路復遷至石路大新街及四馬路等處。此商市之變遷沿革也。

公共租界五馬路滿庭坊一帶售賣食物通宵達日不在尋常取締之列。聞該處因戲館遷駐後市面驟興而滿庭坊一帶房屋爲一某西人之營業。某西人者於市面有勢力而又爲普通西人所見憚。卽滬諺所云白相洋人之類也。該洋人於五馬路市面之創興預有力而滿庭坊一帶售賣食物因亦取得工部局之特許。今該洋人已挾貲回國而繼續管業之人并取得此項權利云。

馬路中各項行走之車今昔亦各自不同。昔日之人力車（卽東洋車）兩輪高大。幾與四輪馬車之後兩輪相埒。而自行車（卽腳踏車）則前一輪大於後一輪者倍。與今式自行車兩輪相等者亦異。此等形式上之不同本無足記。惟減少行車時之危險亦交通上之進步也。曩讀咸同間諸寓公筆記。則當時馬車惟外國人乘者爲多。一係生計關係。一係四輪馬車在北京爲御用品形式雖各自不同而

四輪則一故達官貴人亦鮮有乘之者以防僭也（晚清之季京官除一二品大員外尙鮮有乘四輪車者此其證也）今則馬車之外復有汽車而鐵輪人力車較除一二自用者外（卽包車是）亦已鮮見蓋上海自行駛電車後此項鐵輪車較爲危險不若膠皮車（卽黃包車是）之安穩然生計程度之增進於不知不覺者已不可以道里計矣生產力不增消耗力日強經濟隱憂曷其有極

租界中外人公共建築之所每不准華人之攏入喧賓奪主無過於此今之跑馬場及白大橋下之公園其最著矣惟此事並無國際強弱之關係乃國民教育之關係聞昔時外人並無此項禁令歷見華人一入公共地方折花驅鳥躡蹋地方無所不爲於是跑馬場首以營業公司名義禁止華人之涉足今門首高標英文於木牌所云狗與華人不准入內是也公園禁止華人於理較欠圓轉不得已就蘇州河浜南自白大橋起另建華公園爲華人游息之所此項公園建築遠不逮西公園然尙必派捕照料故樹木尙少攀折嗚呼教育不普及又曷怪公益心之

薄弱耶。

聞人言日本人於上兩處向亦無自由出入之便利自甲午戰勝中國此禁遂以消滅此則國際強弱不無關係矣惟我華人平心思之究竟中日國民教育是否平等程度是否相差公鶴願我國人均從實際上一爲着想無徒作客觀的虛驕之詞也曾聞有人作戲語云中日之戰日本得我償金二萬三千萬窮人暴富故天皇亦有三千萬之酬獻然終不若上海之取得國際間之榮幸爲尤甚也所云取得上海國際間之榮幸者蓋卽指自由出入公園之事云

上海新聞業之發達除我國歷史上之宮門抄外當以上海爲最先矣上海華文日報現存者以申報爲最久考申報爲美查洋行主美查所創辦始於同治壬申三月然星期日不出報也則與今之各西文報略同至申報未開之先有字林洋行之上海新報繼之者有粵人所辦之匯報彙報益報等然皆先申報而閉歇及光緒丙子十月初八日（距申報之開辦五年）法租界寧興街有新報館之開

設體例及售價一如申報惟中間橫嵌英文與申報略異卒以此未能發達云前歲太平洋報中英互間聞卽係仿新報之例焉

石印書籍之開始以點石齋爲最先在南京路泥城橋堍月餘前已拆卸改造矣聞點石齋石印第一獲利之書爲康熙字典第一批印四萬部不數月而售罄第二批印六萬部適某科舉子北上會試道出滬上每名率購備五六部以作自用及贈友之需故又不數月而罄書業見獲利之鉅且易於是寧人則有拜石山房之開設粵人則有同文書局之開設三家鼎足壘斷一時誠開風氣之先者也租界馬路之建築除南京路四川路用鐵梨木及火磚鋪設外其餘普通爲兩式一以沙與石子拌和平鋪者普通名之曰馬路一以碎石大小疊砌者普通名之曰石路（今之福建路以石路之故今華人已名之爲石路者是）惟馬路與石路是否有成本貴賤工程難易及使用久暫之關係今悉不論偶與某西人談及始知此兩式道路建築之互異乃別有故緣上海開埠之初自來水尙未普用而

其時洋涇浜蘇州河橫插租界而過居戶每於早晚兩潮爭相汲水鄭家木橋打鈎橋北之珊記碼頭老闆等處均爲取水要道故於該處道路均用碎石片砌成既防汲水之傾滑且免水淋全路致馬路易於塌壞一舉兩得具有計畫觀今馬路中（非石路之馬路）安放公安自來水管之下必平鋪石片路一小方猶其意也然今自來水徧於租界此項石路已失其需要之所在而浙江路自通行電車後去年亦盡易馬路而爲石路意者於成本貴賤工程難易使用久暫均不無關係歟

南市新舞臺爲上海改良舊劇之開山祖當該臺建築之始以上海市面爲租界一網打盡緣有姚君伯欣出而組織振市公司彼時江督及滬道亦頗注意華界市場而伶人夏氏弟兄及小連生輩復能熱心贊助因由該公司與官廳訂立合同凡租界中各項車輛赴南市觀劇者概不納捐以示招徠此該舞臺成立之原因也至內部組織舞臺之構造場內之佈置以及購票設櫃劃分進出路由一切

井然有條實姚君一人經營之力。該臺於光緒三十四年十月間開幕。不旬而德宗孝欽先後賓天。專制時以國喪之故驟爾停演。念七日。彼時劇界發爲倖詞。而政學界亦頗代爲惋惜。以爲南市終無可興之理。該公司經此種種挫折。卒能轉危爲安。固賴各伶人之明公義實。亦出姚君一人維持之力。爲多論者謂南市之有今日。不得不歸功於振市公司。而振市公司得盡其發展之能力。則又不得不歸功於姚君。今姚君已歸道山。而觀於今日產銷併征。新章行首受其影響者。卽爲南市撫今追昔。則又不得不歸美於專制時代官廳之尙能發展國力。而姚君者亦適逢其會而已。咸豐八年十月美駐使列衛廉致書中政府。有云美國制度。凡本國人均用本國之旗。各國無不皆然。以中國貿易如此之盛。而無國旗以資保護。似應由貴大臣奏明大皇帝一律辦理。俾商船與盜船有所區別。卽中國人民亦不致假冒洋旗云云。可知商人之用國旗乃美駐使之動議。蓋中國向以大一統自負。無國際之觀念。前清創製之黃色龍旗。乃視爲名器之一種。其不願。

輕假於人民亦歷史上之慣例。自美駐使借箸創此動議，旋由政府核准。海關首先製旗升用，而普通商店之懸掛國旗，就上海論，則尙以辛丑年親王載灃奉旨赴德謝罪過滬為第一次緣。彼時滬上商人已具國際觀念，而於此次親王放洋，乃係謝罪之奉使，於忍重負辱之中示外人以愛國忠君之隱，國民誠無負於政府矣。惟懸旗之風一啓，今則無論何項商店於國旗之外，并隨意自製種種招徠，生意之旗幟當街懸掛，不啻為廣告之一種，始簡終巨，此亦其一端哉。

以中外語言文字不同之故，國際交往間遂不無誤會。如道光七年青浦毆打外人之案，可略見一斑矣。而又有誤讀外人文字，在我國間竟成一種習慣者，例如英文之(I)字形似中文之工字，而本洋中有三(I)板、四(I)板之別。我國錢業家竟呼為三工本洋、四工本洋者，是近則上海日本店售賣一種食品，名味(の)素(の)字，讀近中國之諾字音，與之字解釋同，蓋猶云味之原素，以表示該物之適口也。而上海則普通竟稱之曰味四素矣。

租界之名義性質及其歷史除拙著上海開埠史外前更詳悉言之自辛亥光復以來界內各政除會審公堂尙有一二名義上之華官隨同審案外其餘概不准華官有過問之餘地此非歷史上本來如是也偶稽舊牘左文襄之勒禁小押店葉固之之取締花鼓戲而從前烟館中雇用雜妓美其名曰女堂倌自周小大犯案後大吏力主嚴辦此風遂以永革此皆華官治理租界之實事也今則華官向租界提人非取得領袖領事之同意名曰越界捕人必送請公堂懲辦雖名租界爲我國逋逃藪亦無不可而謂華官尙能干預租界內政哉此事就根本解決能改正條約及歷年慣例仿照日本居留之制作積極的解決誠爲不易之辦法否則名存實亡遷延坐誤國且不保何有於租界卒亦非公鶴所忍言矣

今之所謂老閘新閘者均前清康雍時所建築查老閘建於康熙十四年至雍正初復就老閘西里許建築新閘卽今之新閘橋是也惟東西相去甚近是否康熙年間建築之老閘已圮至雍正初重建新閘抑水勢氾漲老閘不足以挽狂瀾同

時。并。建。新。闈。藉。作。兩。重。之。屏。障。今。老。闈。基。礎。不。存。而。新。闈。橋。亦。已。傾。圮。當。時。規。劃。
如。何。迄。不。可。考。矣。

洋涇濱之三茅閣橋以三茅閣而得名者自咸豐二年劉亂被燬後邑人卽移建於北門內而崇祀春申君然三茅閣橋之名則猶是也南京路之拋球場今亦已他徙矣然拋球場之名則猶是也黃鶴已隨白雲去此地空餘黃鶴樓亦掌故家所不可不知者

上海建築物之最古者首指城南之龍華塔相傳爲南北朝時所建南朝四百八十寺寺建四百八十塔意者此亦其一歟次則靜安寺寺有第六泉一所泉含有琉璃質故較異他水今者科學發明則固不足奇也

西人裘雪司著上海通商史內載海關沿革頗詳當咸豐二年劉麗川踞城戕官後上海秩序大擾各國商輪蒞滬均不按照商約繳納稅餉當局者以內亂方熾不欲同時與外人開嚴重之交涉於是北關幾廢（當時以江海大關爲南關亦

稱舊關而海關則稱北關及新關。嗣由英香港總督仗義執言主持正論各國無可非難乃亦相率繳稅云云此事不見於中國記載偶詢之海關中司事華人據稱聞之某稅司言亦僅云海關歷咸豐三年以迄太平軍之滅亡中經種種變故關稅迄未減短者實得英人之助力至英人以何方法助我不僅中人無知之者卽該稅司亦祇知其大略及閱王韜瀛墻雜志則頗詳此事志云咸豐三年紅巾之亂北關幾廢英國駐劄香港公使包伶以爲例當輸納於是復設如初而延西人爲司稅正副各一人云云則與裘雪司所著正合惟此云紅巾之亂係誤劉麗川而爲太平軍者然自劉踞城後卽由某西人爲之通款稱臣於南京太平王府（見中西紀事頗詳不贅）則稱之曰紅巾亦因其宜香港於道光念二年割讓於英所云香港公使實卽香港總督王氏於此等處似未究心故稱名偶誤耳至海關延用西人亦始於是時尤可補中國官文書之缺略識此以稔研究海關故實者（包伶確係公使蓋英公使於駐北京之前均駐節於香港包伶之前已如

是見薛叔耘四國日記。王氏說不誤。

租界自來火之創設遠在同治末年至光緒元年乃始開火營業此事公鶴親聞之該公司中一司事華人該司事年已七十餘當時曾親預其事者故知之較悉當創辦之初謠諑紛紛而其最可笑者則云地火盛行（當時名之曰地火燈）馬路被灼此後除衣履翩翩之富人脚着高底相鞋熱氣或不至攻入心脾若苦力小工終日赤足行走馬路者殆矣云云又該廠設在今垃圾橋南堍一般苦力相戒無蹈其地以爲該處路面必較他處爲尤熱也種種盲論可爲發噱

又自來火通行數年後有西人名立德者首在租界創設電燈先是馬路路燈均用自來火及電燈行外人首於黃浦灘路裝用以代自來火蓋較自來火光爲便利也然當時亦有種種謠諑惟不若自來火之盛其辭耳

德律風之瓶行爲英人比曉普設南局於十六浦北局於正豐街卒以經費不敷而止此光緒壬午六月間事也及明年春由徐家匯教堂神甫某發起自該堂通

線至英法美各租界以報風雨寒暑由是各界漸知其利次第裝用復經某西人集資開辦公司作爲營業云

道光十九年鴉片戰爭之結局遂開五口通商之始是中西國際之所由來不啻鴉片爲之媒孽也惟當時鴉片之輸入中土必有華商爲之接引此華商爲誰在廣東自有歷史上之十三洋行公私均有記錄而上海則尤有特殊之事實查上海現時業土之華商以潮州幫爲首指幾同法律上之特許者然他幫不能染指也其土棧之尤著名者爲郭姓之鴻泰號自內地烟禁加嚴而租界上新開之土棧十六七皆冒名鴻泰試問土商何以首指潮州幫土棧何以掛名鴻泰雖老於滬者未能了了也前晤黃君玉如（黃舊文學家今吳淞水產及商船兩校教員）據稱伊外祖胡汝直先生著有禁烟記略一冊係手鈔本蓋成書而未刊者內載鴉片歷史頗詳而隨同洋商第一次至滬販土之人卽係潮州郭姓郭能英語又得洋商信用來滬後始代洋商出售烟土如今洋行中之買辦然繼則設棧設號

作私人之營業。又未幾而親族同鄉亦均集中於烟土一業。意者今日鴻泰土棧之著名與潮州幫取得歷史上之特許皆郭姓之作俑乎。中英禁烟約期以十年而潮州幫與郭鴻泰之鼎鼎大名今猶喧傳。一時則郭姓直與鴉片相終始矣。讀某西儒哲學書。謂一地方人物之產生必與一地方之歷史地理有相互之關係。屬於歷史者人爲的也。屬於地理者天然的也。當時以此語質之丁叔衡師。（師時掌教江陰之南菁書院而公鶴則肄業其中也。師於壬寅秋歸道山追維遺訓不禁泫然）師云此實中外同然之事。觀吾華文化自中原達於鄒魯間而春秋戰國時人文卽萃於今山東一隅。孔孟無論矣。卽談天折軼雜家者流若鄒衍輩其道雖與儒家異而獨標新諦自樹一幟。謂非一代人文不可也。然而率萃於今山東一隅者山東濱海海邦人物類文秀而有思致則地理之關係也。茲本此旨以稽之上海上海襟江帶海論歷史上之人物則明季之徐光啓實爲首指。徐著作等身所輯農學算學各書於古爲經世之作於今開科學之先惟當時略不

慊。於。士。夫。者。則。以。崇。信。天。主。教。一。事。然。余。謂。徐。畢。生。勳。業。無。足。稱。異。名。山。之。業。實。
堪。不。朽。其。崇。信。宗。教。以。先。時。之。故。遭。土。憎。之。多。口。實。則。徐。之。所。以。卓。然。成。家。者。於。
地。理。尤。有。密。切。之。關。係。徐。故。里。爲。今。之。徐。家。匯。相。傳。今。徐。家。匯。之。天。主。教。堂。卽。徐。
之。故。宅。徐。家。匯。東。距。黃。浦。江。北。距。吳。淞。江。（吳。淞。江。今。普。通。名。曰。蘇。州。河。蓋。外。人。
以。此。河。直。達。蘇。州。故。名。而。華。人。則。沿。稱。之。也。）均。十。餘。里。兩。江。匯。流。於。今。之。白。大。
橋。口。而。入。海。亦。僅。三。十。餘。里。海。濱。人。物。文。秀。而。有。思。致。蓋。得。之。地。靈。不。淺。也。抑。又。
有。言。者。文。化。以。交。通。爲。媒。介。與。植。物。藉。蜂。蝶。之。傳。種。者。其。理。正。同。上。海。自。通。商。以。
前。夙。爲。放。洋。巨。口。而。利。瑪。竇。自。澳。門。北。來。亦。首。蒞。止。於。滬。上。然。則。地。靈。之。外。交。通。
之。便。利。復。足。以。助。成。徐。之。學。業。矣。

洋。涇。濱。話。者。用。英。文。之。音。而。以。中。國。文。法。出。之。也。相。傳。業。此。者。三。六。人。名。曰。露。
天。通。事。大。抵。均。歇。業。之。西。憲。馬。夫。等。集。合。而。成。遇。外。國。水。手。及。初。至。上。海。之。洋。商。
購。買。食。物。則。若。輩。自。願。爲。之。嚮。導。而。從。中。漁。利。者。此。滬。上。相。傳。之。舊。說。也。其。實。凡。

匪類祕密之結合。自施耐庵水滸創爲天罡地煞之說。自後遂率以三十六數爲其內部之組織。露天通事以無賴著名。滬上是否祇三十六人。並無故實可徵。猶鄭子明范高頭黨之以三十六著名。實則呼朋引類。無業流氓。要未可以數計也。洋涇濱話爲不中不西之一種特別話。滬上盡人所知者。相傳外人初來上海時。尙有一種特別字焉。英文字母計二十六字。當華人初與外人接觸之時。此字母之音。華人頗能學舌。惟其字形則屈曲旁行。難於摹擬。黠者因以中文部首之口。ノ。ノ。口。○等。指定二十六式。以代英文字母之二十六字。此項字體。道光季年頗盛行。聞咸豐三年劉麗川踞城時。賊首暗與外人通嗣經中官多方偵緝。劉尙以此項字體致書某洋人。以免華官之識破。此事聞之。吾鄉奚益。三奚昔年嘗被雇於上海縣署。據稱曾於舊卷中親見此項字體。惟當時以不識所書云何。故未及錄副云。

上海五方雜處。語言龐雜。不可究詰。大別言之。約可分爲數類。(一)廣東話。洋人

由廣東北來上海。故廣東人最佔勢力。(二)寧波話。寧波濱海。開通較早。來滬亦先。(三)蘇幫話。地主也。(四)北方話。京津山陝富商大賈及優伶一派所流演者。第五乃始及上海本地土話。蓋上海爲海濱小邑。自明季歷遭倭寇。元氣屢傷。故生齒不甚繁殖。今之十里洋場。昔日之荒烟蔓草耳。故上海土語除城南城西一帶。尙有完全土著外。其餘一變再變。所謂上海白者。大抵均寧波蘇州混合之語言。已非通商前之舊矣。純粹上海話。呼兒子曰後子。而尋人曰梭人。公鶴留滬日淺。暇當訪之上海土着。另有記錄焉。

上海方言之龐雜。旣如前述矣。乃自海通以來。不僅中國各地方之語。均集合於上海一隅。卽外國語之混入中國語者。亦復不少。例如剛白渡之爲買辦。密司脫之爲先生。引擎馬達之爲電氣用品。德律風之爲電話。或中國本有其名而習用外國語者。或無其名而不得不外國語者。或無其名而新立一名。其效力仍不及外國原名者。偶讀張季直先生東遊記。云日本自維新以來。凡西洋各物品之

流入日本者必先爲之定一漢文名字。輪船之命名汽船。當時由新舊兩派費幾許研究。並翻徧康熙字典而得之。惟自來火之稱名。始終未得妥貼之漢文名字。故仍以譯音之瓦斯稱之。觀此則正名百物。本國家之所有事情。不能概之中國耳。至鹽水妹爲鹽飛司妹之省音。寓有美麗之意。鴉片亦唉柄之訛音。然社會上則竟不知其爲外國語矣。

上海中下流有習用之一種罵人語。有有意義者。有無意義者。有不知其意義何若者。錄之亦社會現形之一斑也。有所謂豬頭三者。此係歎後語。下藏一牲字。牲字與生字同音。蓋凡來上海者無不以老上海自居。而以初來上海爲可恥。故凡罵人曰豬頭三者。並非不堪之語。不過言其生耳。然習俗相沿。今則已視爲奇恥極辱之罵人語矣。蓋以訛傳訛。人云亦云。並未知此語之解釋也。有所謂擦白黨者。言本係劣質之銅。偶藉磨擦以欺人耳。然今亦已誤擦白爲拆白矣。有所謂接眚者。此卽蘇常間人死後回家接眚之說。有所謂着底者。言其人品低之極度也。

此等口賂。馬夫流氓烏司及妓館中尤爲流行。至阿木令阿土生等稱謂一係外國名詞。一係鄉孩乳名。不過取以爲侮辱生客之具耳。又有所謂壽頭者。此與曲辯子瘡生等雖同一罵人之語。然並非上海之專用名詞。且意義頗易解釋。惟壽頭二字究作何解。昨聞之葉潤之君。（葉原籍洞庭山。自其祖卽遷居滬南。而潤之又究心滬事。）據稱壽頭者。豬頭也。豬頭形頗肖一壽字。故以壽頭二字罵人。較曲辯子瘡生尙不離人類者有間也。錄此以助一笑。

國際賠款始於前清道光二十二年中英江寧條約。該約第四款以洋銀六百萬元。償補鴉片原價。第六款償補兵費洋銀一千二百萬元。此爲國際賠款之始。厥後咸豐八年英法之役。光緒甲申中法之戰。甲午中日之戰。至辛丑十二國和約之賠款四萬五千萬爲極矣。無戰不敗。敗必償款。此爲國恥。寧不彰彰然吾國公私文書。則每每諱賠償爲撫恤。（猶憶壬寅江南鄉試第二場策題論償款用金用銀之比較。各卷多有以用賠款二字遭黜者。亦諱莫如深之一證也。）中日甲

午開戰。吳清卿奉命督師。書生言兵。營門前張掛投降免死牌。已覺視同兒戲矣。尤可笑者。吳以名翰林薦歷封疆。文詞贍雅。斐然可觀。於討倭檄文中。歷敍天朝深仁厚澤。柔遠有經。而於道光壬寅光緒甲申兩次戰事之賠款。謂係中國戰勝外夷。撫恤遠人。恩威並用之至意。文有云。玉帛干戈。醜類安知禮數。雷霆雨露。王者不外恩威。此文傳至滬上。申報首爲登載。繼由各西報譯登。嗣英法領事卽致書詰問。謂賠款約章俱在。何得肆爲侮訐。卒由滬道復書道歉而事始寢。可見文字虛驕之足以肇禍也。

光緒初年。新疆用兵。左文襄倡議借用洋債。此爲中政府募集外債之始。（商人之欠洋款。由來已久。檢道光壬寅中英江寧約第五款酌還商欠三百萬兩。此爲國家代還商欠。非國家自身欠款也。）委道員胡雪巖主其事。新聞傳至滬上。各西報畧有諷議。謂借債募兵。非計之得。又有謂國際用兵。（新疆兵事。頗涉中俄間關係。）第三國不宜有所資助。此等論調。看似忠於爲我。其實此次借款劃出

若干爲購買槍礮之需。債權者得兩重利益。故得之者欣然。旁觀者遂不免發爲
妬詞也。（偶閱外債痛史於此事亦有記載）及華字報稍稍登載。事爲左所聞。左
卽致書某友云江浙文人無賴。以報館主筆爲其末路。蓋卽指此事爲言。噫尊重
輿論。在今日號爲共和時代。尙未得此機會。奚論彼時。然以報館主筆爲無賴文
人之末路。一筆抹殺。可爲失言之至矣。

西人裘雪司著上海通商史。其首卷詳論上海地理上之歷史。并推究上海命名
之意。爲卽海上之義。當時頗無以爲難。及檢閩郊賣水利書。則稱松江之南大浦
十八。有上海下海二浦。縣得名以此。據此則先有浦名。後有縣名。裘氏云云。未免
望文生訓矣。下海浦今爲楊樹浦一帶之統名。聞之滬上人。過今白大橋向東爲
昔之頭壩地方。再東爲二壩。又東爲三壩。由頭壩至三壩間爲舊時之下海浦。
同治間所修之上海縣志。稱新關在北門外頭壩南面。浦新關卽今之海關。海關
舊在頭壩地方。今關中華司事尙有能言之者。惟頭二三壩之舊址及其名稱。自

通商開埠後。今已非普通滬人所知。且不僅此一地爲然也。跑馬廳中之小村落。寺浜橋西之小市集。皆其例也。

光復後。浙江旅滬人民以海運局所有權之爭持涉訟經年。迄未解決。茲將滬上設立海運局之歷史一述之。查海運始於元時。明永樂十三年會通河成。海運以罷。至前清道光五年。政府從某御史之請。以運河淺塞。歲運天漕。工費款鉅。不若海運之便。迄咸豐五年。長江一帶髮氣遍地。而上海則藉西人維持之力。大局安謐。於是江浙兩省之漕悉由上海交兌起運北上。此爲滬上設立江浙兩省海運局之始。當其時蘇則以海防同知主其事。浙則設局於小南門外。每歲由浙撫派員主管漕事。運米之船計分四種。曰沙船。曰蟹船。曰衛船。曰閩船。悉商爲承攬。至十一月羣集浦江中裝米北上。及招商輪船開辦。所有糧米悉由輪舟分運。此前清成案也。民國成立。南漕折價運米之例以廢。於是海運局爭執之案以起。公鶴聞之案中人云。浙局之購地及建築。係當時船幫中人爲之。以沙船幫爲其主體。

沙船幫均江蘇人。蘇人以此爲理由。故涉訟。經年未能解決云。

凡沿海地方必崇奉天后宮。天后之歷史。言人人殊。而以后爲閩產之說較可信。江陰夏二銘先生野叟曝言中以香烈娘娘當之。雖小說家言不盡足。據然夏係績學。其說亦必有本。且神道設教於此等傳訛之處。無減人民崇信之心。則以不求甚解。解之而已。上海天后宮在今鐵馬路橋堍。（鐵馬路以淞滬鐵路車站初設在此而名。今車站雖移北里許。而鐵馬路之名則猶存也。）此爲通商以前之舊建築。頃葉潤之又告余云。上海各會館內。均設有天后神牌。朔望拈香以致敬禮。蓋水道爲交通媒介。上海襟江帶海。凡遠省來滬經商者。故無不乞靈於天后。以求神佑。此說良可信也。惟俗傳天后聖誕爲三月二十三日。各會館於此數日內。每每開筵演劇。以伸祝嘏。獨江西會館則於每歲八月朔日爲之。緣江西爲夏布產生之地。每年春間。各商正在產地購貨。及八月初則布市告終。故於此時爲賽神之舉。別幫係春祈。而江西則係秋報。迷信神權一也。

又邱毓三先生告余云。凡海船舵樓上均設有小神龕。龕中除安設天后牌位外。并具備木製之小斤斧鋸鑿等物。遇海洋中大風浪傾折之際。舊法必先斫斷桅木以免招搖。若倉猝間力研不斷。則由舵工向神龕虔誠拈香。然後取出木製之小斤斧作形式上之研伐。則其桅自斷。此雖迷信不足信。然正可見海洋中崇奉天后之達於極度矣。

上海舊有之縣監獄。前清時以預備立憲之故。於宣統二年改建新式監獄。當改建之始。所有舊時蕭王殿等附會之建築。概行廢除。(舊監獄中之有蕭王殿。世俗有二說。蕭係蕭何。一說謂蕭何爲定律之祖。故監獄中崇祀之一。一說謂蕭何以宅地之故。曾繫詔獄數日而出。故監獄中建祀以作繫獄必出之意。二說均無所本。皆附會也。)獨一獄門之名。改建後依然仍舊。則所謂表門者是也。按表門之表字形式。上似表裏之表字。少去左方一撇。辛亥冬。公鶴備員於江蘇提法司署。壬子正月。奉令查閱滬監。及閱畢出監至該門。則舉首見此二字。公鶴乏學。而

性頗爽直。因舉以問典獄某君。某君亦茫然。嗣有書記某告曰。此字音義若何。余亦不知。惟由舊改新。此二字迄未更改者。相傳從前李紫璈先生令上海時。有人舉以爲問。李云。此表字係一獸名。另有一表字亦係獸名。與表互爲雌雄。傳聞李說。如是至讀作何音。解作獸類。是否別有引證。且獄門之名。何取此表獸。迄無人得其解者。惟旣傳有此說。而改建時。以舊時刊勒此二字之石片已碎。因於新獄告成時。另以小洋鐵皮書此二字。釘於門欄之上。以垂示紀念。云云。此表字發現之歷史也。前日隨同某君赴監獄參觀。詢之看守士。據云此項洋鐵皮去年滬亂越獄時已毀去。則此字此事已成監獄史上過去之陳跡矣。李公彊識博聞。必無謬誤。惜語焉不詳。識之以質海內宏達。

梁任公先生大陸遊記中有云。凡人由內地初至上海。則內地陋矣。由上海至日本。東京則上海陋。由東京東渡至紐約。則東京陋。蓋凡事物無不從比較而見優劣。文化改進之公理也。公鶴則謂讀書論世。亦然。今日爲科學的。世界由今上推。

至宋明由宋明上推至唐以迄兩漢時代愈遠則一切典章文物亦愈形單簡後人笑前人之拙運會及趨勢爲之不得以是爲非難也公鶴好讀昔賢筆記及短篇文字乃以今人之眼光讀昔賢之記載每有今時婦孺經見之事物而昔人目爲奇異者今時婦孺共信之事理而昔賢創爲疑詞者江上蹇叟（書中不著撰人姓名偶見梁任公時務書目則云係夏雪所著不知何本）所著之中西紀事載道咸間洋務頗詳王之春通商始末記多所取材然書中對於外人方面不僅故作貶詞且多附會揣測之談在今人見之斷無徵信之理此非今人識見之高於古人也客方面促進主方面之程度也閱王紫詮葛元煦諸先生滬事記載於當時上海租界中開辦之自來水及自來火電燈電話於矜奇炫異之中尙不免作言外之諷刺而於滬上一般盲瞽之謠謠亦復詳載其辭抑若不無萬一之可信者以今例昔中流以上人知識之增進固迥異於往初卽勞勦苦力之在中下流者亦頗有進步之可言觀上海自開辦電車之始當時輿論不無阻力且擬作

集合之抵抗然抵抗之詞大致不外危險生命之一語關去從前種種迷信之浮談則較之創辦自來水火時之無理造謠其知識之文野爲何如哉運會及趨勢有轉移文化之權然則以今人而不慊於古人者安知後人之不復不慊於今人乎

王紫詮瀛壻雜志載距吳淞西南十里地號陰岡烟戶數十家其俗以夜間爲市日間則各處多閉戶高眠一至上燈時候百事俱舉鄉人之抱布貿絲者絡繹而來人以爲鬼市此其所以爲陰岡歟按此風今已不存所云陰岡者卽係蘊藻浜與王志所稱距吳淞西南十餘里準望亦不甚懸惟紫詮不知夜市之故因望文生訓而謂該地所以名爲陰岡此則失之千里矣蓋江浙間以織布爲農民之副業鄉民抱布赴市貿易其慣例必在黃昏及侵曉者實以交貨易於掩飾之故布質之疏密分量之輕重與夫羼雜紗線中粉糊之多少從燈光下評定貨質計論價值較日間易於含混夜市之設原因如是公鶴江陰常州間之黃天蕩人也蕩

離江陰西門外之夏港二十餘里夏港布市爲江陰冠。猶憶幼時該鎮布市率在夜間近自洋紗盛行此風始革若據王氏所言則夏港鎮不將名爲夜港鎮乎且此風江浙間隨地而有特從前讀書人不親細務於此等風土人情不甚注意故率多意爲詮釋云。

上海之稱爲上洋此亦滬上商人間一種習慣蓋各商店發票上均如是稱謂也惟自中西國際交通以來稱外人爲洋人稱舶來貨爲洋貨稱墨幣爲洋元稱外人所設之店業爲洋行標以洋字蓋別於華而名之也中國陝西有洋縣湖北有沙洋鎮此就洋河得名（非洋河高粱之洋河）與海洋之洋解釋各異海洋之洋以洋爲海之代名字凡自海外來者均以洋字賅之太倉之鎮洋縣上海之洋涇浜浦東之洋涇鎮及上海之稱上洋則以地方濱海而得名者惟洋人洋貨洋元洋行種種名稱亦有通稱與不通稱之別洋人上海普通稱爲外國人而洋貨關係概括的稱謂若將各貨分析言之則名洋火曰自來火洋布曰花旗布除洋紗。

洋燭洋傘諸類外抑若諱言洋字者至洋元最爲通稱自本洋墨元流入中國中國舊以銀兩爲本位之制幾廢而內地人名洋元曰洋銀蘇浙間名洋元曰洋錢則洋字又幾爲銀元之代名字矣然公文書則始終稱曰銀元不曰洋元也其洋行之稱濫觴於廣東之十三洋行然彼時係指洋行爲華人代銷洋貨之名稱今則凡外人所設之營業統名曰洋行此其稍異者近時日本小商人開設之牙粉蛋餅等店門首亦懸掛某某洋行則究竟洋行營業有無範圍旣無法律上之規定亦一任自由而已

上海市面之興盛論者多歸美於英人商業眼光之透闢其實亦不盡然上海開埠當前清道光壬寅之後然迄道光三十年間濱江茅屋蘆葦爲鄰商市蕭條烟戶零落閱裘雪司氏上海通商史則知此十年間滬市固未見進步也及咸豐三年劉麗川踞城爲亂時則太平軍亦已佔有南京劉與英領阿法暗通觀上海道吳健章之不死於難此中消息頗費推詳而太平軍之發難其初外人亦嚴守中

立。故租界因得圈出戰線之外。於是遠近避難者遂以滬上爲世外桃源。當太平軍逼近上海之際。某寓公名租界爲四素地。蓋界內藉外人之勢力以免兵禍。所謂素夷狄素患難者是。而流寓之中富貴貧賤相率偕來。則所謂素富貴素貧賤者是。此爲上海市面興盛之第一步。及乎租界治權全入外人。而清季黨禍之興。則又率以上海爲逋逃。迄革命事起。內地擾亂。於是上海人口遂驟增至百萬以外。以上海襟江帶海。復經外人之竭力經營。工商發達。輸運便利。其足以吸收全國之商業固已。然無吾國數次之內亂。其效果亦決不至是。若夫光緒甲申中法之役。甲午中東之役。庚子聯軍之役。以國際衝突之故。謠言蜂起。謂此後將復前此閉關絕市之舊。故滬市不無稍受其影響。然數月間事耳。於全局固無關係也。

一地方市面之盛衰。每與一地方之交通爲因果。上海在開埠之前。其市面較盛之區。於南則以小東門至大南門一帶沿浦之地爲最。觀常關所在地可知矣。於

北則以新聞沿吳淞江一帶地爲最。上海在開埠前本爲放洋巨口。然繁盛地點何以不在吳淞口及今楊樹浦一帶。則此別有歷史上之關係。朱明之際。江浙多遭倭寇。滬以濱海。故蹂躪尤甚。當時方面大員以海寇利用舟楫。凡濱江沿海之區。遭劫更易。故凡江浙間繁盛鎮市。均遷入腹地以避其鋒。此上海南北兩市之僻在內地之一大原因乎。及開埠之後。輪船直達黃浦。故沿浦市面驟焉興盛。自吳淞江通行小輪。於是新聞老闆之間。亦見起色。至滬寧鐵路告成。陸路交通又在閘北一隅。而愛爾近路及虹口迤西一帶。又繁盛矣。甚矣市面與交通有密切之關係也。雖然。此中不無比較焉。中國人以市面遷就地理。外國人則每以地理遷就市面。蘇彝士巴拿瑪河之不惜巨大資力。以謀交通上之便利。固已卽小而言之。上海租界之所以日臻繁盛者。開浚黃浦。包建鐵道。何一非以地理遷就市面之明證乎。若夫香港青島。在昔幾同海濱無主之荒地。一經外人着手經營。氣象便爾改觀。近自奧塞開戰。德人且視青島爲亞東海軍立足地。則洵乎事在人。

爲也。

江浙間顧繡之精工爲全國冠。清季南洋勸業會預賽之意皇太后繡像價值三千鎊，即出蘇州某女士之手。其世業可知。顧刺繡而必名曰顧繡，且商業懸牌亦必高標此二字。相傳明時上海巨紳顧氏兄弟二人，長名名儒官至道州守，次有名世官尙寶司丞。名世闢露香園於城西北隅，其姬人某工刺繡山水人物、魚鳥花卉，着手如生，遠近豔稱類以得其手製爲珍寶。以是顧繡之名喧噪一世。嗣由閨閣間仿其遺製，繡成物品售於市，始則冒名顧氏手製，繼則云仿顧式爲之。相沿至今，顧繡之名遂爲刺繡業之普通名詞。猶食品中之東坡肉、伊府麵、瓷器之以某氏窯著名矣。

露香園爲滬上歷史上之名園。園爲顧名世所建，相傳其兄名儒築萬竹山房於城北之黑橋，而名世亦築露香園於今九畝地故址。露香園盤桃爲滬上名果。自該園圮廢，一部分就青蓮座改爲青蓮禪院，前清道光中葉復就其地改爲社倉。

及火藥局。未幾藥局焚。各建築亦均被燬。亂平後。設演武廳於其東偏。今俗稱之曰舊校場者是也。前歲伶人夏氏集股就其地建設新式舞臺。市面頗有振興之象。乃開演未幾。驟遭火廢。今則又一片荒涼矣。

滬上髦兒戲。當戲市尙在法租界戲館街時。已與男班並駕齊驅。則其由來已久矣。惟髦兒或稱貓兒。相傳係揚州某女子擅長此藝。教女徒率髫年稚齒登台獻技。此女子小名貓兒。故遂以貓兒命名。(見王紫詮瀛壻雜志)或稱帽兒。(見葛元煦瀛遊雜記)則以戲角中有紗帽方巾名色。女人裝演男子。故名。今普通名曰髦兒。寓有時髦之意。然時髦者何僅女子之演戲者。人云亦云。亦以不求甚解。解之而已。

戲劇有改良風俗移易人心之作用。故昔之名爲伶人者。今已尊爲藝員矣。然試問今之足膺藝員之實者。究有幾人。海上戲劇。同治初南靖遠街有滿庭坊之開設。徽班也。徽班興而崑曲微。及京班南來。當時最爲表表者。如寶善街之金桂。六

馬路之宜春天仙。四馬路之滿春。其巨擘也。若夫同時並起。又有山西班紹興班廣東班。此不過爲一地方人之嗜好。時開時歇。其亦天然之淘汰歟。

南市新舞臺開而戲局又爲之一變。形式改良。固其先導。而新茶花黑籍冤魂等新劇。亦頗有裨於社會。至近時春柳新民等社專以演唱新劇著名。而社會之好尚。又爲一變。聞各新劇社以春柳爲最。以社員均受有教育。且曾在日本演唱而受彼中歡迎者。然在上海則惟上中流喜就之。若一無知識之下流社會。彼畢生之所作所爲。卽新劇之上乘脚本。現身說法。彼輩之所好。宜乎在彼不在此。公鶴爰爲之下一語曰。人謂戲劇改良。足以代社會教育。吾謂必先有識別戲劇之能力。然後可與言戲劇。若海上多數下流社會。直無福享受此社會教育也。嗚呼。此與行政官調查學齡兒童之動遭人民反對者。其事正同。有心人隱憂何極矣。文字賈禍。今古同然。自新聞紙盛行。而記載之間。偶一不慎。尤足以招愆集怨。中國報紙導源於上海。（魏默深海國圖志多采中西邸鈔。蓋廣東澳門自嘉道間

卽有報紙。魏氏所據。當屬此類。然華文者鮮。卽偶有之。如羊城日報等。不久而歇。無當歷史之上之稱引也。）上海華字報紙。開設較早。迄今尙存者。厥惟申報。公鶴八九歲時。族伯彥嘉先生自英倫回。（族伯諱嶽望。以光緒二年隨郭筠仙出使英法。旋於五年冬回華。至公鶴之得聞族伯語。乃在光緒十二年間。）問赴家塾晤先君子。力勸子弟輩於誦讀之暇。不可不購閱新聞紙以通知時事。蓋得風氣之先者也。嗣聞談及上海申報登載郭星使畫像事。頗饒興致。此實上海報界以記載不實。致遭外界詰問之最初歷史矣。稍長閱郭使西使日記。於此案亦略具一二。然終不若族伯言之首尾貫澈也。以次錄之。旣足當歷史上之紀念。亦新聞記者自警之資也。

光緒四年六月二十日。申報登一新聞題。云。郭星使駐英近事。據載英國各新聞紙言及中朝星使事。每涉詼諧。近閱某日報言。英國近立一賽會院。中有一小像。儼然大清國郭嵩燾星使也。據畫師顧曼云。余欲圖大人小像時。見大大有躊躇。

躇之意。遲延許久。始略首肯。余方婉曲陳說。大人始允就座。余因索觀其手。大人置諸袖中。堅不肯示。余必欲挖而出之。大人遂愈形踧跼矣。既定。大人正色言畫像。須兩耳齊露。若只一耳。觀者不將謂一耳已經割去邪。大人又言翎項必應畫入。余以頂爲帽簷所蔽。翎枝又在腦後。斷不能畫。大人卽俯首至膝。問余曰。今見之否。余曰。大人之翎項雖見。大人之面目何存。遂相與大笑。後大人議願科頭而坐。將大帽另繪一旁。余又請大人穿朝服。大人又正色言。若穿朝服。恐貴國民人見之泥首矣。以上悉畫師語。該西報又言畫成後。郭以繪像精妙。并欲延顧曼繪其夫人云。(以上悉申報轉登西報語。清季南洋開勸業會申報。以開館日起迄開會日止之各報與賽公鶴時服務津浦南局。偕同田君星侶往檢此報。以不詳月日未得也)自該報郵寄至歐。爲郭使所見。而絕大交涉以起矣。

申報登載此節新聞。不得不先解決兩大前提。(一)郭使是否有畫像事。(二)卽有顧曼畫像事。臨繪時曾否有此項語言。此二前提不決。則郭使之怒。怒其無事。

造謠乎。抑怒其顛倒事實乎。茲先就當時畫像事實略敍如下。前清光緒元年。政府以中外交涉日繁。允總理衙門之請。特派使臣出駐各國。此爲中國派遣欽差駐洋之始。當時派赴英國者。正使爲郭嵩燾。副使爲劉錫鴻。二年冬。放洋至三年夏間。劉副使偶於倫敦某書畫會見一天主神母畫幅頗佳。以價昂故。因囑隨員馬格里（英人。由郭劉在中國攜往英倫充隨員者）。代覓畫工摹仿一幅。馬隨薦一畫師名顧曼者應之。顧曼摹繪天主像旣竣事。郭使見之。甚爲獎飾。顧曼因云。今蒙欽差不棄。願恭繪尊照一幅。不計畫工。但賜筆費於願足矣。郭聞之喜。隨議定筆費二十鎊。正擬擇日繪畫。郭又以不耐久坐。商之顧曼。可否先以照相作藍本。顧應之。即於次日偕同馬格里。顧曼赴照相館拍照而回。當拍照之時。郭意頂珠必須露出。否則外人不知所戴爲何帽。又面不可正。亦不可過偏。一如法拍成。交顧攜往。及十日後送畫稿來。亦邀郭使賞鑒。此當時畫像情形也。闔使館人員所見聞者如是。

事實如此而申報所登者如彼。時郭使適在法都巴黎見報後卽飭馬格里函詰畫師顧曼何以妄造此言。一方電詢申報根究此項新聞究譯自何報務求水落石出而止。乃顧信去後得伊家屬覆函云顧已挈眷出遊此時行蹤無定俟回後再行通知作復。申報則兩次電詢均無回音迄九月初始得顧曼來信云刻在倫敦繪畫爲生無暇赴法面謁惟上海申報所登各節全係虛妄鄙人以繪畫爲生此後聲名既壞衣食爲難旣據申報係譯載西報鄙人惟有一方致函各報辨白一方根究此項新聞究出何報何月何日以爲恢復名譽之地云云而申報則以兩次去電未復第三次并將覆電之費隨電匯去電中并告以如不作復定當訴之法庭至九月初十日始據申報覆電云該項新聞係譯自本年四月某日歐臥蘭美報郭使隨飭馬格里前赴該報館根問乃根問之結果則該報係每星期日發行者申報所云之四月某日並非星期則該館並不出報馬以申報電復恐於月日有訛誤遂將該報全月若干分出價購來乃閱徧亦無是說於是郭使之怒

則更甚。

嗣有人爲郭使言。根究申報譯載何項。西報爲一事。先行致函申報及各西報。以證明新聞之錯誤。爲又一事。今前一事不妨緩爲根究。而更正之舉似不容緩。郭使然之。旋畫師亦由馬格里覓至使館。當由郭使命顧曼及馬格里各具一辨白之函。稿成譯成漢文。經郭使點竄數過。然後分寄上海申報館及歐洲各日報登載。以明真僞。至馬格里之具函辨白。蓋當時畫像。郭使與顧曼應對之詞。均由馬爲之舌人也。畫師顧曼更正之函如下。

啓者頃閱本年六月二十日上海申報登載星使駐英近事一則。或謂係由僕口傳出者。殊屬詫異。僕以聲名爲重。安甘受咎。今特陳數語以辨其誣。查申報所述。係中國欽差在倫敦令僕畫像各情。及畫成後懸諸畫閣之事。所言諸多謬妄。僕目下正在追求原委。茲先爲辨正其詞。以免外間之誤。會夫僕之畫像。係馬格里爲之先容。帶見時乞得照像爲藍本。畫成後請星使臨視兩次。星使

極爲稱許。僕方感謝不盡。何至有捏造譏誚之理。且僕與星使言語不通。概由馬格里傳說。馬來詰僕。僕茫然無以爲對。謂以全無影響之詞。出自僕口。卽馬格里含糊。僕亦斷不能隱忍。以上各情。除函至上海申報先行辨正一面。根究來歷外。並請貴報刊登。俾閱此報者得知。中國此段申報。傳自何人。刊自何日。可以早日知照鄙人也。畫師顧曼啓

馬格里辨正之函則如下。

敬啓者。前於法京獲見本年六月二十日上海申報。披閱之下。不勝詫異。查顧曼爲欽差畫像。係由僕所引薦。畫成後。欽差初不愜意。經顧曼再三修飾。欽差始言畧得形似。迨懸於畫閣。見者亟爲稱賞。由是顧曼畫名噪於海外焉。蓋英人以欽差初次來英。詫爲罕見。遂使顧曼之畫。名頓爲增重。當其畫像之時。彼此言語不通。一切由僕傳達。若如申報所言。則僕從欽差將及兩年。曾未見有此形狀。似此憑空侮慢。令僕何以自處。後由法京回倫敦。詰以此事之緣起。顧

曼指天明矢。堅不承認。且在倫敦閱看新報十餘家。亦未見此一段文字。僕以此等譏諱之言。或因他人有意誣讟。故借畫像爲詞。或出自顧曼手筆。要皆無足輕重。蓋顧曼不過一畫工耳。輒敢矢口譏笑。自有人責其非。乃申報遽謂英國新聞紙言及中朝星使。每涉詆譖。而僕自隨欽差來此。所見新報無不欽佩。絕不聞有涉及詆譖者。因思泰西各國。無不講情理。無不講法律。各新聞之司筆墨者。亦多明白事理之人。故於各國駐劄星使。從不肯有所譏諱。若如申報所載。甚非英人所樂聞也。今顧曼已有辨說。更望將僕此論載入貴報。稍正前言之謳。顧曼之得失不足與校。惟僕自覺其人由僕引薦。言語由僕口傳。此等誣讟之詞。實令僕無顏以對欽差也。用瀝陳之伏候鈞鑒。馬格里啓。

自顧曼馬格里兩更正之函。登入各西報。外人始知此事之原委。而郭使以事隔多時。怒亦稍息。嗣經館員詳細調查。則知申報所登。確有來歷。惟不若原西報之甚其詞。而西報之所以得此新聞。則蛛絲馬跡。又復別有原因。茲再將事後館員

所查得之消息彙錄如下。時則郭使已瓜厯回華。此事卒亦未具何等之結束也。當顧曼畫像之後。有顧丹者。顧曼之弟。充英倫新聞紙名代立太里格拉第館之主筆。偶聞乃兄代中國欽差畫像。則探問之。顧曼初次爲中國達官畫像。則亦故甚其詞以告顧丹。云中國有割耳之罪。故畫貴人時必將兩耳齊露。所言不經。大抵類是。（此等傳訛。中西均不免。蓋語言文字風土人情之隔絕爲之也。猶憶前在津浦路局時。某西工程司問云。聞中國尊長對卑幼。上司對下屬。必戴眼鏡。而卑幼對尊長。下屬對上司。則雖有目疾。亦不准戴眼鏡。此何說也。此等誤會之詞。在昔愈甚。）顧丹卽以是告之。代立太館員嗣又恐礙及顧曼。乃以是說介之別一新聞紙名喀爾司喀爾納者。於四月十六日登出。事經顧曼顧丹代立太里格拉第喀爾司喀爾納轉展附會。及該報傳至上海。又經上海某西報裝點其詞。時則申報尙在外人之手。不聞事實之有無及真偽。卽與盡情披露。觀六月二十日所登之文。云英國各新聞紙言及中朝星使事。每涉詆譖者。卽指喀爾喀報而言。

云近閱某日報云云者。卽指上海某西報。及郭使致電詰責。始無以對。則置之不復。後經郭使將復電之費一并匯滬。乃知事難終諱。不得已泛指一英京之星期報。以爲唐塞。固不虞郭使之志在澈究也。然始終未將上海某西報指出。并喀爾喀報之登載。亦未舉以告郭。蓋當時中國無所謂報律。而就轉載別報之件以甚其詞。則幾同勾串造謠矣。宜其祇以延宕爲緩兵之計也。此案開始於光緒四年四月十六日英報之登載。而上海西報則於六月初轉登。申報則於六月二十日轉登。迄巴黎倫敦上海展轉函詰。直至光緒五年秋間。郭使受代。然後此案成一不了之了局。其亦華字報紙最初最巨之交涉乎。濡筆錄之作爲上海報界之一大紀念也可。

自奧塞開戰。歐洲列強。以歷史上種種原因。多半投入旋渦。然兵禍僅限於歐洲一隅也。自日本以英日同盟之故。加入戰羣。而青島以租借關係。又在德人之手。於是太平洋戰禍。不能免矣。聞八月二十三日十二時。爲日本哀的美敦書最後

之限期。戰事之能否幸免。不得不爲我中立之中國危。嗚呼。誰生厲階。則前清之輕棄領土。爲可悲嘆也。茲特就吾國割棄領土之類別言之。當亦有心人所同聲一哭乎。按吾國割棄領土約有三類。一割讓者。英之香港。日之台灣。完全係戰敗之割地求和。然當割讓香港之時。我國民懵於時事。而當道亦率以香港爲荒島。無足重輕。故國際上雖負割地之名。而國內尙未之注意也。二租借者。青島。威海衛。旅順。大連是也。此項與割讓雖異。然在租借期限以內。則統治權完全爲受租國所有。譬之割讓爲永遠的割地。租借則有期限的割地。兩兩相較。則尙可藉彼善於此以自慰耳。三租界者。前清道光壬寅江寧條約之五口通商。咸豐庚申之三口通商。推而及於長江三口。以至各處續開之租界是也。此項爲租界。並非租借。租界與租借之別。租借則彼於一定限期內取得領土權。租界則以指定地方准外人於此營業經商居住。完全爲中外不雜居之救濟法。於領土權固無損失。卽統治權亦完全在我也。然以歷久外交家之不善處置。今則租借與租界幾無

些微區別矣。日內戰禍忽開。而青島卽有被圍之舉。寧非租借之肇禍耶。懲前毖後。願我政府人民對於租界主權加之意乎。

上海靜安寺旁有劉松巖方伯專祠。祠內有塑像。紅頂煖帽。身穿長褂。腳踏方頭靴。頃過祠中見之。長褂已舊而污。大約係襯衫。其袍褂已失去。脚下踏兩獸。尤爲奇絕。劉名郇膏。自上海縣起家。仕至江蘇布政司。護理巡撫。今日久遷流鄉民。已奉爲一種神道。每年出會。名曰劉大人放賑。經理此事者別有一會。壁間貼劉大人會首名單。凡會首卽有數十百人。其非會首之普通會員。人數之衆可想。神像之旁。左有一黑面紗帽補服之像。右有二皂帽補服白面之像。大約黑面者係判官身分。白面者係承差身分。何以皆用明代服色。又不可曉。黑面之像。獠牙怪狀。有籤筒供人求籤。此事若在劉氏子孫言之。必侈言方伯歿而爲神。爲滬民所崇拜。然不佞揣其實際。則係劉生前好名。留一肖像於滬。後劉氏子孫置之專祠中。日久乃爲惑衆斂錢者所利用。遂有劉大人會。古人掛錢於樹。香火遂大盛。固非。

本人所及料也。鄧膏在縣志自有傳。其事蹟多有能言之者。非本文所必詳也。以上均述自心史先生云。

法租界以人名名馬路。公共租界以地名名馬路。前已略言之。而太古公司之各輪船亦以中國各都市爲名。其尤爲奇特者。在昔有孔夫子輪船。（光緒某年觸電於漢口）今航行上海青島間。某公司船有名大臣提督者。此等命名之奇異。我華人鮮不以爲不經。其實此乃西人之通例。俄之彼得羅美之華盛頓。固其最著者。他若英人之闢新大陸。在女主馬理時所經營者。則名馬理蘭。在若耳治時經營者。則名若耳治。在占治時經營者。則名占治。而輪船之用人名。則駐泊香港之鐵甲船名飛多日曼奴爾。卽以意大利中興之主爲名。此與名孔夫子者同一崇拜之心而已。此證之西例也。其在中國。則凡星象山川郡縣之以意定名者。亦復百出其例。是故箕斗杵臼器也。將相丞謁官也。王良傳說人也。狼狗鷄鶉禽也。龜蛇魚鼈水族也。而皆爲星象之名。夕陽平明時也。司空尉氏官也。牂柯蓮勺器

也。高柴不韋勇士青衣人也。旄牛鸞鳥白狼青蛤蘆冷犴氏飛走也。而皆爲山川郡縣之名。吾人少見多怪。使以此笑外人之陋。彼外人乃舉上所述者爲反唇之譏。又將何說以答之耶。

今將軍銜上海鎮守使鄭子進上將自去夏率旅南來削平黨亂。頗有造於東南。然滬上人大率不諳將軍之歷史。及其出身。今年春前淞滬警察督辦薩鼎銘。上將邀飲某所席間。談及鄭君之歷史。始悉鄭君始以水師學堂高材生遣學歐西。與今海軍總長劉子英上將爲同學。後閱無錫薛叔耘出使記。於舊卷中檢得光緒十二年署洋監督。恭薩克稟曾敏惠文稱閩廠。初次續次出洋學生除改派出使差事者外。實數尙餘四十五名。而薩鼎銘上將實以管駕學畢業居上選。此爲中國海軍學生第一次第二次之留學。至光緒十五年監督肄業事宜。福建補用道周懋鼎具稟。第三屆津閩水師學堂出洋官學生三年學成。援案請獎計畢。業管駕學者八員。劉冠英。黃鳴球。鄭汝成。邱志范。王學廉。陳杜衡。沈壽堃。鄭文英。

是稟稱習勞耐苦。考試屢列高等。彼中新聞紙亦爲揭載。學優而仕。蓄之有素矣。去歲滬亂劇時。某英人前往戰地觀戰。盛稱鄭布置周密。指揮如意。而歸功於西洋留學之有得。彼時勝負未決。故普通人均未之注及云。

馬路以中國都市命名法租界間亦有之。然又有兩租界同一名稱者。公共租界之福建路。華人所稱南石路。北石路是也。而法租界南盡處亦有福建路。大馬路。北之寧波路。華人以北京路。天津路統名之。曰後馬路是也。而法租界沿西城河浜。起至周涇浜止。亦有寧波路。此外公共租界有台灣路。法租界黃浦灘至城河浜間之馬路。亦名台灣路。論各同名路之著名。則法不如公共。然孰先孰後。何以同在一地方。不相讓。避今已不盡可考矣。

南方稱里。稱弄。北方則稱衖。上海十八九均稱里。而如意街則有如意胡同。製造局街。北則有南池胡同。花衣街。北則有留硯胡同。以上均在中國地方。若在租界者。則石路。西有松盛胡同。棋盤街。有棋盤胡同。而四馬路之新民衖。衖又不作

胡同而作衡術此則竟與北方之衡術同矣若城內舊有五福胡同今已改稱爲里前商務印書館第七版上海指南中之城廂租界地名表尙存其名第九版亦改爲里矣

常州城內有磨盤橋中和橋江陰城內有文亨橋均名爲橋而無河且有并橋式而無之者常州江陰爲公鶴幼時往來之所除江陰之文亨橋爲前清學使姚文田改浚河道時之遺跡外其常州之磨盤橋中和橋則已不知其地理上之歷史頗費掌故家之研索惟上海則不橋之橋殊多公共租界之鬪鷄橋（俗訛作偷鷄橋非是）法租界之八仙橋尤爲人所共知（八仙橋之填拆不過數年前事一蓋外人以地理遷就市面故於舊時之河道非浚卽塞河道塞而橋名猶是近者奧塞未開戰之先本埠工部局提議填塞洋涇浜議未決而戰起故此事遽爾停頓否則自洋涇浜橋以迄西新橋將又爲歷史上記念之橋名矣

上海當辛亥九月革命之初狂徒謬持排滿主義故雖商業牌號中有滿字清字

者亦均剔除以示深惡痛絕之意無識舉動莫此爲甚其尤可嘆者則當時凡街巷里術之名有清字者亦一并以華字易之如德清里之改爲德華里清盛里之改爲華盛里蓋自上海軍政府成立以後行政官且有注意於此者人謂滬上得風氣之先公鶴則謂適以見上海人之程度而已

清季添設商部後并著手編纂商律因行文各屬商會擔任調查之任蓋吾國向以重農賤商爲政策故於商業上絕少成文之規定其實商事習慣各有其相沿之成例無以名之名之曰不成文之商例而已且一地有一地之商例而一業又有一業之商例頗近於地方單行章程者然公鶴蒞滬有年然與商人少接近去歲識鮑厚甫君業棉紗且具世界思想及經濟知識者日夕晤談頗得聞滬市種種商例錄之亦異日編訂完全商律時一參考資也

棉紗業同行中定貨出貨概以口頭契約爲憑然遇價格有高下時迄未有反悔圖賴者蓋十餘年來如一日也中途如有折閱或罄產不能償還者則邀請第三

之同業者居間調停而調停之結果大率由債務人立一期票交債權人收受。至該票雖名爲期票與普通准期付款之期票性質不同蓋一種體面之興隆票也。（興隆票亦江浙間商例蓋必俟債務者興隆後而始償款也）使以法律繩之則旣名爲期票當然有准期付款之義務然向來此等糾葛迄未成訟者則商業道德有以維繫之亦商事知識之簡單故人心尙平直也此外錢業之慣例亦夥如兌款不逾每日下午二時等例知之較多不別詳又如染坊業收領學徒於行規中規定每五年祇准收領一人逾此者罰此則近乎壟斷同盟罷工等惡劇即此等慣例釀成之也。

又前日令女傭以酒壺沽料酒十文乃酒店竟不之與詢之則酒店通例凡售酒不滿四兩者不得盛以酒壺蓋四兩以內均作爲料酒用料酒不得盛以酒壺亦酒業中一種慣例也大約酒店納酒捐售賣料酒之雜貨店不納酒捐（按此所云酒捐乃租界中工部局之執照費非國內之酒捐也）故不准酒店以酒壺裝

置料酒乎未知是否

清季南洋開勸業會僑商梁炳農君以一萬元購得第一號入場券中外啧啧稱羨此與上海瑞記洋行裝置得律風第一號均足資歷史之談助聞租界初辦電話時信用不著卽外人亦鮮裝用瑞記洋行首與該公司訂立合同且代盡提倡之責故公司以第一號報之普通打電必先報明號數獨打電話至瑞記洋行可直稱瑞記無須報明第一號則於事實上亦殊多便利矣

馬路有一種商店門首用紙條大書收店在卽各貨減價等語（或書大減價一禮拜種種形式不一不殫述）始以爲此等惡習幾近詐欺歐西商市必無是也嗣閱各使西筆記則此事確亦濫觴於英法各都市而種種作僞手段且有甚於吾華者吐精華而茹糟粕華人之學步泰西固應如是

近日普益習藝所婦孺救濟會發起商借哈同花園開游覽會四日所收游資悉充該兩慈善團體之用甚盛舉也上海借名園售票以充善舉始於清季水災之

籌款頃閱各使西筆記則此舉亦歐西所盛行間有王公貴戚之內眷在場招待以盡襄助之責者然以異國旅人念鄰國之急若哈同者則又加人一等矣蓋哈同借園游覽今已第三次矣

公鶴來滬十有六年矣惟始終以傭書爲生活故於滬上時局不甚了了茲就見聞所及者舉而錄之雪泥鴻爪留作異日之記念而已

上海本以商埠著名與美之紐約略同蓋與政局素形隔絕也然以交通之便利人材之薈萃居處之適宜而又以租借關係爲吾國普通政令所不及遂藏有政局之黑幕及其背影革命之起諸偉人每利用上海一隅以與中央政府相抗迄乎武昌舉義江浙響應而大本營實在上海租界此其明證也至南北統一中央俯順民意組織國會尅期召集而反對者利用時機乃有歡迎國會團之舉宋案發現法律與武力各持一說少數無識盲從乃有召集國民大會之舉此又近年來利用上海以抗政府之實事也黨亂削平中央深悉滬上有不可終日之勢乃

派兵調警以鎮壓之。公鶴則謂此非根本至計也。根本至計何在？則處理租界統治權乃其尤亟矣。

租界司法權十八九爲混合裁判所侵奪。猶憶前清籌備立憲時，清單載宣統三年省城商埠法院一律成立，上海爲全國最大商埠而法院之遲不舉辦，乃中於江督張人駿無識之一疏。（大致謂上海以會審公堂之關係於舉辦法院，諸多窒礙，則并租界與內地之界說未明，專閩如是，不亡何待。）領事裁判遲早均一交涉，使前清早爲提議，則革命時已有成規，何至大權全落外人之手？故論者謂張督緩辦上海法院一舉，在前清爲抗違籌備立憲，清單在今日則并遺國際無窮隱患。曩與黃涵之（前湖北高等檢察長，光復後由上海士紳舉充司法長，嗣審檢廳成立，程前督委充上海審判長，去春以迴避本籍辭職）汪魯懷（上海地方檢察長）袁麟伯（上海地方審判廳長）諸君言及，不無隱痛焉。近者江蘇高等審判長蔡國清君、高等檢察長徐開愚君、滬海道尹楊小川君屢次磋商，

積極進行不識何日始能如願也。

當光緒初年有某英人漫游至上海時則雲南馬嘉里案未結吳淞鐵道剛由中政府向怡和洋行收買此外租界盛開烟館領事干預訴訟各種侵權舉動均已具有萌芽某英人固蓄道德者因以六事上書英政府一以鴉片流毒中國今且於租界中明日張膽准商人開設煙館以迷惑華人二招致奸民入教遇事壓抑良民三商人不歸地方官管理而以領事自理袒護不公四擅造吳淞鐵道事後反索賠款五雲南馬嘉里案不就案辦案并誣譏大員爲主使人（公鶴按所云大員當指岑毓英時岑總督雲貴也）六接待中國欽差禮有未至揚揚數千言一方面上書一方面并集合彼中禁烟會會員盡力鼓吹冀達目的而已數由某英人以書稿上之我國駐英欽差某君欽使以駐紮彼國於公務上尤不便與彼國紳士有交往卒以婉言却之此原爲出使人應守之義務亦公法之通例乃彼都新聞紙得此消息著論譏評以爲與遠東人辦理交涉切不宜推心置腹意者。

彼時公法學尙未普及於人人耶。否則此論乃失其所據矣。

太平亂事平。有某華商負欠某洋商絲款若干萬。彼時領事裁判尙未達至極度。該洋商因控之於上海道衙門。上海道委員提訊。則該華商力訴因亂損失一時。實無力償。還供畢。大哭不止。嗣委員以訊供情形轉稟滬道。滬道立提該華商到案。諭之云。爾之負欠既係因亂損失。惟爾能對外國領事同聲一哭乎。如能本道將送爾至領事處一訊。則此案便可了結矣。該華商一一遵諭而退。嗣滬道即將全案人卷移送領事署。領事果將前欠開除。且憫該商窮無所歸。并給銀洋數元。飭令還鄉。此事見某西使筆記。公鶴則謂領事裁判權之日漸膨漲。此等處頗爲作俑。然若滬道者。則固頑聲載道矣。

中國之有租界。在前清。自以五口爲開始。五口者。廣州。福州。廈門。寧波。上海。是惟五口未開之前。則澳門已開租界之先。查澳門之被租。遠在明代。當嘉靖十四年。都指揮某。以二萬金出租。於葡租界有租金。則完全爲民法上之租借關係。及前

清之際尙有年繳五百金之例（見曾惠敏筆記）光緒初年我國新設南洋領事而政府以澳門治權全入葡人擬就該處添設領事一員以便保護僑衆時曾惠敏奉使莫法抗疏力爭謂澳門爲吾國領土與香港不同今以葡人侵我治權之故我卽默認爲外人之地此後欲虛懸一租界之名而不可得是輕棄國土也大臣謀國之忠可爲欽敬而辨明租界與割讓性質之格不相同尤能獨具深識可見一國國土無輕易移轉之理苟有一線之尙可藉詞豈宜輕縱今租界徧於全國矣仿照東鄰成例悉數收回今縱時會未至然幸勿任租界之淪爲租借租借之淪爲割讓則我國民已受賜多多矣。

公鶴來上海十有七年矣除中間奔走各地及赴日三次又歲必回里省視一二
次外平均每年必有十個月居滬以不農不工不商之人直接間接分農工商之
生產力我中國安得不窮我上海生計安得不蹙然而流覽全市間若類乎公鶴
者之不能生產且分產之人之多則觸目皆是焉其爲隱憂曷其有極至再進而

論經濟學之原理則通貨之商其生產力不若成貨之工而成貨之工尤恃乎生此貨物之原料品之農則農爲生產力之原素可知矣惟就上海論旣爲通商大埠則農人自不能占有勢力然工與商則固上海所恃爲發達商務之兩種人物也且論工商互爲成貨通貨之因果則工界勢力似必駕商界而上之乃就上海現勢觀之則短衣窄袖之工人其勢力萬不若長袍短掛之商人爲巨此其原因則以吾國普通人民知識卑下以現時工商兩種人較之必其少時稍受文字上之教育而無成者出而爲商其目不識丁者則學工藝而爲工以此則因歷史上之教育程度而遂成一工不如商之慣例若其最大原因則又以上海爲中外通商巨埠凡所謂長袍短掛之巨商其所以養成此巨大之勢力者並非恃乎國內成貨之工人而恃乎外國舶來之貨品故在世界各國通例商與工有承接一氣之妙用而在上海則成貨之工人不必卽爲支應商人之工人而仰給工人支應之商人亦不全恃乎國內成貨之工人而工商之互相銜接在上海乃有特別之

例外矣。是豈國家之福哉。但較之高等遊民僅有消費力而無生產力。而威權且駕乎各界之上。則猶有上下床之別耳。

上海實業之發達。較之外國。雖不敢望。項背而較之內地。則確勝一籌也。茲就其最著者言之。除僅僅供給本埠需要。若打米廠等。不計外。實以棉紗。麵粉二項。爲尤巨然。此事亦各有其歷史上之前因後果。紗廠之發達。爲棉鐵政策之一。今固羣知其重要矣。惟上海之有紗廠。中國自辦者。以華盛爲開始。聞華盛開辦之先。當中外風氣初開。清政府鑒於實業之趨勢。思有以提倡之。彼時所謂新人物。又才財足。敷展布者。無過於盛杏蓀氏。而盛亦以提倡實業。自負。見怡和在香港所經營之紗廠。勢力雄厚。盈餘操券。乃遂決議從事紗業。上海華商紗廠之源。如是。上海麵粉。通商後。統購外貨也。德商某見中國北部農產。以小麥爲最富。而麥食亦最多。雖麥質不若花旗。貨之色白而味厚。然以中國人購用中國貨。且機粉較磨粉色澤已較舊。爲佳。無慮其不發達。因購機設廠。命名增裕。而上海始有麵。

粉廠矣厥後營業日上歲有盈餘華商涎之於是壽州孫氏乃有阜豐廠之出現而今且全埠十餘廠矣上海華商麵粉業之溯原如是夫棉紗與麵粉爲吾民衣食之所必需當然提倡又何待言乃率由外人開其先路而華商以主人翁之資格反不免爲後塵之步則吾國人實業眼光之稚弱歷史上已如此矣然急起直追見外人之有利可圖猶能接踵繼起爲桑榆之補救則畢竟尙有實業知識之可言也此則上海一埠之所以能冠全國乎

公鶴前記嘗謂吾國外力侵入則上海當爲政治上之國恥紀念地物質進步則上海又爲學術上之文化發軔地孟心史君頗以爲知言惟外人輸入文化當時亦各有其系統及派別之不同在上海開埠之初英法雖同時偕來（英法來滬之後市井傳說則均以先至屬之法人且舉法租界沿城開埠爲當時外人密邇官衙便於保護之說爲證而按之載籍則吾通商爲中英江寧條約所允許厥後法美係援英約以通商者決無訂約英人之經營滬上反在援約法人之後此

事前記已有辨明茲續閱西人記載若裘氏上海通商史克氏太平天國外紀又泥城之一日夜上海三大兵事紀事各書亦均證明英人之先至并詳溯英人垂涎上海之始遠在乾嘉中葉則市井傳說不足憑矣但不識因何而致有此等傳訛也大約英人之來在道光二十三四年間法人援約亦在廿三年九月惟何時開始經營埠務今雖不可詳考然道光二十七年青浦毆打水手案據中西紀事則法領曾居間排解及交涉勢將決裂英法又互調兵艦則其時法人亦必已在滬開埠矣故先後雖略有參差不過一年或數月事耳謂爲同時偕來或與事實相符也又凡引前上海閒話者概省文稱曰前記後同雖同以通商爲目的然英人則商務重於教務法人則教務重於商務故英人首先譯出之書籍其所以指導華人者大率注重於商業聞英人首先開設之某洋行有華人赴行交易或訪友者每人必贈以小磅秤一具及印度公司出品花名簿一冊蓋首次來滬之英人大多數均由印度來也而該商等之注重商務尤可見矣民國元年四五月

間公鶴襄理清查滬道案卷曾見該項不完全之花名簿十餘頁每頁上截均載有華文略謂吾輩來華志在貿易且一以公平爲主若不信者可詢之佛國中人語句甚俚大約譯筆之欠雅馴耳至所云佛國中人則亮指印度而言蓋藉印度以徵信於華人也凡此均英人注重商務之證也若法人則偏重教務矣聞法人開埠之始來滬者以教士最占勢力蓋今法租界天主堂街之教堂及徐家匯之建築均爲法人鄭重教務之顯著者往歲曾聞之某華教士一千八百四十餘年法國元首某以疾革禱於某教堂獲瘳乃大提倡天主教教士因享有政治上之特權幾不亞於十數世紀前神權僧侶時代而又特獎遠出傳教之教士故法國教務之發達歷史上多得政治之助力實以十八世紀中葉爲尤甚該教士之言如是是否爲該教之烘托語抑實有西史之證明茲且不論惟一千八百四十餘年卽當前清道光之季世亦卽上海開埠之初期意者注重教務之原因卽受有本國政治上獎勵之影響乎而吾國所受外人文化之輸入於英則以商務爲媒

介於法則以教務爲媒介凡各有統系及派別之不同矣。（又凡在法租界經營大商業及與法人合股開設商號公司之華人十八九均係信奉天主教者立德油廠之劉姓某公司之宋姓幾比比而是其亦歷史上重視教務由教務而連帶商務之證明乎。

英人以不成文憲法著名於世界今日政治家所樂於稱道者也惟成文與不成文之分習慣與非習慣耳是故善爲治者必先能養成社會良好習慣然後施政無所扞格英人者蓋能注意於社會習慣者上海租界除法界外今統稱爲各國公共租界矣然其初則固完全英人之所組織也按英人以富於習慣聞故其足跡所至之地亦以養成習慣爲先務當英人初至上海時之設施今已不可盡見惟證以今日之現狀租界僑寓之華民爲數已達八十萬而歷經英人熏蒸陶育之餘知識與程度雖猶是陋劣不可名狀服從法律習慣則已較勝於內地例如民國開幕國內始有形式的司法衙門而訴訟案之孰爲刑事孰爲民事執以問

之普通國民瞠目不知所對者十必八九也若租界居民則雖婦孺子亦均知命盜鬥毆應向捕房控告錢債人事應向會審公廨控告於刑民性質頗能辨別了解此非華人之習有法律知識乃習有法律習慣也其次則吾國亦號有立國的根本法名約法者約法中規定人民身體非依法律不得逮捕拘禁審問處罰而新刑律於私擅逮捕又復訂有專章宜上下知所遵守矣然而官吏蹂躪人民人民不敢乞靈於法律也若租界居民則均知非有公堂牌票拘人者爲私拔人私拔人者無論官吏與人民均有相當之懲罰以堂堂約法會議議決大總統公布之約法其效力不及區區租界中工部局頒行之數條章程何哉蓋中國以法律爲文飾治化之具正商君所謂知者創法愚者守法萬不能法行自近也而外人則藉法律以養成社會良好習慣又申公所謂爲治不在多言顧力行何如耳買辦之名稱胡解者此於商法上實無確當之意義蓋吾國海通後租界上之一種特別職業也英文譯音爲糠擺渡咸同間名人筆記不曉譯音之不可索解乃

就。糠。擺。渡。三。字。以。中。國。文。字。爲。之。解。釋。謂。買。辦。介。於。華。洋。人。之。間。以。成。交。易。猶。藉。
糠。片。爲。擺。渡。之。用。既。以。居。間。業。許。之。而。又。含。有。輕。誚。之。詞。此。實。從。前。仇。視。外。人。因。
并。鄙。夷。代。外。人。介。紹。商。業。之。華。人。之。常。態。作。爲。未。開。化。論。可。也。惟。買。辦。二。字。究。作。
何。解。歷。史。上。因。何。有。此。制。度。則。嘗。聞。之。老。於。滬。事。者。矣。西。人。之。來。中。國。首。至。之。地。
點。爲。廣。東。彼。時。外。人。祇。能。居。住。船。上。不。准。逗。留。陸。地。(間。有。登。陸。居。住。者。則。以。澳
門。爲。安。插。地。在。明。時。即。然。見。中。西。紀。事。及。曾。勘。剛。集。)而。貿。易。往。來。則。全。憑。十三。
洋。行。爲。之。居。間。紹。介。遇。一。洋。船。來。十三。行。必。着。一。人。前。赴。該。船。看。視。貨。樣。議。定。價。
格。然。後。偕。同。官。廳。派。員。開。船。起。貨。及。貨。已。售。罄。洋。人。購。辦。土。貨。回。國。亦。由。此。人。爲。
之。居。間。購。進。而。此。一。人。者。當。時。即。名。之。爲。買。辦。意。義。上。若。謂。代。外。人。買。辦。物。件。者。
然。蓋。此。係。中。國。商。號。雇。用。以。與。外。人。交。易。與。上。海。之。所。爲。買。辦。完。全。受。外。人。之。雇。
用。者。尙。異。其。性。質。也。惟。買。辦。之。名。則。沿。襲。由。此。矣。暨。上。海。開。埠。外。人。儻。集。彼。時。中。
西。隔。絕。風。氣。錮。蔽。洋。商。感。於。種。種。之。不。便。動。受。人。欺。時。則。有。寧。波。人。穆。炳。元。者。一

穆係定海陷時被俘暨英艦來上海則穆已熟悉英語受外人指揮矣此事聞之
穆炳元之姪某君後當另詳其事)頗得外人之信用無論何人接有大宗交易
必央穆爲之居間而穆又另收學徒若干教以英語教以與外人貿易之手續法
及後外人商業愈繁穆一人不能兼顧乃使其學徒出任介紹此爲上海洋商雇
用買辦之始然一宗交易既畢事則雇用關係亦遂解除猶今人延請律師辦案
者然最後外人之來滬者日多所設行號與華人之交往亦日繁行號內所用之
通事西僑人等對外購買零星什物及起居飲食必需之品類支付款項及種種
往來外人頗嫌其煩瑣於是新開行號每當延訂買辦時并兼以行內瑣務委任
之而買辦與行號乃遂有墊款及代管行務之職務矣此爲現時買辦制度最初
之濫觴前在陳慰農律師處曾見一咸豐元年義品洋行與某買辦訂立之合同
一紙則此制之通行當在道光季年公鶴曾囑慰農保存該項契約亦商事史上
沿革之可考者也

上海金融操縱全國此非吾國經濟界好現象蓋政治上歷次之借款賠款貿易上積年之輸出均以上海爲總匯之所而吾國政治經濟與社會經濟乃岌岌乎不能獨立矣上海金融機關之操於外人手者以各外國銀行爲領袖而各銀行又各有其政治上之意味例如借款賠款屬於某國者卽由某國銀行司其出入最近如五國借款英款由滙豐法款由匯理德款由德華俄款由道勝日款由正金經理皆是也至各銀行魄力雄厚根深柢固而與吾國政治社會兩方關係之尤爲密切且久長者實以匯豐銀行爲首指茲由紹友杜九齡君爲余述匯豐買辦黃槐庭之歷史及該行開辦之事實頗足資上海銀行沿革之談助并造成後來錢業上之特別勢力皆研究滬上金融史者之所樂聞也黃槐庭紹興人被雇於某錢莊爲跑街積貲得千金則信用愈增時有英人某在某洋行服務與黃稔以職務上往來有年則交益密一日告黃曰余擬集資開設一大錢莊今將回國集股子能助我行裝乎（匯豐開辦關係當時英領事之條陳此據西人記載所

言者今據杜君所述則又如是意者某英人密受領事之命回國招股而對黃言
則以自願開設大錢莊爲詞乎今已不可考矣姑兩存其說以備參照）黃詢以
若干數則告以非二千金不辦黃自審所蓄祇千金然以錢業中信用素著則挪
移當亦不難慨然允之不數日并將現款交付惟臨行時詢以回期則云多則一
載少或九月黃以期遠且彼時中外隔絕交通殊不便心頗悔之然亦無可如何
但囑前途珍重而已及九月期不至一年期又不止黃彌補之術已窮由是而歇
業由是而回紹斯時人之揶揄黃及黃之自行懊悔狀幾不可名言以爲此事實
已被騙無疑矣日月不居寒暑屢易計溯英人回國之期已三載矣黃家居鬱鬱
忽一日有人持一洋文信自滬上馳至黃處并持現洋若干枚爲黃治裝促黃赴
滬黃昔時雖能一二英語洋涇浜文法耳（洋涇浜英語自成一文法說詳前記
蓋通商初通用語也）得洋文信不知所謂問送信者則又僅云某洋行着送殊
不足以悉其頭腦黃因自忖旣有川資則往返卽屬空勞居家無事藉此赴滬一

行於計亦得草草隨送信者偕行至則所謂某洋行者非他卽匯豐銀行籌備處也入內晤主任者則卽三年前借款回英之某英人而今赫然爲該行未來之大班其人也款晤之下相向不能一語蓋黃此時神經固爲之震動而某英人自回滬後探悉黃因己事獲咎深抱不安及見面時欲語不知從何說起故兩人祇有兀然坐對而已當晚抵足長談互訴經過之艱苦一方某英人以負黃告罪一方且以數年來命運本自不佳譬慰之賓主間之情摯可謂至矣由是而匯豐開辦某英人任大班黃任買辦數年之間黃遂積資至數十萬而黃槐庭爲第一任匯豐之買辦聲名乃亦洋溢於滬上矣當黃在職時以錢莊與銀行有直接營運之關係而黃又深悉錢業之苦況故凡滬上錢業向黃求援助者黃無不如其願以去卽有不甚可靠之錢店乞助黃亦必撥派一知友爲之料理店務俾使不至於失敗黃爲紹興人故當時派出之人亦以紹籍人爲多故今日錢業中紹人仍占有優勝之勢力者歷史上實黃爲之提倡云公鶴曰上海開埠吾國人依賴外人

而藉以積資者頗有聞矣。然試問若黃某當放款之日，其爲感情作用歟？抑實有金融眼光歟？嗚呼！此固不必諱，亦無可諱矣。然則今日一般之上海商界，其不必羨黃某之以舉債而起家，究當從商事學識上注意可知矣。然而吾聞之杜君，則杜君亦競稱黃某爲時運亨通而已。其然豈其然也？

上海與北京一爲社會中心點，一爲政治中心點，各有其挾持之具，恆處對峙地位。惟北京爲吾國首都者五六百年，故根蒂深固，歷史上已取得政治資格。及前清規畫全國路綫，以北京偏在行省之東北隅，殊與宅中圖治之義不符，乃強以幹綫總匯處所屬之則地理上亦復取政治資格矣。此政治之所以爲北京增重也。抑專制之世代，有政治而不認有社會，蓋視社會爲政治卵翼，品不使政治中心點之外，復發現第二有勢力之地點，防其不利於政治也。惟上海之所以得成爲社會中心點，其始也因天然之地理爲外人涎羨。（前清乾隆時英人葛勞等初至上海，歸國報告即認爲通商要地。及道光十四年洋船復來上海，又極稱上海）

海濱江帶海宜於開放均見上海舊縣志。其繼也。又因外人經營之有效中經吾國太平戰事（上海居民以太平戰事避難者之流寓而其數加增見租界工部局報序）而工商及流寓乃相率而集此而其最大原因足以確立社會中心點之基礎與政治中心點之北京有並峙之資格者則實以租界爲內國政令不及之故此事前記已一再說明茲再以上海與北京社會與政治對峙之事實言之。戊戌政變原因於時務報之鼓吹時務報之所在地上海也此爲社會引動政治之初步暨八月禍作六君子被戮康梁遠逋當時非外國公使密電天津上海領事逐埠爲之布置并預調兵輪停泊三夾水以俟國事犯之來恐逋臣均早入枯魚之肆矣戊戌之事爲社會極端贊成政治極端反對之一事然非有社會中心點之上海與外人之助力以與政府抗則殆矣次則辛亥之革命革命之播種以言論言論之在國外者爲民報產生地日本東京也言論之在國內者爲民呼民吁以迄革命時之民立報產生地上海也雖其間民呼被控而閉歇民吁禁寄。

而停辦社會勢力仍不若政治威權之無上。然以三數人鼓吹於一隅政府縱能以政治爲蠻橫之干涉政府卒不能禁被干涉者之屢仆屢起寧非恃上海爲憑藉之故哉。至辛亥武昌舉事黨人以全力萃於上海與政府抗卒至九月十三日製造局一役遂奠定東南之大局及政府派遣專員南來議和既至武昌仍折來滬上而議和大會遂開於公共租界之議事廳斯時不僅吾人認上海有社會中心點之資格卽政府亦確以上海足與北京對峙矣。凡此皆事實之彰彰可見者而潛勢力之互爲消長不使局外人易於捉摸者如此。籌安會發生某電社載政府以十五萬金來滬運動報紙等事是眞是假黑幕重重尤足證明南北兩方遙遙相對之不相上下也更以極瑣屑之事證之當光緒甲午前後數年間市上男女衣裝競尚海式樣及庚子辛丑間市上又有所謂京式樣者男女衣裝復舍彼而取此海式樣爲上海式樣京式樣爲北京式樣卽小小時尚之微彼此之互爲消長也亦如是外此更可見矣惟吾國人以迷信圖識童謠之眼光爲海式京

式之解釋則云甲午中日之役海軍全失海權以去此爲海失洋之先兆迄庚子義和團起聯軍入都此爲京失洋之先兆直視爲愁鬱淚眉之異怪穿鑿附會不當一噱也

上海市政分內地與租界爲兩截內地市政又分南市與閘北爲二就現制而工程及捐務統歸工巡捐局主政而警政則歸淞滬警察廳節制也至租界市政現時祇有公共租界與法租界兩界之區別在前清光緒二十五年以前公共租界未經成立則蘇州河之南爲英租界北爲美租界上海租界以英人江寧條約開其端厥後法美即援照英約爲詞故上海祇有英法美三國租界（道光二十七年俄羅斯要求來滬設界通商未允見東華錄）及推廣租界議起外人就原有之英界美界旣合組爲公共租界而東西兩端推廣之界綫亦一并入之公共租界之內此今日現制所以祇有法界與公共租界二者而已租界之沿革如是至再進而考究其市制之組織則吾國之有市政警政除周禮司市及歷代市舶提

舉等官表面爲整頓商市實際無過於征商不足與今制相比附者不論外實當以上海市制爲吾國內地之先導去冬公共租界辦理選舉各國以參預界務之故頗有選舉競爭而以駐滬日人報紙鼓吹爲尤力蓋日本人於上海租界歷史上本無特別勢力故工部局董事員額向無日人之加入自甲午中日戰勝國際地位驟列一等其勢力之波及於寓滬日商者遂非復前此見擅於西人之比及去夏歐戰驟起協約國方面思有以剝奪德人在滬之權利爰於工部局董事中撤除德人原有之額而以日俄當選人代之時則公鶴方在編輯華洋訴訟彙編既致慨於我以主人翁資格對於租界自治事宜不能參預而又見局章正在變動據理交涉不無恢復華董之機會因就工部局內部之組織及其沿革詳細考較冀於國權稍有補救當時曾將此事告之陳則民律師茲另錄與陳談話一節於後庶幾外人組織工部局之歷史可以考見而華人於租界中無參預市政之原因亦略備矣

去冬公共租界辦理選舉。陳則民先生過訪且詢曰：近者公共租界工部局辦理選舉，駐滬日本報紙多方鼓吹，務達日人當選之目的。獨我中國人以租界之主人翁，反不能與於選舉與被選舉之列，而吾國人士亦瞠目無所睹。意者歷史上當然無參預之權。抑華人自甘放棄乎？公鶴按：租界之有工部局，猶吾國城鎮鄉自治之有自治公所，管理租界行政事宜，固完全爲民選機關也。局內有總董一員、董事十一員，分配於英、美、德三國人，而英員最居多數，次美，次德。若其他各國，則合得一員。此爲光緒二十五年合組公共租界時所定之章程，當從前英、美兩界未經合併之先，兩國各有分組之工部局，然近於私人間之集合，不過自治雛形耳。聞當時界內舉辦各事，悉由選出之董事自行集款籌辦，及效力已著，則復由董事以私人名義售歸局中，而收其餘利。此爲從前工部局內部之組織及光緒二十五年公共租界成立其時，滬上工商及流寓亦日以繁殖，租界收入歲有增加各種規模，因以大備。今則全界電燈廠，且收爲該局營業矣。而蒸蒸日上之。

勢方且未有已也。公共租界市政之沿革，如是至華人退出市政範圍之外，歷史
上尤有特別原因。當從前英美各界分立之時，市政組織既完全為自治性質，外
人實無攢我華人之意。惟彼時大多數華人心理以閉關為政治上之原則，人人
蓄一胡運不百年之謬想，故於彼方私人及團體間之行動，吾人乃寂然無所動。
於中此可以下一斷語曰：第一時期工部局組織之無與華人事一由政治觀念
之謬誤。所謂胡運不百年不屑參預局務之所致也。一由於華人政治觀念之薄
弱，蓋併不知自治為何物，與選有何權利，由人民向無參政權之所影響也。及第
二時期在光緒中葉，工部局之組織已有進步，勢力愈見膨脹，而華人之生活於
租界者知識亦較前為稍進。彼時中西情勢雖仍隔膜，而並未情見勢絀，故雙方
不無互為提攜之良好現狀。當此時期工部局於是有了華董，名目發現夫該局董
事，在西人間有規定之國籍員額，尤有繁重之選舉手續，而吾華人列名該局之
董事，其來也既非出自正當之選舉，且對於該局之性質及責任，仍屬蒙昧不明。

則偶焉任華董之職勢亦惟有視爲名譽上之榮幸增加若干商業上之信用而已其不能稱職斷然也此爲第二時期華董失却參預市政之原因也自是以迄光緒二十五年公共租界成立局務擴充租界之規模愈進而華人則完全退處於無權矣此蓋三十餘年演成之實事也此次工部局選舉忽有日本人當選權其遠因發生於歐戰之國籍感情而近因則以日人在滬勢力愈以膨脹故於英美董事若干名之外並加入俄日二國之當選權以謀擯逐德人於選舉競爭之中嗚呼大好商場讓人逐鹿而吾國僑寓之商民反退處於被治之列政治之不競爲造成租界之主因民知之閉塞乃失却自治之資格不識吾國家吾人民亦復有感於中否也收回領土租借不禁神往於東鄰已事矣

上海租界之現存於今者爲公共租界爲法租界公共租界之沿革及其組織旣如上述云云矣茲再就法租界之歷史言之按法界在昔壞地狹小商務不及公共界之發達故其一切組織世人類不注意民國初元公鶴服務於公共公廨時

則聶榕卿君以法界讞員兼差公廨日夕晤談於法界事稍知一二蓋亦吾國外交。痛史可爲紀念之事也考法界之開闢據市井傳言謂在英界之先譏說無稽前者已有辨明惟有一事致足爲吾人注意者則法租界與公共租界吾國人視爲同一之租借而實際乃大異其性質及組織查公共租界爲英美租界合併而成當未合併之前英界爲江寧條約允許開放之一口法美援案要求政府次第允之（其要求手續及政府允許之文牘見道光朝東華錄及中西紀事等書通商始末記根據中西紀事各書編年記錄尤詳公鶴另有上海開埠史述略見商務印書館出版之東方雜誌）故道光季年上海先後開放三國租界以條約及外交文牘證之（中英爲江寧條約中法爲黃浦條約中美爲望廈條約英約各條約本均載之法美約僅見於海關所刊條約本）三界旣出於同時之要求則辦法亦當然不能歧異此又一定之理也然公鶴初來上海時嘗聞之前滬道文案仇益三同鄉則稱英美界及後來合併之公共租界性質實爲租借而法租

界則法人已認爲殖民地不復自承爲租界。云云初聞之頗以爲異及詢之聶君則信然嗣又聞之關炯之君公共租界英文意義完全爲租借特與民法之租借爲異若法租界則法文已直稱之謂法國之市鄉與英之香港略同當時百思而不得其故最後聞之葉愼之君云法當開埠之初與英美同爲租界初無二致及咸豐初年劉麗川踞城爲亂（社會稱爲小金珠若劉之名則知者殊罕也）官兵環攻數閱月不克法人以火器助攻小東門一帶遂於咸豐五年元旦破之法人以合師之故向滬道要求酬勞滬道卽以小東門一帶地界之法人乘闢地之際并與滬道締結章程就原闢之租界亦作爲贈與之品（法人會師助攻一事亦見黃韜瀛璣畧惟黃認爲助攻者係太平戰事然太平軍未至上海且法人於太平戰事雖亦助清軍攻勦然在蘇州南橋一帶今法大馬路總巡捕房門首矗立之銅像卽法國水師提督戰歿於南橋者也與小東門之助攻當係兩事）惟當時除酬勞外尙有一交換條件緣其時南京已入太平範圍上海濱江帶湖伏

莽遍地而法界密邇滬城尤易藏垢鑒於劉亂之初起英人阿法暗通消息則卽以租界政權不及之故茲特於贈與領土之際要求准華官設一會防局於界內（會防局事後另詳）凡華官向界內拘拿人犯無須知照捕房（當租界初闢時當道曾將蘇州同知移駐上海管理界務及後租界事煩又設理事一員於洋涇浜遇華洋交涉及向界內傳提人犯均屬之然當時祇能行之於英界若法界則領事已遇事干涉矣故同治七年訂定洋涇浜章程十條內有華官向界內拘人無須知照洋巡一節法領提起抗議卽以歷辦慣例爲詞（卽其證也）法人以所得之溢於所失也亦遂允之於是法租界遂爲法人殖民地矣此事滬上人知之者鮮葉係洞庭山人自其祖卽寄籍滬上而小東門一帶頗有地產自遭法人攻城時之焚燬家以中落故於此事誌之特詳夫以一滬道擅訂割棄領土之章程當時外交之不競實可浩嘆一失足成千古恨痛定思痛寧非外交史上可爲紀念之事哉

法租界之沿革及性質既大異於昔之英界美界然則英界美界今日可併成爲公共租界而法界仍獨立於各界之外此事亦有可溯之歷史當三界開闢之初辦法旣趨於一致故當時蘇撫移駐海防同知之部咨亦以三界相提並論而理事之設駐於洋涇浜口（聞現時卽爲長發棧故址而長發棧之前卽電報局也當時達官往來除公使專駐天后宮外亦有居住理事署者志剛使美筆記曾載來滬後寓理事署可證）尤爲便於管轄各界之證自同治七年訂立洋涇浜設官章程十條當時原係爲三界所適用檢光緒三十一年滬道具稟南洋大臣請修改會審章程文內稱上海租界設立公廨派員會審中外錢債詞訟一應交涉案件同治七年奉頒洋涇浜設官章程辦法本極周密云云曰上海租界則法界在內可知顧就現制論何以法界公廨歷來卽附入法領事署中（自去冬法界推廣後今已另建新署矣）當時洋涇浜章程是否適用於法界此事外間知者甚鮮卽公牘中亦無可考見茲得聶君詳告乃深悉此中底蘊自咸豐間滬道以

法界贈與法領法界性質既與英美異卽法人之統治界務亦遂視與本國之領土無殊迄同治七年洋涇浜章程頒行英美界既奉行惟謹而法人則於八年春提起抗議絕對不承認該項章程之行於法界彼時滬道爲遷就外人之計具詳江督擬與變通於是另訂法界會審章程若干條而法公廨之名稱以起有法公廨則洋涇浜之公廨自不能不名爲英美公廨惟法公廨臨時設置無相當之衙署乃就法領事署劃地爲之而審案形式在英美公廨凡界內華民互訟之不涉刑事者光復之前領事無絲毫干預之權特刑事則名義上以捕房爲原告故歷由領事觀審尙得爲半截之中國官署若法公廨則無論審訊者爲民事爲刑事無一案不由副領事到堂且正名曰會審中官特不過一陪席者便外人之詢問而已此則兩界因性質之異而辦法亦各有不同者也至公堂律師祇准法人承充卽以中國律師亦不能出席辦案彼旣視爲已入版圖之領土無怪非本國人不能取得律師資格矣此法界歷史之可溯者如是（領事觀審公共公廨在昔本

限於刑事及華人爲被告之民事案。自光復後，辭權全入外人。今亦已遇案觀審。而性質且類於會審矣。此事公鶴歷有論著，曾登入三年時事新報。

至工部局巡捕房之編制及組織與昔日之英美界現在之公共租界尙無大異。其界內行政及工部局議決章程大致亦多模仿。公界如租界停止烟間公界以兩年爲限。每半年抽籤一次。停閉四分之一。而法界則縮短期間以半年爲限。若抽籤及同時停閉盡淨，則一也。烟禁以十年爲限。上海廣州爲條約上最後禁盡之地。茲公界於夏間將土膏各店按照停閉烟間辦法分期抽籤法界則於前數日接踵舉辦。此兩界行政之互相規仿也。至去年推廣新界，當道有鑒於舊界之幾同割讓於新界約中，頗能注意。又特別加入華董兩名俾華人有參預界務之權。然亦祇限於新界耳。若舊時之法界一切界務則華人仍無權過問也。

公共租界中有三處地方不在捕房管轄範圍之內，亦不納界內各種月捐謹者稱之曰租界中之治外法權地。前記已詳言之。聞法界從前亦有此項公地。老北

門外有一地壇爲上海道縣歲時祭享之所。其故址卽在今老北門外之西北隅。百步聞道光季年劃界時並未聲明。咸豐初滬道援天后宮之例與法領交涉。幸達目的及劉麗川作亂初時外人頗袒劉官兵假道於鄭家木橋向南攻滬城之背卒爲法領所拒（此事見蘇撫某奏疏中）。最後與外人協商妥洽官兵卽在地壇駕礮猛攻則其地咸豐時尙在也後以江浙間疊遭太平之亂內地紳商大率遷避上海而法界亦以繁盛地壇故址不知何時爲人占有今則滬上故老尙能彷彿其遺跡然亦不能有確切之證明矣又法界沿浦灘之金利源碼頭及貨棧延亘將及里許地形有似凸出於黃浦江中爲招商局之不動產招商局剏自光緒初年主其事者爲盛杏孫氏以滬上無適當之碼頭及棧房因就黃浦江中築地爲之彼時法人亦有違言盛氏以地址係從江中填出與法界全不相涉故該地得以完全保存光緒三十年盛杏孫交卸局務繼任某君擬將該地售去少半作添購海輪之用事爲盛所聞移書止之並將該地交涉情形電達當道此事。

盛屢爲人言其時家大兄安甫在盛幕蓋嘗親聞之云。

法租界在光緒二十二年之前有所謂會捕局者會捕局原名會防局會防局之
辦設在咸豐初年劉亂弭平太平猖獗之時其時滬道以鄰近上海一帶匪盜充
斥而尤以法界爲逋逃藪爰與法領磋商設立會防局一所於該界額定局員一
線勇二十名專司華界內犯事逃往法界之匪犯救急之計無逾於是然而法租
界之租字卽以此局爲交換之代價夫亦太不值得矣暨太平亂事平會防之名
不適於事實因改定名稱爲會捕局局內之編制及員額猶是也迄光緒己丑庚
寅間局員某由浦東總巡調任斯差官派十足視事後將局內線勇裁撤四名其
剩餘之勇則飭令專司抬轎掌傘上班爲官樣裝飾品而會捕之意義乃一變而
爲調劑之差事矣至光緒二十二年滬道蔡以該局一無所事決意裁撤未始非
省事併官之意然不解事關國際有舉莫廢知裁撤冗差之有裨國計而不知無
形間之斷送國權已不可救藥矣當該局初撤時華文報紙固羣頌滬道之知所

先務法文報亦一再致其嘆美之詞華報之盲從不足責若外報則命意乃別有所在矣。

以上所述各節或得之父老傳聞或證之中西記載旁及官廳檔案報紙新聞而脈絡貫串統系略具差勝於街談巷議道聽塗說之不經則以法界歷史及其內部組織多爲世人所不注意吾國又無公布之外交文牘若各國通行之顏色皮書者足資參考自非久經服務該界之人且於歷史政治上具有觀察眼光若聾君者決不能持有物而言成理惟聾歷充該界會審委員於法辦情形尤爲詳晰茲再就法辦辦法之異於公辦者言之公辦於早堂審訊刑事俗所謂捕房解案者是早堂由副領事蒞辦陪審歸英美德三國輪流除星期外逐日開庭也法界則歸法副領一人會審堂期每星期祇兩日近以案件增加每星期一三五等日開審較舊章七日中開庭兩次已加密矣然遇瑣案在公界以本日逮案明日解審可了者法界則須多延一日人民之多羈一日與捕房押所拘押人數之增加

皆其故也。又公廨不論刑民各案均可延請律師代辦而法界則充當律師者既以法籍法文爲必要之條件此係認租界爲領土之結果已可怪矣。又刑事不准延用律師民事則債權債務非達一千元之巨額亦不准延用律師在問官固可省種種之辯難然冤抑正不可數計矣。他如公共公廨自光復後政府不爲過問以致全權均落外人若光復以前則該廨固完全爲中國衙門也。而法廨則附屬於領事衙門自始迄今除名義上有一華官主持審判實際則刑事爲捕房之全權民事爲領事之全權即司法行政上華官亦無用人之權所有書吏差役人等悉由領署自行雇用蓋混合裁判之不如矣僅僅領事裁判云乎哉若夫刑事不准上訴民事上訴無法定之程序敗訴者應將所償之債額遵判交案然後准與上訴光復前即如是辦理入民國來幾將條件附之上訴而亦革除之吾國官吏方升階發財之不暇誰復於此等處一爲注意觀滬海道署成立以來表面上亦嘗以規復前清上訴制爲吾民慰矣乃自鄭某一案道署援例開審卒以英副領

一。人。反。對。實。際。上。遂。不。得。不。仍。照。原。判。執。行。今。者。當。事。人。雖。尙。有。上。訴。之。請。求。道。
署。祇。有。藉。詞。批。駁。不。曰。不。合。程。序。卽。曰。毫。無。理。由。此。雖。兩。界。同。然。之。事。而。法。界。則。
變。本。而。加。厲。矣。以。各。國。司。法。之。開。明。對。於。中。國。不。妨。小。試。其。壓。制。政。策。吾。不。敢。以。
此。爲。文。明。之。累。特。不。解。我。國。官。吏。之。亦。熟。視。無。睹。也。是。則。我。民。浩。刦。之。終。古。不。復。
焉。矣。

上海兵事。凡經三次。第一次道光時。英人之役。爲上海開埠之造。因第二次咸豐初。劉麗川之役。爲華界人民聚居租界之造。因第三次咸豐末太平之役。爲江浙及長江一帶人民聚居上海租界之造。因一次兵事。則租界繁盛。一次後。惟庚子一役。政府爲義和團所蠱惑。扶清滅洋之聲影響。及於南方。租界市面稍受打擊。然未幾。聯兵入都。而原狀回復矣。迄辛亥革命事起。外人默認。官革爲交戰團體。嚴守中立。於是避難來滬之人。遂驟增至三十餘萬。可爲盛矣。然則租界一隅。平時爲大商埠。亂時爲極樂國。昔洛陽名園記序。稱天下之盛衰。視洛陽洛陽之

盛衰視名園之興廢。吾於上海則亦曰天下之治亂視上海。上海之治亂視租界。蓋世變係焉矣。

第一次兵事爲道光二十二年英輪由定海北犯總督牛鑑提督陳化成分守吳淞東西礮台以扼之牛守之東台既陷（據中西紀事及私家著述牛有賄通情事然閱西人記載則並不言有此事或者有所諱歟）西台亦不支陳以身殉之此事具見於上海縣志及各官文書至英人占領滬城五日卽去此五日間在滬上。有何舉動。何以定海久占不退滬上來而旋往茲從斐氏通商史及其他西著細加參考雖立言間有袒護之處然中間不無可資採摭之資料例如謂英人自定海北來其意本不在開戰而在議和及見吳淞守備嚴密且先開礮攻擊以此證明中國行軍之不講信義故不得不還礮反攻至淞台既下英兵尙無意据城及據間諜言上海守城官吏已相率遁惟有土匪遊勇橫行城內外而已故英兵始整隊入城抑若英人乃代我維持秩序者然此雖一面之詞然證以當時實

事淞台之失。在五月初八日晨而英兵入城。乃遲至十一日相去咫尺。兵事何以如是遲滯。且其時官吏亦實已先遁。則英人所云兵不血刃而入城者。尙非虛語。至彈壓土匪一節。官吏遠遁。則土匪在所不免。此本可以意會之。又據毛對山筆記。內稱自英兵悉數離城遠去。土匪大作。邑紳郁某。叛立團防。革殺十數人。而盜風始斂。可見英兵去後之土匪。卽英兵未來以前之土匪總之官已離城。地方當然不能安謐也。至英人在上海。雖僅五日而初至之日。卽發出安民告示。敦勸人民復業。(該項告示。見胡汝直記事。胡有外孫姓黃名玉如者。太倉人。與公鶴稔識。曾親見其家藏之抄本十二冊。據云胡曾雇員於陳化成部下。故於中英道光壬寅戰事誌之特詳。嗣孟心史君擬出資購其原本。以議價不合而止。)其時代。英人繙譯及部署一切者。爲寧波人穆炳元。穆於定海陷時。爲英人所俘。以其年少。且習於瑣務。卽教以英語。及普通學科。自定海北來。卽挈以偕行。旣占上海。遂任穆辦理善後事宜。穆秉心忠厚。於滬城破時。多所保全。卽城內種種建築及古

蹟等物亦嚴飭。軍人不得毀損。故五日之中並無騷擾。行爲較之英兵未來及已去後之土匪有天壤之別。此則西著鑿鑿言之而證以當時之事實。或者不無可信也。惟五日卽去此事。通商史謂擬乘牛督他遁之後。將潛師直擣江寧。英人論英事。自必以聲張爲天職。其實是年秋英兵鼓輪上駛至鎮江之七濠口。尙胆怯不敢逕進。則此時之虛實未爲外人窺破。潛師直入恐乃事後之論。若據華人方面言。乃因浙撫劉有攻擣定海之消息。英人以定海兵備虛弱。乃不得不回師。以厚其守備。蓋彼時中外隔閡。尙未情見。勢紓聲東擊西。或當時之實情耳。

第二次兵事則咸豐三年劉麗川之踞城作亂也。（官文書名之曰閩廣會匪之亂。而社會則稱曰小金珠造反而已。小金珠係劉之混名。）此次兵事完全爲吾國之內亂。然實爲外人干預我內政之第一次厥後英法助攻太平軍出兵勦賊。亦濫觴。於是此極可注意之事也。查劉逆初起據各書所載。均有通款太平之事。則劉之始與洪楊不相聞。問較爲可信。大平天國外紀。直認劉案爲太平之支部。

乃據其稱臣獻貢後言之耳惟彼時上海與太平定都之南京陸路則中隔蘇常隨在有重兵駐繁水道則長江除洋輪外無可通之消息則劉又從何道以與南京互通聲氣此則中西紀事所載上海領事溫那治代劉逆寄書太平之事不爲無因矣不僅此也當劉逆竄入道署滬道吳健彰幾不免矣卒由洋館頭目叱劉而吳得以潛遁劉所出僞示用洋行公司鈐記則其有外人之代爲主謀可知雖紀事又云官兵與賊在城外交戰不越洋館一步并以此證明外人之袒劉此則近於周內蓋彼時外人嚴守中立表面上旣不助賊自亦不便助官兵乃國際之常例蹇叟特未之深考耳然從其他各方面推測則劉逆之起事其事前必與外人接洽故臨事更代爲布置固百喙不能曲解矣此爲外人預謀我內亂之第一步及蘇撫吉爾杭阿奉命移滬督攻以滬城北門外昆連洋行而鄭家木橋爲進兵必由之道（卽今石路南首之鄭家木橋）外人以中立爲名不准官兵包圍賊壘吉撫慮之得滬上某紳之條陳進伐交之計（某紳爲引翔港周姓家中有

海船八十餘號。巨富也。劉逆初起。着人借糧。周苦之。周又素與洋行中人熟識。及蘇撫移滬。乃上借助洋人之計。後劉逆啣之及城破。劉黨徒尙大掠。引翔鎮而散。此語聞之吾友周企唐君。周企唐卽引翔鎮周族人也。中西紀事云提督辣呃爾茲據法交之計。蓋省詞耳。乃首與法水師軍官謀。〔中西紀事云提督辣呃爾茲據法領事表則實係領署之一武官耳。〕復與英領事商明讓出馬路。南首地方俾便。官兵築營而美國人另有房屋七處。坐落牆外。一經對仗必被賊毀。乃另許估價收回。時滬上勢力之巨者。祇英法美三國。三國旣商定。乃約期進攻。而法人復起兵發大礮。代攻小東門一帶。迄咸豐五年正月元旦。滬城始告克復。是役也。非與英法美三國協商於先。則不能仰攻。非有法人之助攻。則不能卽克。且外人不爲我助。卽爲賊助。故勦滅劉逆之役。實伐交之足以操勝算也。此爲外人助平我內亂之第二步。始以預謀而起。內亂終以助平而止。內亂反手爲雲。覆手爲雨。忽而推波助瀾。忽而利盡交疏。厥後金陵大營旣潰。江浙糜爛。而蘇撫李文忠來滬逆。

擊而上時時得洋將之助與咸豐初年外人之通款太平同一反覆之局愛我乎哉利我而已

第三次兵事則與外人關係更密切矣考太平之初起以宗教故故與外人通聲氣此事各家記載言之詳矣卽上海附郭一帶之不遭兵亂亦未始不原因於是及李文忠移師來滬時則英法聯兵之役已罷各國方修好於我而朝議於借助洋兵一事先後由疆吏敷陳利害議已寢矣先是薛煥以通商大臣署理蘇撫駐節滬上當咸豐十一年春太平大股攻逼滬防外洋各國以滬上爲通商根本重地自吉撫借助洋兵勦平劉亂之後歷任大吏均與外人羈縻不絕故薛大臣對於是年兵事復激勵洋兵以助攻守此爲外兵與太平開戰之第一次而中立之約取消矣及李撫來滬利用此機表面上不以政治的名義借助外人而以私人間傭雇關係招集兵將未幾而洋槍隊綠頭兵練成矣又未幾而離滬出征矣此事爲李文忠平生最得意之外交政策然其爲外人詬病借異族以殘同種則亦

不可諱之事實也。外人助李勦太平者，法則陣亡軍官凡三人，而卜華德其最著者。（卽今法總巡捕房門首之銅像是）美之洋將爲華爾，爲白齊文，除白齊文始請入我國籍，繼則反投忠部，爲德不卒，不足齒數。外若華爾，則亦因槍傷病歿於滬上。惟英之洋將戈登，最爲李所信任，而功業亦較爲顯著。凡此均第三次兵事與外人之有巨大關係也。至戈登係英之蘇格蘭人，近人於西報中得其歷史，頗詳。茲轉錄於下：俾研究兵事史及上海掌故者有所考焉。戈登氏，英之蘇格蘭北方人也，生於一千八百三十年，少習軍事，畢業於某陸軍學校，又研習工程科，於一千八百五十五年，英軍出發於俄之司體脫海口，是戰也，君實預其役，厥後乃走遠東，會中國洪楊之亂，始爲蘇撫薛煥留於上海，後得李文忠之援引，假以軍職，浸至總兵官。（中西記事載稱賞給江蘇總兵官）嘗訓練華兵，率以攻取江浙一帶城池。（李文忠奏稿曾歷叙其功蹟）計歷大小戰事三十次，克復地方，頗奏功效，事竣辭去，清皇室厚給廉俸，且賜金戈珍物，戈登氏一概謝絕，銳身方。

回英倫之某地方盡瘁於工程事業復藉暇晷以救濟貧苦安設流亡用爲樂事。數年之後乃改赴非洲經營工程開始行汽船於埃及之某湖一千八百七十七年遂受命爲蘇丹總督開拓疆土又三年因事告退未久以非洲匪亂從事遠征在某地方爲土人所殺其人一生所積資財曾於未死之日卽指建一工科學校於蘇格蘭之泥北澇省會今卽以戈登名其校生徒六七百爲北蘇有名工程學校之一華人入此校者頗不乏人歐戰起後此校之學生投袂從戎者絡繹不絕北蘇地方在若干年前卽有義勇隊之組織作沿海防衛之用隸此軍籍者半爲大學學生并無年俸歲時招集演習槍術并不妨礙課期行之有年因戈登爲此地歷史上有名之人物又著有武功故卽名曰北蘇戈登義勇軍云以上爲該西報所記者戈登在江浙間頗著聲譽父老多能言其戰蹟至其回國後如何下落光緒初張毓敷京卿自英京回尙有人詢及者則吾國人頗有念及之者茲特附著其事實爲吾國談上海歷史者一資談助焉。

上海兵事在前清道光以迄咸同間凡三次其與租界有連帶關係者已如上述至宣統三年革命事起及民國二年贛寧亂事爲吾國政治上絕大變動而上海租界又幾幾有操縱全局之勢此事相隔未幾時復爲滬上人民所目睹無記錄之必要惟辛亥之事首難係屬武昌滬上不過爲其應着故九月十三日製造局一役兵不血刃而全滬已告成功若二年之戰首難地點雖亦在長江上游惟官革兩方以滬上關係東南全局故出全力以爭孤注之一擲計自六月十九日開始攻擊迄二十五日勝負始分此七晝夜間礮聲隆隆殺聲震地前奧克副領事前往觀戰返謂公鶴云人謂中國人文弱不適於兵事以余目擊此次戰事言之則攻守之勇猛至可欽佩惜國內政爭無過私鬥用之不得當耳則當時之劇烈可想見矣惟滬南一帶地處戰線蹂躪民居固屬無可幸免而獨至滬城周圍遷徙雖亦一空革黨卒未藉爲根據以抗官兵則自辛亥光復之後縣議會以疾雷不及掩耳之手段決議拆城其時舊紳雖有反對（姚東木曾登報設立保城會

且以乃弟子讓之參預拆城事爲必係他人之捏名) 然瞬息之間卽行開工。不一月而東北西三面均已拆毀。一空當時議者不無訾其太驟。然苟非及時舉辦。則遷延數月事必中變。而二年滬城之遭刦斷無幸免之理。此則滬人不幸中之大幸矣。噫吾國之有城池本無國防之可言。原爲專制政府防家賊之用耳。然名義上則仍爲人民保障治安也。今乃以拆城之故人民得幸免一次之兵燹而戰。端又因國內政爭而起。夫亦慘矣。至滬城本爲濱海要區。通商以來人民愈以繁殖。以致街市湫隘。久爲外人所譏笑。而一言改作。則居民又以私人間地產關係羣起阻撓。上有政爭之政府。下自有私利之國民。此固不僅滬上爲然。憤言者因謂如滬城尙在。則黨人必憑城以抗官兵。而製造局及兵艦之礮的必注射於城區。一隅不半日全城平地。事平之後規畫寬大馬路旣無拆讓之虞。卽反對者亦藉免置喙。惜乎城之早拆也。斯言雖不仁。然吾民可與樂成。不可與圖。始則固洞見癥結矣。

武進姚公鶴編

上海閑話冊下

商務印書館出版

姚公鶴編著
惲樹珏校訂

上
海
閒
話
下 卷

商務印書館發行

上海閒話卷下

滬南商市與滬北相頽頏。滬南者自法租界十六鋪以南之統名也。論其地勢則熱鬧處所僅及租界五分之一。而錢市而各業行號大率薈萃於是。此則當以歷史上之原因說明之。上海開埠在道光季年距今不過七十餘年。七十餘年以前。今所稱繁殖之租界地荒烟蔓草耳。（據父老傳言今跑馬廳中有小村落時浜橋有小市集虹口頭二三壩略有民居此外則均空地矣）以此可知租界之發展全憑人事爲之。且在現今數十年之間而上海南市之有市面則以上海濱江帶海有天然之交通。海通以前內地之輸運與外海之貿遷自元明以來卽以上海爲商務上之一大樞紐中間經明代倭寇之竄擾市面雖暫時移入內地（閔行鎮之發達及浙江杭嘉湖各屬之鎮大於城聞均係當時遷避倭寇之故）然不久卽復故。南市商市歷史上實取得數百年來雄厚之資格而水道便利尤爲。

行號必爭之地勢。行號以代客購辦百貨爲營業資本。較其他商店爲雄厚。於是錢業隨之迄今租界以外人經營之故。雖日見發達而米麥雜糧油豆竹木藥材各業仍窟宅於南市一隅。勢力足與租界抗顏行者實職是故。抑公鶴又聞之顧君士章（顧爲協順興雜糧行之副理。於南市商市頗熟悉）南市各業之交易在昔均以上半日爲限。至午後則無所事事矣。自近十年來交通愈便利。陸有鐵路。水則除江輪海輪外。又添各內河之小輪。以故昔日交易之限於上半日者。以裝載貨物者均係民船。民船候潮行駛。故每日開船以早晚兩時爲定期。上半日成交。下半日裝貨。候潮開行。自火車輪船通行。裝貨既不限於民船。即開行亦不限於早晚。於是午後遂有大宗之交易。寧非商市之進步。且民船爲天演之淘汰。亦非可以人力爭。惟在昔民船以南市沿浦爲大幫停泊之所。今舍民船而裝載。輪軌輪軌碼頭均在租界而下半日之交易乃不得不遷就裝貨之便利而成交。於北市則南市仍爲半日市也。偶自午後過南市一帶。但見各行虛坐一二學徒。

照應店面而其經理及跑街等則已雇車向北爲別種之貿易矣平添下半日之交易可喜也添下半日之交易於北市將無爲南市衰歇之預徵乎是可憂已上海租界華界各項路名里名多半以意命名此事前記曾言及之至歷史上原有地名現時仍爲社會所通用者亦以城內及南市一帶爲多其後闢之馬路而無名稱如民國路大統路共和路等均爲民國開幕後新築之路不多見也至租界路名外人既以意爲之然華人方面亦有不隨外人所稱之名稱之而另易以簡單之名稱如南京路九江路漢口路福州路廣東路福建路華人稱之爲大馬路二馬路三馬路四馬路五馬路石路是也然又有既不隨外人所定之名亦非華人隨時自立名稱如五馬路華人自立之名稱也廣東路外人所定之名稱也而五馬路廣東路之外又有稱爲正豐街者此項名稱旣非倡自外人又非華人之新定則意者歷史上之舊名乎然租界在昔均係荒地安有相沿之街名及細加考詢始知五馬路初築之時外人名之曰廣東路華人名之曰五馬路有醬園

者命名爲正豐開設於五馬路之中段歷年既久社會即沿稱之曰正豐街猶大馬路浙江路交叉地點華人名其地爲五雲日升樓茶樓雖已一再易主而名稱則猶是也所聞如是當更詢之老於滬事者。

租界收入無過於捐項如新近公共工部局將租界電燈廠收歸自辦則爲公營業之一種前此未有之舉也此後能否獲利獲利後於租界總經濟旣裕能否減輕各項之捐額稍紓住民之負擔屆時或另辦界內重要公益事宜（如提藍橋西牢獄於千九百零五年其款即由新闢租界年捐盈餘項下撥用者是）現均在不可知之數卽工部局亦尙無具體的計畫也故就現時工部局進項論無過於捐項之一種捐項之種類以時計算者有月捐有季捐有年捐（三個月爲一季此公界之例若法租界則每兩個月爲一季故每年收季捐凡六次至年月以陽歷計算則兩界均同且在開放租界時卽屬如是國內遵行他國之正朔實亦前清喪失國權之一事特此等顏面的國權我國人向不注意耳）以物類計算

者有地皮捐有碼頭捐有房捐有各種營業執照捐看似一物一捐一事一捐商民雖不勝其負擔之苦捐額雖不勝其苛重然積久奉行尙無聚衆抗捐之舉固由我國人富於服從（服從二字是否爲絕對的惡名詞固未易輕下斷語也）

而實質上處被治地位亦實不能有抵抗之能力蓋吾國人生性上有兩大特質一閩之市不問事之合理與否苟見行政者加我以負擔勢力足以抗之則羣起爲難斯時雖多方曉以利害不顧也此爲特性之第一步及反對之力已窮不者且驅以刑迫以勢強弩之末不僅不能穿魯縞抑且牛馬奴隸之惟命是從斯時也雖再加以若干之負擔亦欣然樂受矣此爲特性之第二步果能洞明政治上權利義務之原理不爲消極方面之極端抵抗與服從而從事於義務交換之參政運動若云爾將抽某項捐稅爾究用之何項事業是否正當爾事前當謀之於我若然則一閩之反對不免太無知識而極端之服從又未免跡近奴隸此本世界上凡爲國民者之正軌然吾全國人中具此程度者果有幾人而况五方雜處

之租界一隅哉。至在外人方面所定各項捐額。雖不免過於煩苛。然大率以轉嫁者爲多。轉嫁爲積極性質。納捐者不無取償之道。(各捐惟巡捕捐爲消極)。且一事一物既經稅過。則此外便無類似名目。致遺一稅再稅之譏。則髡吾國古時一條鞭之遺意。此其所以積久不敝歟。老子云。治國若烹小鮮。吾則嘆其能以烹小鮮之法。治國矣。以吾國財政專家治理吾國。習有特性之國民。其亦可以借鑑已乎。

上海爲東南重鎮。海通以前。爲出海要區。明之倭寇。清初之海盜。張元子窟宅於沿海一帶。而上海實爲其必爭之地。迄通商之局既定。上海濱江帶海。久爲西人所垂涎。而約開之五口。上海實居其一。(五口爲廣州福州廈門寧波上海。均在長江以南。聞當時定約。英人并索山東之登州。直隸之天津。計共七口。嗣以畿輔重地。未便自撤藩籬。且鴉片戰事。亦僅及廣閩江浙四省。故允許口岸。亦以四省爲限。該約雖訂於江寧。然草約實於廣州議定之。蓋彼時所有洋務。統歸兩廣總

督主政猶同光以來以江督兼南洋大臣也)厥後商務蒸蒸日上重以國內歷次之內亂紳商多遷避於此於是上海又爲國防的商務的重要地點有上列各種原因前清政府對於上海乃亦有特別之設置江蘇提督駐紮松江密邇上海吳淞建築礮台吳淞爲上海出海必由之道此爲海通以前之設置亦與後來國防上不無關係也暨通商以後欽派通商大臣坐鎮其間特別委任滬道兼理海關事宜並移駐海防同知管理界務其下復設理事一員以資佐助此爲海通以後之設置尤與商務上不無關係也最後則駐紮繁上海之蘇松太兵備道名義雖與各道不殊而事實上乃不啻爲政府特派之外交官蓋國際上之關係愈以密切矣

上海現存之官署軍政則鎮守使及海軍司令部也民政則滬海道尹及縣知事也司法則上海地方審檢廳及閘北分庭也警政則淞滬警察廳及縣警察事務所也外交則滬海道兼管之外交特派員也海關則海關監督也市政則工巡捐

局也。此爲現行之官制。惟民國雖僅四年而自清季以迄光復。自光復以迄今。茲其間變遷沿革。如名義之變更。職權之伸縮。已不勝今昔異同之感。政治之改進。歟。抑無事之自擾歟。外人謂吾國無三年一貫之政策。吾則謂吾國且無三年一貫之政制。此雖無關宏旨。亦異日上海職官志中一篇沿革考也。茲就入民國來公鶴之所知者分述於下。斷自辛亥九月十三以後。清季之官制不及焉。

鎮守使○滬上自辛亥九月十三革命之後。越三日。即有所謂滬軍都督府出現。最高之軍政機關也。自南北統一政府成立。各項官制官規。中央亦漸有規定。在昔之省。自爲制。如江蘇。同時發現之五都督。次第釐正。而滬軍都督乃亦在此取消之列。由是滬上遂無高級軍政機關。不過存留各團營一二司令部耳。當二次革命前。一月北軍調駐滬上。統兵者爲團長。鄭子進君未幾亂起。鄭以所部新至之師。死戰七晝夜。得軍艦之助。製造局幸以保全。厥後亂事大定。中央對於鄭君之功。旣思所以尊顯之。而又以滬上形勢扼要。非特設高級軍事機

關坐鎮其間不足以資控馭斯時也上海有設鎮守使之必要鎮守使舍鄭君又莫屬爲事擇人爲人擇事而鎮守府乃於軍事倉皇之際成立故就軍事歷史論今日之鎮守使其職權略與昔年之滬軍都督同而就軍事統系論則都督與鎮使爲滬上高級軍事機關雖同而其裁撤與成立則各不相屬也鎮守府以製造局爲之今成立已兩年有餘然前者風傳又有歸併松江或由松江移駐上海定名爲松滬鎮守使之說則依然弈棋之不定也

海軍司令部○自前清甲午海軍覆沒之後至宣統初年北京又設立海軍處而上海以江海關係海軍司令部乃以成立革命事起海軍首先效順迄中央政府告成海軍設有專部而駐紮上海之司令部依然繼續蟬聯雖內部略有改組（如分設左右司令駐紮南北洋一帶而上海之司令部則依然如故也）然較之其他機關之朝令暮改則該部實爲永久存在者矣

滬海道尹○滬海道爲繼續前清蘇松太兵備道而設置之官署也當辛亥九月

光復之際。滬道劉匿居租界。洋務局中暨江蘇全省。光復舊滬道。完全取消。所有滬道原有之職務。軍事則隸入滬軍都督府。外交則以各國未經承認。本無多交涉之可言。即有華洋間之瑣務。亦隸入都督府之交涉科。（後交涉使成立。乃劃歸使署管理。歷史另詳後。）至民政一端。由滬紳李平書。以江蘇都督府民政司司長名義。駐紮滬上。管理舊道屬民政事宜。（當時蘇督委派各縣民政長。滬道屬則事前必先得該司長之同意。奉賢縣民政長出缺。蘇督派員赴任。及至滬則李已先委孫羹梅署理矣。督委之員廢然而返。嗣後蘇督遂以委缺之權。讓之滬署。亦可見當時政令之不一也。）此爲元二年間。滬上民政機關之組織。歷史上有繼續舊滬道之性質。而亦卽滬海道尹重行設置之張本也。按光復之初。道府一級根本打消。自二年中央重訂道尹官制。而滬上又本有外交特派員之駐紮。其職務亦以舊滬道辦理。之外交爲範圍。於是卽以外交特派員任命爲滬海道尹。其官署所在地。則讓出城內之道署。而久駐於

公界內之洋務局蓋在昔滬道以民政長官兼理外交故民政在城署辦理而外交上之往來酬酢則於洋務局中行之及革命後道制取消外交另派專員遂以洋務局爲辦公之地而道制實行後之任命第一次道尹卽爲原任之外交官楊小川君此則改洋務局爲道尹署實楊道尹因利乘便之計畫也至原有之舊道署今則爲淞滬警察總廳云

縣知事○光復時之上海縣係田春霖自九月十三日滬道劉避往租界田知事亦刻日出署九月十四日縣署高舉白旗遂爲民軍招兵之所迄滬軍都督府成立乃公舉吳懷疚氏爲縣長而名稱則上海縣民政長也吳任事最久二年製造局開戰凡滬地官紳多半受嫌而中央亦以本地人服官本邑無論如何終不免外人之藉口於是吳則急流勇退而上峯亦俯從其請另委洪伯言氏以承其乏洪又以迴避本籍去任繼來者爲沈醞石氏今則尙係沈任也至縣知事名義上職權上之沿革始稱民政長今改縣知事而普通稱之曰縣長則

名義之互易。民政長爲蘇省民國初年之單行名稱。縣知事則中央核定之官號也。若職務之不同，則前清兼理司法。民國初元，蘇省法院次第成立，各縣知事均無受理訴訟之權，固不獨上海一邑爲然。及中央縮減司法範圍，蘇省僅存兩地方廳。於是除江甯縣以省垣首縣不兼訴訟外，而上海則以商埠資格，縣知事因完全爲行政官吏焉。至官署所在地，仍以舊縣署爲辦公處所，惟畫出一部分爲地方審檢廳。前以三署萃於一地，各機關均有不便，刻上海縣署已就西門內遊擊署故址重行改建矣。

上海地方審檢廳○光復以後，各項官制變更伸縮之最大者莫司法。若而蘇省則又有特別情形焉。當辛亥，蘇省完全光復之初，法治之聲溢於上下，時則有前清高等審判廳丞鄭僕忱君者，由程雪樓都督委任爲提法司長。鄭夙以提倡法權聞，旣視事實行全省法治之計畫，不三數月而蘇省六十縣成立審檢廳者幾十之九焉。自南北統一，中央以財政竭絀之故，視司法爲不急務，則大

遏抑之而蘇省已成立之法院幾全數擋淺則鄭君誤認辛亥之事爲真正政治改革之所致也至上海法院於四年中變置無定實亦受前此省行政之影響茲特就其沿革言之當辛亥九月滬上軍政府成立民政警政已次第得人而理惟司法則尙在缺如黃君涵之本邑人以高等檢察長服官湖北甫經避亂回滬僉以上海司法非黃莫屬則浼黃組織法署以九月十九日宣告成立時則蘇省尙在軍事時期政令不行於全省而上海法院因暫時定名爲司法署此第一時期也南京光復全省粗安時則鄭談忱已任蘇省提法官矣乃頒法院編制法於屬縣未立法院之縣則派員組織旣立法院之縣則飭令接照省制改組於是上海乃由司法署而改爲地方審判檢察廳此第二時期也四級三審爲法院編制法所規定旣有地方廳當時別組初級廳以符審級而其時以財力之不逮乃於地方廳中附設一初級廳此第三時期也繼則以上海轄地遼廓商市殷繁而初級事務又日虞不給也乃規畫全縣爲十司法區

每區額設一初級廳而原屬於地方廳之初級廳亦卽日裁撤以歸併於南市。另設之初級廳上海司法規模之可觀以此爲盛而外人自願拋棄其領事裁判權以質成於我者亦在此時此第四時期也時則二次革命尙未起也中央以各省辦理裁兵事宜財政竭蹶對於司法平時嫉法官之死守法律旣爲達官貴人所不悅至此則藉減政之名裁併各省地方初級廳過半而上海十初級廳乃遂僅存南市與閘北兩廳矣此第五時期也暨二次亂事起上海法院在戰綫之中機關中止者將及一月僉謂事平之後將又有一番變動矣果也自梁任公總長司法全國初級悉數被裁於是上海現存之法院幸得以商埠資格殘留此附屬行政範圍之下之地方審檢廳各一此第六時期也至此後內部之改組時而添設民刑庭時而核減員額或則奉部令遵辦或則應一地方必要情形而改組四年來更不知改革若干次以與外部無關不之及夫以一法院也人民權利屬焉國家法紀系焉亦復置棋不定不知自茲以往將又

有若何反復也。

閘北地方審檢分庭○閘北今日之所謂分庭者歷史上爲閘北初級廳之替身。閘北初級廳則又從前司法分區時設置之一機關也。顧全國初級廳盡裁而閘北獨能由初級而變爲地方分庭此又何哉則有地理上之歷史焉。因地地理上之歷史乃并有政治上之歷史焉。租界橫亘於上海北門之外越租界而北而西爲閘北地方。閘北者言在新閘老閘之北也。（新閘老閘事蹟見前記）其

地既非租界（今則已推廣爲租界但未實行耳）則當然在華官管轄之下而其地確又爲上海屬地以故凡有罪犯解往城內必假塗於公共租界及法租界事實上之不便殊甚此地理上之關係也。當前清之季全國辦警省設巡警道一以閘北毘連租界之故外人時時藉口於內地市政之不修以遂其推廣租界之夙願而一方又以其地與縣城中隔租界我苟不加以整理不僅無以止外人之垂涎卽行政上亦實有種種之不便乃設巡警總辦一員於其

地卽以江蘇巡警道充之而對於輕微訴訟事件則擴充巡警局司法之職權以兼理之好在行政與司法未分卽亦不虞侵越權限也此因地理上之關係遂生出政治上之關係而閘北司法之不能不另設機關乃原因為此項歷史矣當光復之初閘北旣特設一初級廳此雖與上海各初級同時舉辦者然各初級以中央特令之裁撤至今遂無一幸存者而閘北則以有上述種種原因初級雖裁而謀事實上之便利不得不設一變通辦法於是分庭之改組乃與地方廳有存在之必要矣但今者閘北推廣租界草約已經披露此後實行有日不識該分庭尙能苟延殘喘否也

淞滬警察廳○官署變遷沿革之最大者固首推司法矣次則又莫警政若惟司法之變更完全爲職權及範圍之縮減而警政之變更則有官制的用人的種種連帶關係職權與範圍固有增無減有伸無縮也當光復之初以製造局一役商團與有力巡警與商團臂指之聯屬也故滬事旣定淞滬警察廳長卽以

滬紳穆抒齋君充之而範圍則商埠警察廳也暨二次亂事起政治內幕之黨爭益劇政府慮滬廳之不能馴伏也乃特設淞滬警察督辦一員以海軍上將薩鎮冰氏充之並調北警若干名由警官徐國樑崔鳳舞率以南來蓋謀控制之得法也及二次事平穆氏辭職當道以徐崔二人之不能偏任乃就淞滬警察廳區爲兩廳在閘北者則稱上海閘北巡警總廳在南市者則稱上海南市巡警總廳時勢必要歟抑用人之調劑歟與無端剏設督辦之屋上架屋無以名之名之曰爲人擇事而已迄滬事大定一方受財政之影響一方以十羊九牧之徒滋紛擾也乃復裁撤督辦一缺而南市閘北之兩總廳仍併爲一自廳署移駐城內舊道署後今則尙無變更消息云

縣警察事務所○此爲上海縣管理全縣警政之附屬機關也與各縣警制警規大略相同惟上海旣以商埠資格有特設之淞滬警察廳在以故縣警察事務所所管理之範圍乃僅限於縣屬之各鄉因之一切收入支出及用人行政之

各事均附屬於縣知事職權之下範圍小則事務簡職權小則勢力薄而以其爲縣署附屬機關則逐鹿者亦較少今警佐仍係景毓華氏蓋不爲官場所垂涎而因得以久任也

外交特派員○辛亥十月間上海即有所謂外交官者則伍廷芳氏溫宗堯氏也然當時之外交職務對於國際彼時僅僅取得交戰團體資格無正眞之交涉也不過防外人之袒護政府而姑以外交上有名人物若伍溫二氏以虛與周旋耳故在此時期中之外交官乃暫時的而非永久的也且當時對於清政府亦認爲敵國而議和之際乃遂以外交名義從事交涉則尤與後此之外交官大異其性質及形式至第一任滬上正式之外交官當以陳貽範氏受任交涉使爲始陳之受任也事實上爲溫宗堯氏之交替實則溫自溫陳自陳蓋自陳氏任命職官表上乃有外交官之名號溫任則猶是民國初元之外交官也自是而後陳氏去任繼任者爲楊小川氏楊旣蒞滬未幾而道官制亦頒行而第

一任之滬海道尹卽屬之第二任之外交特派員今則尙係道尹之兼任將爲久局矣。

海關監督○海關監督爲前清國際上之名譽官額耳此事言之殊足爲國恥。上之大紀念今非正文之所當及應另文詳之上海關督在昔爲滬道之兼差自辛亥滬道裁撤以海關有對外關係也乃特設監督一員以管理關務實則一中外商務上之承轉機關耳二年道制復活此缺本可重行歸併然中央以安插人員之故卽亦因仍不改今各行省間有以外交特派員或道尹兼理關督者平均仍少數也至上海關督旣爲民國新設之員缺自無歷史上相沿之官署。（滬關有二一爲南門外沿浦之常關一爲三馬路之海關海關俗名新關蓋別於先設之常關爲言也。常關有總辦辦公處而海關亦有關督辦公處。聞海關舊在虹口頭塲地方遷移至三馬路其房屋係楊斯盛氏包建當時以關督卽係滬道兼充故於關督辦公室仍照中國式布置一切然歷任滬道除歲

時因公一二至外實未居住云) 故民國初年貢屋於公界之四川路爲辦公處。所以其與海關鄰近也。今則移於靜安寺路某洋房矣。

工巡捐局○南市市公所者。南市辦理市政之總機關也。內部職員完全民選。蓋江蘇自光復之先。上海已遵照城鎮鄉自治章程首先組織。及光復之後。市鄉制頒行上海。又遵令改組規模宏大。財力雄厚。江蘇自治機關中模範市也。二年亂事起。國會解散。市鄉制亦同時取消。則南市市公所亦不過隨此旋渦同歸於盡而已。重以滬亂開始。商團受嫌。而市公所處兩大之間。尤有左右爲難之勢。其不能見容於當道。固無煩燭照數計矣。論者謂二年自治之取消。實因上海一隅而波及全國。良有因也。市公所解散。於是工巡捐局成立。一爲民選。一爲官辦。一爲自治。一爲官治。職權同範圍。同所不同者。民權之縮減。官權之伸張耳。局址卽市公所辦公處。初設之時。局長爲楊南山氏。楊去繼之者爲朱壽丞氏。以南市與軍事有關。故該局遂爲鎮守使隸屬機關云。

以上爲上海四年來各官署之沿革。其所可考見者，均如上述一隅，如是全國可知。中華民國之官制官規，或亦一斑略見矣。至名義上，尙爲吾國官署實際上已不啻爲外人機關。當光復之際，外人之強迫華官之退讓，有種種黑幕爲吾國外交痛史。上一絕大資料者，除法租界不成。一獨立之會審公廨，已見前述，外則尙有公共租界之會審公廨，在查公廨之建設及前清時之沿革，前記已畧有說明。自辛亥迄今，機關猶是名稱，猶是所不同者，用人與行政全權均落外人觀此，可見實利。世界外人惟實不惟名，而華人則惟名不惟實，以爲此項官署名義上苟猶能冠以中華二字，並能代中國政界中消納一二官僚人材，則面子上總算下得去。嗚呼！此其所以爲中國之外交歟。吾國人而公認吾言爲確也。吾且述公廨事以實之。公廨爲吾國駐在租界管理司法之官署，本非外人所能干預，以故用人人爲滬道全權行政，爲公廨員全權。自辛亥九月十三，華界告警，政爭之中，含有種族意味，時則公廨會審官寶子觀及德某均旗籍也。聞警并挾款潛逃滬道，則亦

已避往租界不復續委人員辦事遂有中止象關君炯之舊日之正審官其時適賦閒寓滬王崧生爲劉道之內戚聶榕卿則法租界會審官時華界亂事方熾領事團慮租界秩序之不保乃權宜會議公舉關聶王三人主持辦案並請劉道加札委任以符手續此爲外人干涉公辦用人之第一步自是清室告終民國成立外人藉未經承認之名於辦員進退持之益堅孫調鼎者以縣令需次江蘇且有骨鯁名前光復之數年亦尙奉委署理辦事頗爲中外人所翕服嗣外人以辦案日增需人佐理乃自由雇用孫氏爲襄讞員時則輿論大譁厚孫者亦尼孫行且謂之曰君願做官乎抑願做人乎如願做人也則此事不如其已聞孫與滬紳李平書善當光復後李任民政司時曾委孫以奉賢縣事（見前）奉賢卸事回滬後無所事事乃迫而謀官做官做人之論蓋卽李平書氏之忠告也孫悉不之顧繼則與美副領事某同車到辦視事吾國人政治節操掃地無餘矣此爲外人干涉公辦用人之第二步迄各國承認滬海道尹亦成立以爲公辦用人權可以收回

矣。然自孫羹梅離職回湘，繼任者爲俞滇生氏。表面上雖由滬道正式委任，而黑幕中則仍先與領事接洽，而事始諸蓋已成爲慣例矣。此爲外人干涉公廨用人之第三步以上，均爲公鶴目睹之事。至最後王肇之之代理辦事，是否仍爲領團之意旨，則公鶴久已置身事外，不敢懸斷矣。至行政一端，外人亦於革命數星期中全數攫去，惟欲詳記外人攫權之事實，不得不先就公廨內部組織一述之。按公廨既爲中國自有官署，則一切形式及內部辦事規程，自亦必按照內地官署辦理，無疑以故。簽押房爲辦員辦公之所收發處，爲承轉機關，繕寫文牘，則有書吏傳喚民人，則有差役以及押所女監等處，亦均附屬於該辦之中。除刑事犯未滿三個月者，拘押捕房五年以內者，拘禁西牢，捕房西牢不受公廨管理外，其餘則應有盡有，蓋完全一司法衙門矣。辛亥九月十三，滬城光復，辦員潛行時，則關聾諸人尙未至也。押所男女犯聞變，大譁，斯時領團以全辦無人，主政則飭令捕房派捕照料，彼時乃善意之協助，未遽蓄侵權之意也。越日，關聾先後視事，捕房

亦同時派員來辦整理一切而干預之事起矣首向押所員索取鎖匙繼則另設一外人辦公處定名爲檢察處（由英譯華之中文單上則竟名監察處則已有監察全辦之職權矣然該會審員等與華官往來之公文書中猶名之曰檢察處則自己顧全顏面而已）裁撤舊有差役而代之以巡捕一切行政遂入外人掌握中矣夫公辦在前清腐敗極矣外人乘吾國有事之秋以善意代整辦政寧非吾人所感謝而結果乃如是國際無道德乃不能不服爲名言矣若夫用人行政全權既落於外人則該辦之經濟又何如者且寶子觀氏以旗籍避嫌逃匿聞於公款中亦微有糾葛（此事當時曾見各日報有空款數萬之說嗣又見報載寶氏自行聲明之廣告內容如何恐非局外所知矣）外人既擾我政權則外人亦能代我支持財政乎此尤吾人所亟應知之事也當滬道劉避居租界之初意以爲革命未必成事故在洋務局首鼠觀望以俟大局之平定及九月望蘇垣光復劉知大事已去所有關道庫存各款（舊滬道職務分兩部一關房二道房）直接。

交付民軍恐遭事後嚴譴若不交出又不勝民軍之威迫謀兩全之法乃將存款全數三百五十餘萬交付領袖領事薛福德氏劉自爲計得矣然款既存於外人凡華洋間不論官款商款苟與外人有債權債務關係者悉於是取償焉及國際承認部派專員會同交涉使清理滬款外人將一年餘代支之款列冊報告則會審公廨常年開支及預計此後歲出之款因截留若干萬以應時需均赫然逐項登記焉當檢察處成立之初廨員薪水及一切開支悉由該處按月發給而正會審官月給薪水銀八百兩副會審官半之以按照官等不足薦任資格之人員月薪乃與各部總次長相埒論者謂外人辦事之實事求是也及清冊移交則亦懷他人之慨耳區區一公廨財政本不足計較但不識尙有回復前清原狀之希望否也吾歷述民國四年來上海各官署而終之以會審公廨會審公廨尙爲民國官署乎抑各官署將悉成爲會審公廨乎領事裁判不已混合裁判繼之（領事裁判限於寓華外人各歸其本國領事裁判之謂混合裁判則華人訴訟亦由領

事參預庭訊。今租界公廨是也。吾不解今之法律專家。尙時時誤認此項辦法爲領事裁判。自誤歟。抑聊以自解歟。公鶴擬另文以說明之。法衙之結果。如是吾更爲其他官署危矣。然此亦在政府之自擇耳。若吾民則無過於奴隸牛馬而已。中國近十年來內政之稍爲比較的優勝者。當首數光緒季年之禁烟政策。烟禁有國際關係。故十年淨盡。首與英人訂明條約。外人慮吾政府辦事之不能一貫也。故約中附有賠償之條件。其所以督促我政府者備矣。前清頒行城鎮鄉自治章程。於自治事宜中特加入戒烟一條。亦誠慮屆期不能淨絕。將有絕大交涉隨其後。故不惜三令五申。示全國以事在必行之決意。至約載最後禁運地點。計廣州。上海兩處。曩者孟心史曾編次關於國內禁烟事宜。附之自治事宜。詳解之中。以警。有。衆。今。者。蘇。贛。粵。三。省。於。業。經。停。運。之。區。重。行。官。賣。是。十。年。瞬。屆。能。否。淨。絕。已。不。可。知。其。危。險。何。可。言。狀。惟。照。約。上。海。雖。爲。最。後。停。運。之。地。而。外。人。則。以。條。約。具。在。不。便。反。汗。故。當。該。約。簽。字。之。後。工。部。局。卽。公。開。會。議。議。決。分。年。禁。止。之。策。今。

距十年之期止有兩年而回溯着手議禁之初七八年來成績昭著是號爲獨立國之政治毅力反不若租界外人辦事之尙能堅持矣茲特縷述租界禁烟歷史俾吾政府稍知愧恧乎當中英烟約簽字英公司令行駐滬英領事豫擬辦法英領卽據以照會工部局斯時租界除土棧膏店外尙有大中小各烟間充塞市廛間工部局歲收之營業牌照費尤爲不貲驟聞中國將實行禁烟因決定租界禁烟之次第及手續先從停閉烟間入手分兩年度四時期將界內烟間調查清楚逐期抽簽至宣統元年十一月十九日爲西歷十二月三十一號正值一年度之告終而租界烟間乃以停閉淨盡數十年烟毒之窟穴一日肅清工部局之熱心毅力可欽敬矣惟烟間旣閉烟間營業牌照捐當然亦在取消之列工部局驟減此項歲收使以中國人政治眼光言之禁烟之利在社會一時未易收效而禁烟之害則先中於政府中國以投鼠忌器之故良法美意之反汗於中途者正復爲此最近如裁釐加稅之舉實吾國提倡實業之根本政策乃道謀數年迄未定議

果以事關國際爲外人所尼行弱國無外交猶可說也若加稅事則並非外人絕對之反對不過以國內裁釐之後將數十年來巧取豪奪之民脂民膏一旦悉數蠲除是否能在加稅項下取償現時既難決定則不得不因仍故陋以保持此病商之殘局中國內政大抵如是使租界禁烟因有碍工部局之歲收而遂以中止正亦事理之常外人則殊不爾爾認定禁煙爲一必要事宜禁煙後彌補捐項爲又一必要事宜二者不能偏廢則於其他收入謀之於是決定於普通房捐項下每百分加徵十二分計得銀洋十三萬有奇烟間停止土店膏店仍然存在也且營業必較前發達蓋烟民旣失去吐霧吞雲之安樂窩能遵令戒絕者果有幾人則此後或購土自製或挑膏家吸必爲烟民一定不易之過癮方法於是就原有之土膏各店加抽執照費若干計得六萬有餘而每年減少之烟間執照費十九萬餘元乃有取償之地當時論者謂減去烟民之負擔加之普通之住民（指加抽房捐言）於理似有不順然去數十年之積毒凡屬國民在道德上亦應稍負

責任區區加捐不爲過刻而租界禁烟先從停閉烟間入手乃得以積極進行矣。其次則謀取締土膏各店取締云者禁閉之前一步而實爲後來禁閉之前提也。租界自烟間肅清之後社會烟民既不少減重以內地烟禁日嚴（此指三省未經官賣時言）富室巨紳之染有烟癖者亦均蒞止滬上於是滬上烟民之數則大加循供求相應之商事原則烟民既加則業烟之商店亦必增加而烟間又全停則土膏各店之日見發達乃屬意計中事工部局見業烟商店在此時期中原不在租界禁令範圍之內然一任其自由添設則遲早終有禁閉之一日今日給照准開明日吊照諭閉行政既類於愚民局令亦嫌於反復因於未至抽簽輪閉之先規定一期間在此期間中不論土店膏店祇准收歇不准續開彼時無識者頗謂此又係洋藥公司壟斷之政策（滬上自禁烟令下各業土之洋行公司公設一專賣處所故現時滬上之土市實爲該托辣斯一家壟斷云）不知工部局受何人之運動乃有此舉時公鶴則力辨謂此亦外人辦事之均有次第乃係停。

閉土膏各店之先步蓋必先行取締然後可以實行停閉也此爲陽歷去冬之事今已開始抽簽矣抽簽之法與停閉烟間之分作兩年四期同逆計至民國六年租界烟毒可以全部肅清以上均公共租界內事也至法租界辦理烟禁大致與公界不殊惟公界抽簽則分作兩年四期而法界則以八個月四期計算時間畧有長短耳兩界辦理烟禁如是於此可見外人辦事之有決心并可見外人辦事之有計畫以地大物博號爲政治進化較早之中國施政方針與手段乃不區區一租界自治團體若若今者三省特派連烟專員從事販運對於國際爲失信對一租界自治團體若若今者三省特派連烟專員從事販運對於國際爲失信對於三省人民爲縱毒貪取二千一百萬不義之財爲權時之止渴吾不解十年期滿之後又將何以止強鄰之責言也曩者心史於前清草擬自治事宜詳解時以公鶴於滬事夙有觀察曾垂詢租界禁烟辦法彼時公鶴卽謂無論如何十年禁盡之約惟租界爲能實行華人方面則掩耳盜鈴耳心史以爲立言未免過當卽公鶴亦自悔蔑我政府之太甚也今十年雖尙未屆而兩兩相較優劣已分則吾

言不幸而中矣。雖然吾言之幸中中國之大不幸也。吾亦惟有取心史先生原稿之結語結之曰屆時不將烟土禁盡中國已不堪設想而已。

自三省官運之舉行不僅國際間有失信之嫌卽政治上亦爲罔民之舉茲再就民國四年來蘇省禁烟之陳跡言之則不禁喟然興嘆也當辛亥蘇省光復之初其時民權興奮民意紛呶省議會之權力又復獨出冠時於是所有全省行政事宜表面上以都督名義行之實際上則議會政治而已蘇省議會張季直氏實爲議長此外議員亦均一時之人望故所議議案除積極政務外尤注意於消極事項而烟禍實爲蘇省一大障礙則提出議案議決廢續前清禁烟成案移交行政官廳執行故各省光復烟禁多半廢弛而蘇省獨否者則省會之力也且蘇省司法開辦較早法院適用之刑律亦由省會議決遵用前清暫行新刑律而第二十一条之鴉片烟罪於規定六個月期間爲戒絕期限外卽實行按律定罪一烟禁也立法機關議決之行政機關執行之而司法機關復執法盾其後無非爲保全

國際間之信用祛除政治上之障礙而已。惟內地禁令雖嚴而約載最後停運之上海近在咫尺。內政不良則國民生計促教育不普則國民道德漓以一羣生計垂絕道德墮落之國民對於可欲之私利雖刑驅勢迫不爲功更何有於無形間之道德責任也。於是私販之事生焉未幾而三省官運之議實行則此輩更明目張膽矣。哀我窮民橫受政治上之欺罔而破家蕩產喪身亡命之慘劇乃夙見不鮮矣。吾述陳金敍案吾乃爲吾民呼冤不置也。陳金敍者武進某鄉人中才也。以業米月必一二至滬上聞印花土通行內地無阻則每次自滬回必攜帶數十元販之鄉間夫烟土之有私販不自今春始陳之往來滬上亦不自今春始顧平時向不販土必俟印花土通行乃始販土亦胡爲而致投之禍正印花土有以階之厲矣雖然烟土既准官運則陳卽販土亦胡爲而致投法網則公鶴嘗聞之老於斯業者矣當上海烟禁之初行也由業土洋商結合洋藥公司凡租界各家存土悉數售歸公司而由公司攬專賣之利及蔡特派員

南來卽與該公司接洽。凡購土者必飭令黏貼印花，防弊之方密矣。惟該公司所售者悉爲真土。真土販至內地，獲利不若次貨之厚。而次貨既非該公司之所有，則欲辦次貨勢非購之別處不能得。而所謂別處者又不能取得。蔡特派員發貼之印花，以故鄉人來滬購土，除略購黏貼印花之真土外，尙必別購無印花之次貨，以厚其利。此亦商販逐利之恆情，非不願購貼印花，乃不能購得印花也。閱者能悉此中真相，則陳案之冤愈顯矣。當陳某次來滬販土，既購印花土若干矣，則亦循例購無印花次貨若干，趁車回至常站，巡警將印花土驗過，次及無印花者，則詰陳爲販私以一印花之有無，定烟土之官私，而知所謂准販之官土有何用處。不准販之私土又有何害處？此中辨別真難，爲政界以外人索解者，兩方相持不止。於是陳乃捉將官裏去矣。縣知事王晉民氏，則亦頗知此等政令之跡近罔民也。以拘役兩月了之。武進舊例，凡短期徒刑不足半年者，不付監獄執行，而以看守所拘禁之，免得釘鎊上銬，以示體恤也。陳亦短期者，則拘之於看守所屈指。

釋放之期不遠矣。閱者注意我國烟禁反汗故令陳金敍輩以無辜窮民致遭無妄而司法不良以致獄政腐敗且使輕罪之犯猝罹大辟不更慘乎。西哲謂獄制不修監獄實爲製造罪犯之工廠又爲傳染罪惡之菌毒前者謂善人習惡後者謂惡人愈惡斯言諒不誣矣。當陳初入所時所中老犯以陳係新至者當然有服勞奉養之義務奉養則入所之難友費是服勞則新犯代老犯任一切勞役是陳任勞役若干日又有後至者服務之期雖滿然日與不良者習則亦非前此之馴謹矣。某日有某新犯至循例服務陳思有以調之則將全號中便桶若干具裝塞門首擬俟新犯開門滌桶時傾之使倒以博笑也孰知未及服務之新犯來忽有提犯赴審之某看守長匆遽推門而入而便桶則悉傾注於看守長之一身立時查訐知爲陳所爲則訴之知事於是兩月屆滿之陳金敍乃以累犯加重科罪二年六個月押赴大禁執行矣然尙去死罪猶遠也。陳旣入監初亦循循月餘與積犯習則頑弄大作武進縣監在舊陽邑署西偏三面鄰空地空地之外爲民居中

雖繚以重垣然監內外聲浪猶能傳達則中國監獄構造之不合法也某日午後四時尙未收封（監號每日早六時啓封晚六時收封係管理上規則公鶴前輯中國監獄史頗有詳細記載）適監外民婦與小兒偶語忽監內有應答之聲自重垣出民婦則赴監門首痛詈獄員之不知約束獄囚獄員值知爲陳所爲旣詳請縣署嚴辦縣知事查案則陳乃屢次肇事不悛者詳請高等廳移送蘇垣模範監獄執行模範監爲全省三新監之一內部設備較爲完善固詭然爲罪犯感化場也中國內政大抵惟名不惟實此事無勞公鶴爲之細述蓋亦閱者諸君所洞悉也且名實不副則亦已耳并有名與實背道而馳者其最著者蔡乃煌以特派三省禁烟員榮膺薦任而結果乃爲三省特派運烟員蘇垣之模範監亦其一耳陳旣解往蘇監蘇監禁遊勇土匪幫會各色人等以數百計陳一一與伍自審出監期尙遠則傾心與若輩結今夏六月蘇省某縣獲大幫匪盜祕密審訊詞連業經被獲在蘇監執行之某某等共進會匪首也移文蘇監提犯對質會中向例

凡新入會之人必對於該會立功一次乃得進級日本人所指爲水滸傳派也會中所認爲立功者何事行刦或獲案不供同黨或冒匪首名誣服陳旣在蘇監入會無功可立適某縣移提匪首公文至匪首知一經到案則罪且不測也乃商之陳令陳自服爲該會匪首與某某無涉獄員據以詳覆高廳及道尹署最後眞實之匪首某某仍行移解該縣對質而誣服匪首之陳金敍不一月乃縕首皇廢基矣計自犯案至伏法爲時不足五閱月以拘役始以死刑終在陳以頑弄不悛而賈禍獲罪正不足惜然使武進之看守所及監獄約束嚴密蘇州之模範監防備周至何至以剝奪自由之現行犯一任其頑弄一任其入會而事前毫無覺察吾國之所謂監獄吾國之所謂改良監獄且冒感化之美名者大抵可見矣雖然陳中才也以入監而傳染罪惡其咎在獄政之不修矣試問陳果以何事入監也誘之以利驅之以刑我雖不殺伯仁伯仁之因我而死者三省之中豈僅陳金敍一人哉陳爲武進人此案始末由某署書記告公鶴因得詳誌其事如上。

以運烟故政府不惜以三省人民之沈溺黑籍易二千一百萬不義之財此皆然矣惟蘇贛之土均係販自上海上海金融操縱全國自內地運土弛禁而上海金融界之影響乃益以不支矣當上海業土洋商組織洋藥公司之後滬上現存之土既由該公司全數收買即按照條約逐年運來上海之印土亦歸該公司一家收購凡租界內土膏各店需用烟土者再由各家向公司躉購是洋藥公司性質上實成專賣機關矣以專賣之故操縱在手市情漲落由該公司核定價格而洋土經歷年之漲價十年前每箱不過八百餘兩者今日每箱萬餘兩矣向之每箱定銀二百兩者今亦每箱二三千兩不等矣此均三省未開禁以前之市情也及蔡特派員南來內地通行洋土無阻求過於供勢且數倍而該公司屯積之土以成本之昂貴以銷路之發達於是昔之以一二千金定土一箱者至此乃有墊款催貨之舉矣夫烟土營業本爲世界不道德之尤者漲落盈虛原可置之正當商業之外惟既經墊款則千箱之土須墊現銀一千五百萬兩之譜而上海全市之

金融乃以攬亂矣。聞本年端午節之銀市以某洋行墊款五百箱數日間銀拆漲至一錢有餘。(上海銀市沿革及現行規例後另加詳之)至中秋節則重以政治上之影響銀拆更有漲無落推原禍始固由全國無鞏固之根本金融故偶受外界之感觸金融卽立見停滯而開弛三省烟禁實亦攬亂銀市之一大原因則僅僅以運烟爲種毒三省非不悉內容之論卽爲蔡特派員稍作恕詞耳。

上海商市以金融爲體以交通爲用而商埠資格取得矣故無論上海一埠爲中國惟一之大商場卽合全地各商埠統計之除倫敦巴黎柏林以政治都會足以吸收全國之金融雄踞全國之交通者不計外亦足首屈一指(某西人調查全地球商埠分爲五等以人口在百萬外者爲一等而上海則據工部局調查人口之報告在百萬之內因入之二等商埠之中不知該西人所據者爲工部局何年之報告蓋上海工部局五年調查人口一次手續簡單未可憑信且近年來人口日增卽在公界一隅亦已達七十餘萬再加之以華界法界人口當在百萬以

外無疑。嗣見公論西報又載有駁某西人之論著。謂世界商埠等級不當以人口爲標準。當以海關常年之輸出輸入爲標準。至上海商埠之果屬何級。則以中國海關估價。仍照數十年前之物價。故亦不能視作標準。要之上海應入第一等商埠。則固中外人所公認也。顧吾國有此大商埠。果以吾國國力振興之乎。抑藉外人開闢之力。而始有今日乎。此固吾人所無容諱飾者也。正惟如是。吾於是。以國際的商務眼光。觀察上海。而乃有特別之斷定矣。斷定惟何。則應就上海商務之種類。及其性質。分析言之。上海商業。以洋行公司。及各大工廠爲首。指其次。則各商號商店也。又次。則起居食宿之消耗營業也。最下。則小商人矣。吾嘗總上。述各商業。而下。以國際的論斷。則凡一國家對外貿易。以自國之原料與人工製成。物品銷之。國外上也。外人業經製成。某物運銷我國。我國人以利權外溢。設法自製。以謀抵制。次也。原料與人工。有一端。仰給外人。原料購之外人。我以人工製成。之與我。以原料售之外人。由外人製成物品。此中雖有工業上之優劣。比較然無。

論其行銷國內與國外我國人尙有多少之權利又其次也外人以原料製成貨品我國人直接間接代外人暢銷外貨以博什一之利斯爲下矣吾人對於上海使以上述分類之範圍除吾國人原有商店盈虛消息之不涉國際者不計外而下以精確之調查居第一類者有幾業業有幾店蓋自茶業而外絲繭將成弩未且購絲而去運紬而來仍近乎第三類之出售原料漆貨瓷器顧繡毛毯品係裝飾貨非大宗而且均係人工製成之物無一機工者則上海之所謂國際商業之第一類者蓋已寥寥可數矣若第二類則爲現時社會所注意亦近年來提倡實業所收之成效也數其大者紗廠則有華盛大生等也機器則有求新也麵粉則有茂新阜豐等也鐘表則有美華利也食品則有泰豐也就國貨調查錄逐細翻檢吾國實業界之略足自豪者祇此數業然仍不外分外人在我國所獲之利之一部分以爲每年終有多少之權利挽回則可蓋消極中之積極而已若以語積極中之積極則相去猶遠矣第三類原料購自外人而我自製物品者以化學品

藥劑品爲居多。然亦自製自銷耳。而以原料售之外人。若花衣。若毛類。若絲繭。若皮革。及其製成物品。雖未必悉數運銷我國。然卽就棉紗一項論。日本紗廠所購之花旗十之四。（凡日廠所出之三十二絞以上之紗線。均美貨所成者。地球花衣以美爲最。）印度十之三（俗稱旁埠花。我國亦十之三。日廠月出之紗平均不足八萬包。是每年出紗九十餘萬包也。而運銷中國之紗歲達四十萬包。）中國全年銷紗約計百三十餘萬包。然歲有增加也。蓋棉紗銷數之增加與人口之增加爲正比例也。中國本廠歲僅出紗四十餘萬包。供求之不相應。如是此。張季直氏所以有棉鐵政策也。則是購我之花爲十之三。而售我之紗乃爲九之三。與十之四矣。以此類推。以原料售出以物品購進花衣。如是他物可知。其與原料之購自外人物品之售於國內。仍不外以中國人博中國之利而已。然較之第四類。則終有間也。第四類之商業在上海既觸目。而是固無煩爲之說明矣。夫以中國工商業之幼稚。致構成今日商市之現狀。而又重以外交上關稅之協商。得

以減輕外貨之成本。內政上關卡之擾累足以加重內貨之成本。商人縱能愛國。然必強以經營失敗之商業而博無謂之虛名。能乎不能。此則上海之所以爲上海矣。往歲孟心史述馬湘伯之語告公鶴曰。上海爲扁擔商埠。初聆其言。以爲上海爲勞動家之聚集地。故馬氏爲此言耳。及今思之。勞動家固以扁擔生活於上海矣。卽自命爲非勞動家之大腹賈小商人亦何一非扁擔生活也。扁擔以肩承之。上海以代人說合交易。從中抽用者。名爲掮客。掮亦以肩承者也。上海商人十八九。均代外人說合交易者。然則扁擔商埠當以廣義釋之始合耳。

再以實利的商務言之。吾人試調查全市間。且不論若者爲必要品。若者爲隨意品。若者爲奢侈品。但問我國人在上海所營之商業。是否有商事之學識與眼光。是否有相當之資本與協助。前者屬於主觀的。後者屬於客觀的。然有一不備。即不能倖存於今日商戰之世界。還觀上海。何如者。以上列主觀客觀的種種條件。之無一足恃。乃復生出下列之種種現象。蓋亦因果相生之恆軌也。現象何若。其

第一等之商業爲消耗類則起居食宿之商店是也夫以上海爲世界有名之商埠交通利便過往紛煩則此類商業亦正上海必要之供給然以吾國社會生活與經濟程度爲正確之比例則必有紐約市每人每日平均獲利均在四美幣以上之進項然後飯莊戲園客棧以及種種遊戲場所乃有人滿之患然又必調查此每人所獲之四金幣爲分財歟爲生財歟爲母財歟爲子財歟爲國內的歟爲國際的歟夫如是故日日銷金紐約市裏面之雄富猶是也上海顧足與紐約並論乎乃近數年來商市受兵燹之影響各業消沈已達極步而惟此起居食宿之各消耗業則爭奇鬪巧新舞臺開幕大舞臺第一臺新新舞臺接踵而起矣孟淵旅社開幕新旅社接踵而起矣樓外樓開幕新世界及天外天接踵而起矣其他類之消耗營業亦稱是自表面觀之豈不爲大商場應有之點綴然準之以吾國現時各種程度之退化及幼稚究竟能容受此大宗之消耗否且上海名爲華洋通商之埠此種種消耗營業也尙能攫得外人多少之資財也吾猶不無抽象之

樂觀試問上列各類娛樂場所間亦有外人足跡否也則第一類商業之可爲浩嘆者也第二類之商業則爲必要品矣若烟紙店若南貨金廣洋貨店若米糧醬園錢市等業類皆人生日用必須之品與第一類之專以奢侈爲其營業目的者至有別也然試問上海商埠因各業之開設而始發展乎抑各業因上海商埠業經發展而始逐漸開設乎屬於前說則各業爲發展商埠之原動力屬於後說則各業因商埠之發展而被動二者居一蓋其屬於後說無疑矣然則簡單言之第二類商業雖爲必要品而其供給範圍仍限於滬上一隅非有鞏固滬市根本之能力乃不過隨滬市之發達爲發達耳若是者其於吾國實利前途果有濟否也滬市根本操之外人前已詳論之獨惜吾國人處此一髮千鈞之際旣無商事學識與眼光又無相當資本與協助目睹社會之日趨浮靡惟是貪目前之微利忘根本之至計水未沸火未然而以爲安吾於蚩蚩者不之責吾爲政府懼吾更爲士大夫羞矣

上海商市之可危既如公鶴前之所述矣雖然吾國提倡商務垂三十年此三十年中豈竟無一商務人才崛起其間乎且爭利於市上海爲有名大埠正商人發展才力之地顧何以以華洋商業兩兩相較率不足以望肩背者何哉此則不能不歸咎於政治之不良矣興商之政有積極有消極積極者何是發展商力是也消極者何排除商害是也茲且舍積極不言言消極消極之關係全國者不言言滬上夫滬上外力侵入地也卽商人不能與外人無交往交往之中不能無糾葛小而訴訟大而交涉此世界各國之所以有商律而在商務繁盛之國且有商事裁判所之組織也一國內商人互爲交易尙不能不特設平爭機關以謀商事之安寧况以吾國爲施行領事裁判之國而上海又爲華洋雜處之地政府當如何妥定章程妙選人才俾華商得與外人並立於法律範圍之內以馳逐於商戰劇烈之場觀之上海何如者公鶴曩曾輯有華洋訴訟例案彙編一書痛中國辦理此事之無狀也則已著論斥之且深致其忠告之詞矣茲則尙有爲當時調查所未

盡者數事。蓋亦障礙我華商發展之痛史也。論者謂華洋訴訟之不能平允。固已而孰知我華人習處此忍辱負重之下。明知訴訟之必不得直。則亦吞聲忍氣。安之有素。茲得一事。曰時和洋貨號定貨案。抑或忍之無可。忍迫而出於訴訟。一途而結果上。則仍以含糊了事。茲得一事。曰協盛興號麵粉案。兩案雖均十餘年前事。然表而出之。亦正可見我國民之窮。無所告矣。至其不爲公鶴所聞知者。又何限矣。時和洋貨號也。以開設較早。故營業頗發達。上海洋貨號分數等上等者。能自翻貨樣。別立商標。囑託本埠洋行。向外國機廠定織。運華銷售。則此項貨品。便爲定貨者之專賣品。別家不能仿造。此向章也。至號家與外國機廠。不能直接交易。由洋行爲之居間。則此洋行者。於商業類中。爲介紹業。業介紹者。一方既受定貨者之委託。則在委託範圍之外。斷不能有伸縮。餘地委託有連屬者。有各個者。洋貨號定貨。爲各個性質。則一次委託定織某貨若干箱。洋行卽如其委託之日。的種類及計數。以轉定於機廠。及機廠運貨。至受委託之義務。由此完了。至該洋。

貨號所自擬之花樣及商標別家不能仿造即受委託之洋行亦不能自由代定。可知也代定且不可何況銷售此在中國商事習慣與外國商律均有明顯之規定（中國雖無成文商法然商事慣例則頗與商事原則相符合特手續簡單耳。公鶴曩論改進上海商事習慣文中即以此爲言）何容上海商人獨外者九鹿。牌標布時和自定之花樣與商標也委託英商天祥洋行代向外國機廠定織是時和爲委託者天祥爲被委託者委託與被委託既有一定範圍斷不能行動於範圍之外乃時和以該項標布通銷於長江上游一帶每年定貨因之有增無減不意銷路稍旺遂爲該洋行所垂涎有時時和定貨僅百箱該洋行則代定二百箱。有時時和並未定貨該洋行則通電自定及貨至上海先通信於時和謂某貨已代定若干箱某日到貨某日滿期如不出者將代行銷售夫時和以翻成花式業經暢銷內地決不願由洋行自行出售勢惟有受其原貨然一經受貨則價格又惟該洋行自定此在外國寧不可乞靈於法律之解決而該洋行非以逾越委

任範圍受民事上制裁且將有盜用商標刑事發生矣然而在我華商則處之泰然也蓋明知訴訟之必不得直無寧忍氣吞聲順受之矣此一案也不啻代表全體華商無訴訟能力也閱者諸君將疑時和自行退讓跡近於放棄權利已乎無已則有協盛興麵粉案在協盛興者南市雜糧行也當中國麵粉廠尙未發達之初中國需用機粉率購自花旗而由上海洋行代購代運某年協盛興向克魯森洋行代購花旗粉若干萬包當成交時訂明麵粉爲紅狗牌商標紅狗牌粉質究竟何若克魯森並無貨樣但知紅狗牌確爲花旗頂貨中國商人不驗貨樣以耳爲目其盲從可想然以外國人最重商標憑標購貨在我雖無眞實的商事經驗以爲必可憑外人之愛護信用以免華商之受欺也孰知越數月貨至啓視則均紅色劣下之粉協盛興憑中與論則該洋行乃強辨云君所定者爲紅狗粉紅者粉之色餵狗之食料也故曰紅狗購紅狗而得紅狗何多論焉協盛興知爲所欺則以紅狗爲該貨之商標以與辨並邀集中外商人檢閱定單而定單係英文作

準英文上書紅狗商標該洋行則指爲並無牌字協盛興則質問商標二字作何解釋相持不決協盛興擬以牌貨不符提起訴訟嗣又以國際條約上載明視被告爲何國人卽向何國領事衙門控告（卽領事裁判是）克魯森爲德籍商人應向德領署起訴華人在外國領事處訴訟旣無華官爲之主持訟必不直（其實條約之觀審乃相互的而非片面的特中國官吏向未按照條約實行觀審故商民遂認爲華官無權過問耳後另文詳之）不若靜待彼方作原告則訴訟管轄卽移之會審公堂會審公堂有會審華官以華官審理華洋訴訟當可稍爲平允蓋華商之厚望華官也如是（以原作被本華商之苦心其實協盛興開設南市則循以原就被之通例應由上海縣審理而在前清時代人民既不敢以原就被逕向領事衙門控告而外人於中國方面控告則不論被告住居何地可逕向會審公廨起訴又爲以被就原蓋強國外交無往而不勝利弱國外交無往而不失敗矣）未幾而克魯森果以定貨不出赴廨起訴矣中間經過傳喚審訊種種

手續及判決書宣布則不問事之是非曲直橫下一語曰該貨總計損失若干由克魯森協盛興兩方平均各半擔負戛然而止紅狗之是牌是貨無一語及之嗚呼此其爲中國之會審官矣協盛興痛華官之猶是憤憤也亟則上訴之上海道上海道者條約上規定華洋之上訴機關也向章凡洋人訴華人第一審爲會審公廨由華官一人原告洋人本國駐滬領事派員一人會同審理第二審爲上海道署由上海道會同該國正領事審理而地點則在洋務局中行之斯時協盛興依法上訴除傳喚審理添傳中證不異第一審外則有一事較公廨爲特別者大凡中國官廳愈高則聲勢愈大而辦事亦愈以濡滯第一審三閱月而判決則以會審公廨尋常官衙也上海道則聲勢百倍矣計自協盛興依法上訴之始以迄辨論終結宣判之時前後計隔四年而上海道亦易至五人夫兩方訴訟目的物爲麵粉因粉質之粗惡而涉訟而麵粉又非可以久存不變之物品試思經過四年又三閱月後此粗惡之麵粉尙能保存此粗惡原狀否卽不粗惡之麵粉經過

此四年又三閱月亦尙能不變爲粗惡否而官廳則曰吾一日二日萬幾豈能因爾輩一事而遽爲速辦爾以麵粉不能久待爾胡爲上訴者以此等官廳處理迫不及待之商事糾葛吾知雖甚抱不平者至此亦嗒然若喪矣而况最後之結果則仍由上海道敦勸克魯森加償損失若干至紅狗之是牌是貨依然未之提及也此一案也爲華商忍無可忍乃出於訴訟之一途而其結果則如此以故社會爲之語曰協盛興之寧入饅頭不入氣不若時和之好漢不吃眼前虧協盛興以麵粉涉訟故以饅頭喻之而時和之經理名漢文則不愧爲好漢云

華洋訴訟不平等於是華洋之勢力亦以顯分優劣今就滬上顯而易見之事言之巡捕房以維持公安爲職務於保護法律自由之外絕對的取干涉主義也乃對於華人以華文報告事件者除關涉危險事項外率多置之不理在華人慣行欺詐告訐誣陷之風在所不免然苟略識英文一二易華文報告爲英文報告則不論事之虛實如何必派捕偵查矣又如會審公廨庭訊之用語通行華語也故

外國律師到堂必隨帶華文繙譯以代傳達然遇華洋人涉訟時華人供詞用華語華文供單不准由本人自核洋人供詞仍用其本國之語並無舌人譯成華語俾對面人有所辨駁卽會審華官亦在不求甚解之列但由會審領事心領神會便已定讞矣且名爲會審判決書率由領事署起草會審華官不過隨同畫諾而已此非深悉會審內容者不知然而華洋勢力由此判然矣語文爲不過其小焉耳而手續上之顯分優劣已如是至精神上則更難言矣華人訴洋人洋人訴華人雖一在領事署一在華官條約上本爲相互辦法例如洋人訴華人由領事官文送者可無須本人具狀則華人訴洋人亦可由地方官以公文移送領署此亦類推的解釋條約具在無庸研究也然試問中國方面官民分際相隔幾許吾民方面之阻力在蓋條約雖如是云云而以華官歷來未經照辦外人已認爲吾國人自願放棄權利於是卽有華官代人民起訴而領事署且故意認華官爲原告敢乞靈於威靈顯赫之官廳代我無告之小民移送公文乎卽移送矣又有領事方面之阻力在蓋條約雖如是云云而以華官歷來未經照辦外人已認爲吾國人自願放棄權利於是卽有華官代人民起訴而領事署且故意認華官爲原告

要求到堂備質最近如蘇州白醫生槍斃鄉民案由吳縣地方檢察長以官廳名義文送上海意國領事核辦檢察長之移訴正華官之履行條約也而意領乃要求檢察長到庭起訴蓋弱國無外交則條約自不能作爲有效僅僅起訴訴訟之第一步耳而華洋之不平等已如是至進而論審案手續則精神上之軒輊更顯然矣洋人訴華人在上海方面完全由會審公廨受理猶之華人訴洋人在上海方面完全歸各該被告國領事署受理一也然吾國所設之會審公廨旣正名曰會審則不能華官單獨開審可知矣且外人對於中國無事不取盈於條約之外安有條約規定之權利而肯放棄者以故遇有華洋控案華官固預以審期商之領事迄領事屆期照約蒞庭而問供而宣判大有主客易位之勢洋人訴華人領事對於審案之干涉則如是華人訴洋人何如者條約旣屬相互的則上焉者照約實施彼方以領事派員參與審案在我亦正不妨以地方官參與彼之審案蓋領事與地方官均爲條約規定之官等也其次則條約所載之辦法有一方不履

行者其又一方卽以彼之所施於我者還施之彼蓋彼於條約之外藉口慣例我亦可以彼之慣例爲我藉口也而孰知有不然者華人與外人互有糾葛華人旣忍無可忍訴之領事矣然當領事庭訊之期事前旣不知照華官俾可爲觀審之預備縱使案情重大非藉口於彼國司法之獨立不能任外人與參末議卽以旁聽形式與我以觀審之虛名民國初元日人謀斃蘇佑泰案其先例也駐滬日領以事屬司法在彼無完全審判之權及全案移解長崎裁判所（各國對於中國均特別有司法統系英美於上海設有司法專員俗所稱英美按察使是也若英之第二審衙門在香港或英京視事物管轄而異法之第二審衙門在西貢日本之重大案件歸長崎裁判所審判皆其例也）而日人僅允我國派員爲優待之旁聽此豈條約上所載之相互的辦法乎彼可以國內法打破國際條約拒絕我之觀審則如是措詞矣而彼之來華觀審且事事取盈於條約之外者則又舍條約而藉口慣例夫慣例誠爲國際相互間之大原則矣然必爲兩國未經訂有條

約。（若光緒初年巴西招工案以中巴未訂條約。巴西人藉口於向日招工之慣例是。）或條約上未經列舉之事項。（咸豐間中英條約某條凡本條約未經規定之事項仍按照向章辦理。向章云者即慣例之謂也。）乃可藉口於慣例。若華洋訴訟相互間之觀察爲條約所規定則非未訂條約可比。辦法詳載於約文中。則非未經列舉可比。不過訂約之初對於觀察權利外人絲毫不肯放過而華人則偶然放棄由履霜而堅冰遂成今日華洋間最不平等之結果無怪社會上以協盛興爲不識時而時和之吞聲忍氣仍不失爲知機矣。雖然商戰世界縛手足以赴敵豈有幸哉。

外人不准在內地開設行棧此爲吾國國際通約上所載明以今日世界大通人智日啓果深閉固拒而於事有濟也已無解於半開化之譏而况逆揣今日大勢之所趨此項政策能否貫澈果非吾人之所預知此與外人無照不准攔入內地除教士雇員外尤不准洋人之雜居正屬同樣之蒙昧論者謂此等見解均前清

嫉視外人而又不識國際趨勢之所致。懾於勢，則以租界爲安插外人之所。既有安插外人之租界在，則凡非租界地點，均不准外人之廁足。既防內情之爲人窺見，亦慮外化之日以輸入將不利於我之政治也。前清定約大致如是。雖然，前清之所以固拒外人，其見解無過於上之所述。果在前清國勢尙未中落之時，旣逆知世界趨勢中外斷不能永守此固閉之局，因此而發奮圖強，取外人之長以補我之短，規畫之遠大無過於此。更何事於區區之交通與以限制？且租界非猶是吾之領土乎？在政府之意以爲旣有租界，安插外人卽不應復及內地。不知內地與租界一而已矣。盡中國之內地，不准外人涉足，盡中國之內地，闢爲租界，則外人仍可涉足矣。自道咸以來，通商地點始限於廣東一隅者，未幾而五口矣。未幾而長江五口及北三口矣。今則租界且遍於各行省腹地矣。此一方之制限，雖嚴其如彼一方租界之日闢何矣？然則如之何而可也？當中外互市之初，以不准外人施行領事裁判爲根本政策，則普天率土凡在領土之內，悉可任外人之雜居。

亦悉在我國政令範圍之下長治久安無過是矣乃當時不此之計願以租界委之外人治權之下且自詡以洋洋之爲得策也可哀已

然則領事裁判不裁撤吾國可一任外人之雜居乎曰前清不知領事裁判之關係國權而反取消極態度除租界及自開商埠外(自開商埠與內地異後另詳)不准外人之涉足失策矣然因領事裁判之不能收回而猶能嚴守雜居之制限則今日領事裁判之尙能限定於租界一隅未始非此項限制條約有以維持之也否則一方施行領事裁判一方無雜居之制限則外人足跡可以遍於內地外人足跡所至之地卽爲領事裁判所及之地謂全國領土皆爲半主權國可也然則前清以租界遷就外人乃視領事裁判爲後圖因視領事裁判爲後圖乃有內地雜居之限制今則領事裁判猶是則猶幸有內地雜居之限制庶保持我統一之法令矣故公鶴得下一絕對的斷語曰領事裁判一日不裁撤卽內地雜居之制限一日不能廢除所惜者條約雖訂有嚴重之制限吾國行政官吏是否照約

辦理。卽如洋商在內地開設行棧。除中俄陸地通商條約有一例外。外其餘均在絕對禁止之列。然試問吾國果能辦到否。最近如上海縣境內洋商開設花棧。縣知事詳請外交特派員核示一案。洋商則據爲慣例。華商則爭以條約最後解決。如何此時尙未確定。惟公鶴以爲洋商之所據爲慣例者是否有其根據。猶憶民國二年穆抒齋君辦理淞滬警察廳事。其時有一德籍商人在滬南開辦練脂廠。嗣爲鄰近居民反對控告。到廳穆君派警調查。則外人在內地設廠之舉。德商而外。不一而足。意者花棧。洋商之以慣例爲言者。其卽指此乎。當時又聞穆君言。凡洋商在內地經營商業。必先雇有華人之買辦者。爲之幹辦。一切卽在官廳中具稟立案。亦悉由此華人出面及廠事告成。遇有交涉而洋商就此出發矣。穆君之言。如是然。則洋商之以慣例爲藉口者庶幾洞見其癥結之所在矣。但不識吾國官廳將何術以善其後也。

租界之外。又有所謂自開商埠者。夫商埠。則商埠矣。何所謂自開。且凡爲吾國商

業。薈萃之區。皆可名之曰商埠。則又胡爲而特設此。自開商埠之一名詞。蓋亦對外之作用也。閱者欲悉此。自開商埠之內容乎。當知中國近二十年來於國際中處。何地位。第一步爲外力侵入時期。第二步爲國際均勢時期。至第三步又有何等現象。則今者歐西戰事方酣。亞東大勢又將爲一國所獨擅。悲觀樂觀在吾人之自擇。今且不論。惟自開商埠之起。因卽在此第一第二兩時期之中。當第一時期之有自開商埠也。完全爲抵制單獨的外力之手段。例如中日戰後日本要求在蘇州開設租界。(同時開設租界者凡五處。蘇州其一也)。吾國怵於租界之已。事。知租界發展。有妨吾國之大局。一方允日人之要求。無可反汗。一方卽自闢蘇州商埠。爲抵制外人之計。蓋外人要求開放租界。表面上以興商爲言。實則醉翁之意。司馬之心。均別有在。蓋殖民計畫耳。外交政策出之。以商務手段。而吾國則亦藉自闢商埠。以遏其謀。而分其勢。此第一時期之自開商埠。猶有當於外交政策也。然以興利之美名。出於防患之被動識者。已嘆其非計矣。及第二時期之自

開商埠則更進矣。自甲午以後，中外情勢揭露無餘，昔之外力爲單獨的進行者，今則以中國遲早終爲外人所分割，與其因嗣後權利之不均致啓分爭之漸，則不若於進行初步合力以謀觀乎旅大、威海、九龍、青島等地之被租，則均勢之局成矣。惟勢力雖均而機會及與中國關係之程度之厚薄，則不能均也。於是內鬨起焉。彼夫索還遼東，豈真三國之有？厚於我耶？不過一骨投地，羣犬垂涎，一犬爭先，羣犬逐之，無寧各方之坐守，決不使一人之獨占。此對於大宗領土，固如是，而對於一二形勢區域，各國嫉一國先鞭之着，則即督促我政府自開商埠，俾免羣雄之角逐，更可市惠於中國。蓋與三國代索遼東同一殘延之局，則所謂第二時期之自開商埠已非復第一時期以中國抵制外國者，比乃完全以多數外國抵制一國而已。嗚呼！生存於機會均等保全領土之下，尙復成何國家？然自歐戰開始，中日交涉接踵而起，而訂約之結果，滿蒙山東方面復被日人之要求，加開多數之商埠，則第三時期之自開商埠，尙能保持第一、第二時期之現狀，已在不可。

知之數矣

自開商埠之性質若何其與租界及吾國原有商場異者又何在此亦不可無述也。查自開商埠爲變相之租界不過租界爲外人之原動而自開商埠則我國之原動也。以原動力既異則辦法亦不能無異中國租界以上海爲最巨租界中外人政治上之權力亦最大行政事項均由外人主持者無論矣。即司法方面之審理詞訟名爲由華官主政除革命後公堂內設立檢察處長管行政事宜華人以民事涉訟亦均由各國領事派員觀審且名爲觀審實際無殊會審爲民國新例外卽在前清傳提各票非由領袖領事簽字不能在界內捕人而違警案及刑事案一律歸捕房解辦請究開庭時由英美德三國領事輪流會審人但知外人在中國有領事裁判不知在上海租界并有混合裁判權中國租界不止上海一處固未可以上海租界概之各處然而租界政權之落於外人則全國一而已矣。若自開商埠則差勝矣論其性質本無異於租界故外人得以開設商店而各國亦

復派駐領事惟領事之權僅限於裁判本國駐埠之僑民至此外商埠中之行政及華人相互事宜外人概不能有所干預簡捷言之租界政權在外人自開商埠則政權尙在本國也此與租界相異之點也其與吾國原有商場相異者則有最顯著之二事一則原有商場不設海關也一則原有商場不准外人營業也原有商場不准外人營業此卽條約所載內地不准開設行棧內地云者其初不過對於租界而言自有自開商埠之一例則內地又係別於通商口岸而言蓋租界與自開商埠均爲通商口岸則均非內地可知此原有商埠與自開商埠之異點一也海關爲經徵國際貨稅之機關論商稅之原理國內通過自無科稅之可言然自前清咸同間以兵事籌款國內辦釐金弊政迄今未之能革於是國內輸轉之貨其由輪路裝運者稽徵之權亦委之海關然其初亦限於租界也自自開商埠之例行以兼容外人之故則必有土客各貨之輸進輸出而稽徵之海關因以建設原有商埠則無是也此其與自開商埠之異者二也蓋從積極方面言日本

當互市之初期歐人東來者何嘗不以威中國者威日本故日本在昔之居留地即我國之租界是也然試問今日日本尙有租界乎以何種政策而達取消之目的乎僉曰由自開商埠始則自開商埠寧非收回治權之一大動機乎若然則樂觀係焉矣更從消極方面言則中國自開商埠處於被動而非主動名爲自開商埠實則保全領土之代名詞耳故中國自開商埠愈多就第一時期言則外力侵入之地愈廣就第二時期言則國際均勢之局愈危悲觀不暇何樂觀矣積極乎消極乎是在我人之自審而已

道德在先乎法律在先乎公鶴向日持論則均謂無形之道德窮然後有形之法律始主張是否不謬今姑不具論惟道德爲天成的乎抑人爲的乎或折衷的乎此則頗有學說之異同而就各派之議論參以評定則生理學家謂人類之構造其成分與物類之不同不在智愚而在善惡此卽宋儒所謂虛靈不昧虛靈者亦構成人類之一機件也哲學家謂人類之進化由各個性之結合而結合之元素

卽中國先儒所謂人受天地之中以生亦孟子之所謂性善是也由此推之則當以道德天成說爲較勝矣惟公鶴則有疑焉中國開化早而進步遲外國開化晚而進步速遲速之比較何在則教育程度爲之差等也今使確認道德爲天成的而又確認中人所受各種之教育不及外人之高深則以中外人相較知識縱有高下道德之相差必不甚遠且知識旣進則一切神權迷信必不足以中之然例如宣誓根本上爲道德之制裁而形式上則藉迷信以表襮其道德也道德而藉迷信方法以表襮之宜非外人之所取然而外人之通行宣誓自若也至中人則知識固不及外人其中下流習染舊汚天成道德淪喪已盡而獨於迷信之宣誓則抑若洞明其欺罔故隨時隨事可以行之何此項知識之獨遠出外人上也然則謂道德爲天成的而教育尤足以濬其源而暢其流故雖迷信之宣誓不足爲外人知識之累反足爲外人道德之助中國人則反是庶幾切中情理乎聞曩者上海捕房及會審公堂均實行宣誓手續嗣以中國中下流人視宣誓爲無足重

輕於是易爲文字的保證。嗚呼一宣誓也中下流人尙不能實踐之雖然又僅僅中下流人之不能實踐乎哉。

上海風紀之敗壞有歷史的有政治的惟歷史政治均爲客觀方面之外感其主觀原因則實由教育之不普及閱者將疑公鶴此言爲老生常談平試先以客觀的證明之曷爲風紀敗壞之由於歷史的乎中西習尚各自不同雖準之以純理的大原則原無差異之可言然自社會觀之則異同判然矣上海開埠遠在七十年以前中經國內太平之變中興諸名人均以道學自負彼時國內倡行一種學說對於政治則忠君親上而已對於社會則規行矩步而已對於家庭則整齊嚴肅而已僅僅忠君親上則不復知有國家僅僅規行矩步則不復知有事業僅僅整齊嚴肅則不復知有和親一言蔽之束縛無生人趣而已外人之所謂名教者則異是以兩種學說之格不相入鎔冶一爐則必後起之學說受人指摘上海者外人首先來華之根據地亦西方文化輸入之導火綫也以與吾華習尙之不

同。故士大夫既盡力致其攻詰之詞。（如左宗棠與友人書詆新聞記者爲江浙無賴文人之末路。并目上海爲全國首惡地。又某道學家筆記以生長上海足跡三十年不涉夷場爲有守。又湖北名士張某寓書王韜力勸其不應託庇外宇。蓋皆同光朝之事實也。并有節取其製造之長而深惜其不習中國禮教者。曾勘剛致友人書曾剖辨其謬以爲外人之長不在形下而在形上。吾人決不能以是丹非赤之見自封其故步。尤爲探本之論。）而一二不理於輿論之人見世界中尙有上海一隅之足以逃避吾衆棄之身也。則羣習而安之。其實中國舊倫理以範圍於專制政治之下。誠不免束縛之太甚。而此輩橫決藩籬之士苦舊倫理之束縛。而思逃則有之。若其對於新倫理之原理。彼亦何嘗夢見之也。攘斥舊學說。未嘗取新學理以代之。例如公德私德舊學說混爲一談誤矣。然以自身私德之爲人詬病。因力折私德無關公德之說。以破舊倫理之範圍。破之誠是也。試問新倫理果一任私德之墮落爲無傷乎。又每見上海社會中發現一傷風敗俗之事。一

般輿論則必曰此幸在上海耳若在內地即使幸逃法網亦不免爲社會所不齒何以在上海則如此而在內地則如彼此無他蓋風紀之敗壞於非驢非馬之上海社會者已非一朝夕矣此原因於歷史的也維持風紀在野爲士大夫之責而在上則行政官吏之責也上海以租界故華官無絕對負責之人租界政權操之外人以甲國人謀乙國之根本問題但於法紀上無其他危險之發生則社會公安而外無復有第二之目的而况吾國之所謂風紀與彼方之所謂風紀原則雖無差異以進化遲速先後之不同遂不無同源異流之現象我之所謂忠君彼則忠國我之所謂父慈子孝彼則家庭各守分際我之所謂貞節彼則一方保護人之自由一方禁止侵犯人之自由如是而止已本此以施政故維持風紀由前說則此事本非外人之責由後說則我之所謂風紀更非外人之所謂風紀而其政治上之最著者莫過於姦案之輕縱姘婦可認爲人事上之結合和姦無科罪之專條強姦之罪有時且輕於略誘無非以略誘擾及公安而強姦則僅侵犯個人

之身體自由擾害公安涉及租界之安寧侵犯身體無關公衆而已積是各因乃成惡果而上海之風紀蕩然矣此原因為政治的也雖然歷史也政治也非客觀方面之所謂外感乎果主觀的足以制之則吾人立身於社會中歷史之舊染不足以污我政治之輕縱更不足以勸我看似老生常談而根本的教育之不謀普及十年而後上海風紀不知又將何若也

其次則生計問題之與風紀有關也上海全埠人口之總數除華界歷無統計外公法兩界在宣統季年合計爲六十餘萬丁口（工部局每五年調查界內人口一次調查手續委巡捕房行之而巡捕房又委地保挨戶調查殊不精密也故實在人數尙不止此）迄革命事起而界內人數大增惟此項寓滬之人就滬上華洋現有之商業以支配之歐戰起而歇業回國者幾何人因外人之停業而影響及於華人之職業者當得若干人以國內商業停滯因而影響於華人之職業者又當得若干人此僅指商業中人言也此外非商業而依恃商業爲衣食者其在

滬上有高等遊民焉。有小工人焉。（如各種手藝是）有勞働界焉。有各種藝術家焉。僅論商業與商事人才供求之現度。其溢出所需要之數已不知凡幾。而此依恃商業爲生活者高等遊民以迄各種藝術家應占商民全數中幾分之幾。夫以上海爲商埠地點爲商人出產地乃商人自贍之不暇。其於生計之危險已可知矣。復有附屬商業之各種人物增進商人之消耗力。其危險不更可知乎。志有之倉廩實而知禮節。衣食足而知榮辱。諺有之貧窮起盜心。盜者干犯法紀之事也。盜心者干犯風紀之事也。然則雖以普及教育之人民猝迫之以凍餒飢寒忍死須臾。攫金白晝且不問。三尺法之威嚴何等。更何暇問方寸間之能否。卽安矣。滬諺又有云。身上着得紬。披披家中沒得夜飯米。又云。身上全紬家中全臭。正惟着紬。則家中乏米亦正。惟乏米。則身上愈不得不着紬。此足以狀上海之生計。此足以狀上海之社會。而第二諺之所謂身全紬。家全臭。乃倚伏於是矣。有着紬乏米之上海人家。卽有全紬全臭之上海人家。非全臭不必全紬。非全紬又何至全臭。

而上海風紀之敗壞。於生產職業不加多者已如彼。敗壞於消耗程度之日以增高者又如此矣。至組成上海社會之分子。以商業人才爲本位。而以各種人物爲附屬品。惟此兩大分子之外。尙有不事生產專事消耗而敗壞風紀力尤強者。其在上海則女界尤有特別情形。男耕女織爲中國社會普通職業。故一夫不耕或受其飢。一女不織或受其寒。可知準之以中國古義社會職業支配於男女兩界。原無輕重之可言。上海則不然。以全埠一百餘萬之人口。(合華界言)除男子小孩殘廢者外。女子當不下四十萬口。再除去一部分有職業之女工或勞動者爲五萬外。其不事事者當得若干人。此不事事女子之中。上焉者管理家政。能稍分家庭勞役。外語以正當之生產事業。則遠矣。次焉者動作需人坐食終歲。而其消耗之所需已加負於男子之一身。總計此兩項之女子。約計爲一十五萬至殘餘之二十萬口。其明爲買淫。如長三如么二如野雞如花烟間再去五萬外。(據工部局去年之報)其餘之十五萬口。食必膏粱。衣必文繡。處必華屋。出必高車。消

耗程度之達於極步吾人試作一假定的預算以一人耗費每日二元計則全年已達三千數百萬元之數則此十五萬口者又非有確定之男子爲之供給則終歲之間其所以取得此項資財之方法及手段閱者試一默想之於敗壞風紀之外尙有其他方法及手段乎而僅僅妨礙生計在十五萬以外不能生產之女子尙不計焉嗚呼以十五萬人在一隅地方敗壞風紀以三千數百萬元供敗壞風紀之揮霍生計安得不促風紀又安得不壞也長此不變十年以後之上海誠非吾人之所忍言矣

就單純的生計言金融則求過於供職業則供過於求惟以職業供過爲因則普通應得一果有一商業於此需用司賬或店夥如人才缺乏則價格必高反是則價格必落故商事人才價格之高下視商事人才供求之是否相應而根本上實商業之消長爲之論上海近年來之商業衰落極矣商業消則商事人才供過於求供過於求則價格落例如昔之司賬缺月給二十元尙虞無人應選者今則月

給十元而來者接踵矣此亦一定之理也然在上海則又有特別情形矣上海生計程度之高甲於全國惟其高也故歇業之商夥按照普通心理自應以亟於謀事而貶其價值乃在上海則不僅價值之不克自貶反因生計程度之加高若云與使俯就廉價之職業於一家生計仍虞缺乏無寧歇業坐守靜待機會之至愈待而愈窘愈窘則愈不得不待上焉者徼幸於一擲下焉者流蕩爲遊民夫商業而出之以徼幸已非吾國商事前途之福又何況愈况愈下驅有業之商民爲無業之遊民乎此則因生計之增高而影響於職業復因職業之缺乏而影響於生計也滬諺云虹口賭檯擺一日上海叫化多一個（个字從南人讀應作入聲蓋北人無入則南人自有非入而入之者矣）蓋上海巨賭向在虹口一帶每賭一日則被陷溺者必日有一人也吾就社會生計論上海商業一日不回復上海叫化亦將日增其數影響恐尤巨於虹口之賭檯耳雖然失業而猶能安於叫化叫化窮而已貧而非病於風紀固絕對無傷也特恐其不能安於叫化耳

華人之風紀之教育之生計之教育。生計與風紀連帶之關係。其原因其結果皆如上述矣。惟認定上海爲普通商埠。則國民墮落已達極度。更認定上海爲國際間之商埠。則上海爲外力最占勝勢之地點。始來上海者爲英美法三國。而英美法之以全力規畫上海者。如何其周至。俄德意奧等國。後至。勢力雖不若先至者之雄厚。然各謀發展其本國之商務。及潛勢力。亦無所不用其極。吾華人曠庇於外人勢力範圍之下。彼開埠初期之來滬者。以商業爲目的者。不計外厥後因亂避地。歷年寄居上海之人。近者十年二十年之不等。遠者且長子孫而延世澤。而今者流覽全市間。外人於歷史上政治上。雖用盡種種方法。以謀華人之同化。然華人自華人外。人自外人。飲食居處。衣服儀式。旁及風俗習尚。冠婚喪葬。七十餘年來。實際上不爲外人同化。此又何哉。論者謂社會習尚之變易。其原因至爲複雜。有政治的。有經濟的。有宗教的。上海薈萃中外於一隅。租界治權雖操之外人。然對於社會之習尚。苟非妨礙公共安寧之事。歷取放任主義。此華人不爲外人。

同化原因。於政治者一也。上海生計程度高矣。而外人生計程度則更高。以中級外人一日之所需足供華人一月之衣食收入。猶是出項日增。故衣食住三者。華人無論如何。豐足而羨外人事實上苦不能辦到。此華人不爲外人同化原因。於經濟者二也。外人以宗教同化他國人者。近世紀已見不一見矣。中國通商之先外人何嘗不以教務爲前驅。徐家匯之教堂即成立於通商之前。特通商後愈以恢廓耳。惟其教義精者率不外吾國先哲之名言。淺者則近於迷信。亦吾國自有之神權學說而爲儒者所不道。故不特宗教不能爲同化華人之助力。且適以長同化之阻力。此華人不爲外人同化原因。於宗教者三也。雖然。此三者均消極的也。則尚有積極原因。在蓋華人之特性是也。於何證之。當前清欽派五大臣出洋之際。取道南洋羣島回奉命撫慰華僑時。有駐荷僑民叩轎求見。詢其家世。則離國已二百餘年。蓋猶前清康熙時重申海禁以前之出洋人民也。服式習尚雖已同化土民。而腦後髮辮依然下垂。見欽使則愈有同族之感。夫以數百年未履華

土之僑民置產業長子孫爰居爰處安之有素更何愛此受人恥笑之髮辮而必保存之此亦至不可索解之事無他特性爲之也公鶴嘗聞之研究生理學之某日本博士謂一國之民族必有一國民族之特性此特性者在政治之能運用之耳然則華人之不爲外人同化乃華人特性之表見正惟政府之不能運用此特性故保持舊習則有餘促進新知則不足準是以言卽上海華人之不爲外人同化吾不能不歸美華人之能保持其特性然他方面無進步之可言亦未始不由此項特性累之矣更進一步言上海五方雜處各省均有寄寓之人首指者爲廣幫次則寧紹次則蘇幫最次則本幫其原因略詳於前記惟此各項之人其在上海聚居之地段既有一定而習尚亦各自不同蓋不僅一國人有一大特性卽一地方人且有一地方之小特性矣吾不敢驟下優劣之定斷然以國際商埠論則幸有此項特性故尙能減殺被同化之程度速力耳昔人謂滿清入關於滿漢界限別之極嚴蓋深慮滿族之爲漢族同化也而結果則滿漢仍同化矣（前清季

葉滿漢實已同化所不同者不過以政治爲之區別耳。梁任公著論辨之甚明。然則中國人不僅不爲外人同化且有同化外人之力矣。保持勿失其作用豈有限哉。特政治之運用此特性爲無望耳。

至外人在上海之習尚亦微與其在本國不同。英人商務遍於全球故其足跡所至之地頗以保存大不列顛國粹見稱於世。梁任公新大陸遊記以未至歐洲爲憾而對於英屬僑民則競稱其能以本國文化移植於國外爲不愧世界最優之民族。吾人復本此意以證之上海上海公界舊本英界故今日公共租界內一切組織歷史上多沿習英人之成規。觀工部局內部之編制及界內各項行政與英倫本部之市行政大略相似特具體而微耳。惟此爲公的組合之不相沿襲他國者。若私人間之好尚及習慣除傳教之神甫牧師欲爲精神的同化必先爲形式的被同化外其餘駐華之外人習與華人相處積久亦有沾染華風之事。至英人以商務來華者大多均來自印度。蓋自前世紀印度殖民告成之後英政府興商

政策漸注意於遠東。其時遠東外人勢力以荷蘭人爲最。英人以印度業經佔領。欲謀遠東之發展不得不爲擯逐荷人之舉。於是就印度公司內設立遠東商務研究會。印度公司者英人以商務侵佔印度之大本營也。印度旣已得手則思移植。勢力於太平洋沿岸而商務研究會乃集合商人研究遠東風土民情之作用。也暨鴉片開戰結果上又得香港爲亞東立足地而遠東商務研究會乃復移駐於香港。曩聞滬人言凡英國來華之商人道經香港時必入一研究華情之學校數月然後再行來滬公鶴始聞而疑之以爲香港不必果有此校或者後至者向先至者之間俗間禁耳及某年服務於津浦路南局與分段工程師郝華識偶談此事則知該機關並非學校性質乃卽遠東商務研究會也會內以研究商務爲主旨大而朝章國故小而居處食飲旁及語言文字風會習尙凡吾華社會中形形色色之與商務有連帶關係者或從事研究或悉心調查俾兩方接觸之不致扞格故同一商務用語非所謂全球均以英文爲準據者乎然初來上海之英人

苟非畢業於該研究會者與華人會話同一英語則英人反茫然不知所對蓋上海商場中久已通行一種不中不西之洋涇浜英語矣查洋涇浜英語係以中國文法英國字音拼合而成爲上海特別之英語卽此一端而論英人來華其不能不先有研究可知矣然於其本國國粹亦微有差異矣及寓華旣久所與往來關係之人尤多屬華人而不知不覺之中華風之輸入亦遂成爲習慣焉此猶就商務中人言之也若爲各機關或政府被雇之洋員年限稍久嚮用愈殷者受華人知遇之感有自請入籍者有改用中國服裝者有與中國人爲兒女姻親者而前清長江炮台某洋員以在中國服務十八年之久卒以受該本國政府之詰責致服中國公服向闕叩首自盡總稅務司赫德受前清宮保之命在京開賀一切均用華式此則以職務上之關係而致其特別嚮慕之忱也總之世界大通全球風尙當必有日趨大同之勢師其長而去其短排除其敝俗而保存其特性從理想而言本無同化被同化之可言同化不爲榮被同化不爲辱則今之斷斷爭論不

決者尙不免國際之見解存矣。雖然公鶴又聞之某副領事矣。社會有大防。公理是也。公理愈明。則社會發生傷風敗俗之事愈少。非全社會分子之無一敗羣也。攝於公理之大防。不敢過於踰越耳。中國公理上焉者。認為私人間之道德下焉者。則併不知公理爲何事故。若明若昧。其勢力不足以防限社會。固已此中國社會之現象也。然外人一入此等社會。其識力有定者。原不致同流合污。若中下流。則難言之矣。試調查近十年來各領署判結外人之刑事案件。多半爲詐欺誑財之事。實而黑幕中均有華人爲之。僥倖華人者在商界中。或且爲稍負時譽之人。而亦恬不爲怪。則中國公理之不明已非一日矣。該外人言如是。雖不無過當處。然以外人失却其本有之特性。爲華人罪果如是也。則華人雖有同化外人之力。乃不啻一種毒菌之傳染。疫癟耳。何貴有此同化力哉。

智莫智於法律。愚亦莫愚於法律。能莫能於法律。拙亦莫拙於法律。英人謂巴列門除不能變易。男女外無所不能。以法律爲智能者也。商君謂智者創焉。愚者守。

焉。以法律爲愚拙者也。雖然智愚能拙形容名詞也。形容爲客觀方面之推定。在法律本身。則仍認爲一物無所謂智愚能拙也。亦惟人之智之愚之能之拙之而已。吾國人向無法律智識。亦无法律習慣。幾不知立法爲何事故。語以法律原理。不無一隙之明而語。以法律手續。士大夫詬其文敝而庸俗。且病其煩屑矣。外人法。律。知。識。及。習。慣。較。勝。於。華。人。卽。就。租。界。論。其。政。府。以。國。力。開。拓。殖。民。地。於。國。外。政。府。之。事。畢。矣。其。人。民。隨。政。府。施。政。方。針。以。發。展。殖。民。地。於。是。自。治。制。起。焉。自。治。制。何。物。也。卽。由。各。個。人。集。合。一。公。的。意。思。復。由。意。思。以。組。成。機。關。之。謂。而。事。事。物。物。有。所。附。麗。矣。故。法。治。之。長。在。無。一。事。無。一。時。不。有。規。定。之。範。圍。卽。無。一。事。無。一。時。可。以。自。由。活。動。於。範。圍。之。外。其。對。於。各。個。人。之。利。害。關。係。有。時。資。爲。保。障。自。身。之。用。則。頌。聲。作。頌。聲。作。崇。拜。法。律。矣。而。法。律。於。是。智。而。法。律。於。是。能。有。時。私。心。自。用。遂。不。免。作。法。之。自。斃。則。怨。聲。作。怨。聲。作。則。厭。棄。法。律。矣。而。法。律。於。是。愚。而。法。律。於。是。拙。吾。驗。之。上。海。吾。更。驗。之。上。海。租。界。界。內。一。舉。一。動。取。決。於。工。部。局。之。會。

議工部局會議以法定人數多少之意見以決從違及議案確定公布實行卽成爲界內一種法律夫此法律豈能盡適於各個人之私利害哉然以公意所在除服從外無反對餘地最近如工部局辦辦界內電燈廠此事與商辦之自來火廠有絕對的利害關係且自來火廠總經理某卽係工部局之議董使以華人處該董地位有不設法以謀反對者乎乃該經理則懾於多數之公議仍贊同工部局自辦之原案置私人營業於不顧此事在中國鮮不贊美該董之洞明公義然在外人觀之與使贊美該董之人格無寧謂法律之爲用宏矣是故界內之行政無一事爲一私人之自主實無一事不有法律爲之規定茲又續得兩逸聞以證明之。前清光緒季葉江蘇學政唐巡視學校來滬由滬寧火車下車後假道租界入城（此係科舉停後學政無事可辦奉命巡察全省學校時之事暨提學使設立而學政裁矣唐爲江蘇最後之學政）租界向章凡中國官員經行租界除上海縣知縣係屬親民之官隨時准用儀仗無須知照捕房外此外無論何官須事前

向捕房請領照會然後准與通過儀仗至儀仗中如有軍裝尤應先得捕房之同意此卽工部局議決之法律而爲租界所遵行者也唐使以欽命大員假道租界此區區儀式問題當非外人所注意不意前隊甫達鐵馬路橋仗首之頭鑼兩具突爲印捕攜去斯時上海道縣聞警告則張皇失措一方以公文爲正式之詰問一方並浼私人向工部局關說以全欽使之顏面翌日得領團照覆據工部局報稱謂此係界內向章未便故違董事等於私交上雖無任抱歉然礙於公議實屬愛莫能助云云並由領團知照捕房免與解辭請究謂已屬格外通融等語照覆滬道而案乃將就了結此事也曾訟剛於光緒中奉使歐西後並兼任英法俄三國公使駐外十年道德經濟爲歐人所崇拜暨其返也夫人病歿在滬開弔並舉行出殯禮界章凡黃浦灘沿岸及南京路一帶向不准婚喪儀仗之通過工部局以曾侯德望冠時中外均所欽敬由局決議後致送照會俾便周行此爲特別之舉及李文忠喪自北回滬要求照會例舉行該局卽覆以曾夫人之喪係由本

局董事全體之公意並非受外人之要求茲囑遵辦實有未便方命之處惟有抱歉而已而通過之議卽以打消此一事也統觀上列兩事不知者將必疑外人之意愚弄其實受租界法律之拘束祇可任私交上之抱歉決不能違反向章以蔑視公意也然則法律之爲用衡之以私人之利害則有智愚能拙之不同而實質上則又何有智愚能拙哉知此者庶可與言法律

商業以金融爲命脈一國金融由一國政府內審經濟現狀外觀世界趨勢而以法律規定之上海商務華洋各半然洋商則日有進步華商則欲求維持現狀而不可得此中原因至爲複雜而金融之紊亂實居其一在昔閉關之世國內銀貨自爲流通楚得楚失絀於此仍盈於彼故無論金融如何凌亂影響不越於國外用銀可也用錢可也無他不有世界之比較安有優劣之可言及本洋流入國內金融乃遭迎頭之一擊墨洋流入金融根本併以動搖蓋吾國本以用銀爲金融之本位而以錢幣爲其輔助惟鑄錢則並未就銅質之價格爲衡重者以一錢二

分爲律（見語新）則超過錢幣之本價輕者則模形減縮幣質粗劣十成中不足銅質之二三則不及錢幣之本價於是私鎔及私鑄之事起矣名爲用銀而幾兩幾錢隨銀質及銀式以定無確定之分量至寶銀以五十兩爲準稍進矣然同在一國之中此省與彼省互異同在一省之中庫平與漕平不同而銀色之參差平餘之漲落并足以紊亂畫一之金融本洋墨洋起而代之有規定之分量無稱兌之紛煩人民之舍此就彼要亦金融進化之趨勢然也上海開埠正本洋墨洋與規銀競爭劇烈之際吾國政府旣未縱觀世界之大勢從速規定國內畫一之幣制一任社會金融之參差漲落而不爲之所於是各國金融乃乘機而得以操縱我商市矣暨洋債開始債權操之外人交款則以銀價核外幣計算（英則先令法則法郎德則馬克俄則盧布美日則各該本國之國幣皆是）償款則又以外幣核銀價計算一出一入千分之六至八之銀耗去矣政府對外之金融尙如是吾商人之仰給外資或與洋商間之交易其虧損又不言而喻矣故僅就中英兩

國間之洋貨論。購貨以先令爲本位。以本國規銀購先令。以先令購英貨。英貨既至。又以先令合算。規銀然後出賣。轉展核算。已不勝手續之煩。而貨價之漲落。隨在以先令爲命脈。今者歐戰方酣。英人正在用款之際。鎊價日昂。固未可認爲平常之市價。卽在平時。先令跌。則銀價漲。先令漲。則銀價跌。兩價固各有其盈虛之消息。然金貨銀貨之本質之不能並峙。則亦世界金融之通例。然矣。然則華商販賣洋貨之受虧。固不僅在貨品貨價之時有高下。卽用金用銀交款償款。間之消耗。已可一斑。畧見矣。更可怪者。華商向洋商訂購貨品。按照該國幣制。給價猶可說也。若洋商向我國購辦貨品。若絲。若茶。我國之大出產也。貨價宜可按照我國幣制計算。然訪之各洋行。其洋商雇用買辦。代辦收貨事宜。與民間交易。雖亦概用華幣。而買辦向洋商領款。或事前訂立合同。由華商包辦採購者。仍無一非。按照鎊價計算。此事余嘗聞之。老於商事者。外人攜款來滬。率由其各該本國駐紮滬上之銀行代匯。故非按照該本國之幣制。匯費加至一倍。或不止。而中國則。

本無所謂本位。并無所謂幣制。（今之自鑄銀元。乃爲墨元之防備而設耳。不得不謂爲積極之幣制也。）則亦無從按照不確定之用銀國之幣貨爲匯兌之本位。嗚呼。中國地大物博矣。然僅有地焉。物焉。而無運用此地與物之政治爲之支配。豈僅金融一事爲然。不過金融爲顯著之事。而滬上爲中外薈萃之地。華洋商業。交易繁多。華商乃不得不首受其衝耳。寧不大可悲哉。

上海金融操縱於外國銀行之手。其次則爲各錢店。錢店大者爲匯劃。小者爲挑當。（挑當二字爲上海小錢店之名稱。其意義何若。是否卽此挑當二字。疑莫能明也。）匯劃營業範圍寬大。資本亦較爲雄厚。各同業合組一公所。每日早七時。合議市價於其地。與各業之有茶會同。特各業茶會每假茶館爲之。而匯劃莊則另有公所。各業茶會不限定到會之人。雖業外人亦可前往探詢市面。而錢業公所則入所有標識。不僅別業人限制赴所。卽挑當錢莊亦在擯除之列。每日茶會議價畢。各人回店報告市況。然後各店按照市面開始營業。而挑當錢莊等復依。

據匯劃莊爲進出此上海錢市之大略也。至推論上海錢市之現狀。并上溯歷史。上之沿革。則上海錢市當分爲兩截。曰南市錢市十六鋪以南華界之錢莊。是曰北市錢市公共租界法租界各錢莊屬之。而公界之後馬路一帶。尤其薈萃地也。顧上海自開闢租界以來。各業多半萃於租界一隅。華界在振市公司未設以前。(振市公司爲振興華界之組織。其遠因在前清光緒二十五年推廣租界之後。江督以外人要求闢界。均藉口於內地市政之不修。因札飭滬道會商士紳籌議振興南市。厥後廣闢馬路。整理警政。並由官商合組振市公司。以資提倡。南市商務稍有起色。然自民國四年來。兩遭兵燹。近復受各種稅捐之影響。不若租界之較爲安穩。故商市又已一落千丈矣。)地勢則南市偏於內地。不若公界之雄踞江海。上游市政則南市組織不完。不若租界之設備周至。坐是各因。不僅全國銀貨爲租界所吸收。卽南市商業亦漸有移入租界之勢。(通商以前。上海爲出海要區。商市亦復不小。而其薈萃地則今之南市一帶也。此節已畧詳前說。)胡獨。

錢市一業數十年來南北尙能對峙而勢力之雄厚且能於租界錢市之外獨樹一幟此則不無系統之可言而系統又屬於歷史的爲其最大原因也查南市各業在通商前以出海要區本爲東南大埠則各業之窟宅於是地亦因其宜而錢市爲各業之領袖其具有特別勢力尤屬當然之事此南市錢市發達之最初原因也暨城北開闢租界蘆葦濱江之地突成修羅不夜之城斯時也外人因勢利導謀所以發展租界商務者無微不至一方鞏固自身之業務一方並用種種手段招致華商適值洪楊舉事內地受兵商人藉經商之名爲避兵之實旣連袂而偕來即內地紳富亦以租界處中立地位作爲世外桃源商人集則商市興紳富集則金融裕而領袖商業之金融機關乃次第開設矣（租界錢店當時均係避地官紳所開設咸豐初年吳健彰署理滬道厥後以失守城池案被參參摺中有影借同鄉名義在洋場中開設錢店之一款及奉旨交江南大營戴罪効力出於向榮之代請而向之所以爲吳營救者聞向之私財即寄頓於吳店故也）此爲

北市錢市發達之最初原因也。南北兩市錢業統系上不同之點在是。自是以後。南市席歷史上。商市之憑藉。故營業賴以維持。北市隨租界爲發展。故營業亦日有進步。雙方並峙。勢均力敵。銀拆則北裕於南。洋拆則南裕於北。（錢店性質至不明瞭。兌換有似於兩替。放款及匯劃有似於銀行。然兌換爲錢店一部分之營業。則又不僅兩替。銀行無抵押不放款。錢店則憑一紙空文而已。故又異於銀行。外人以錢店性質不明之故。故外國銀行向與錢店無往來自。黃槐庭以錢店跑街擢充匯豐第一任買辦。乃商之洋東准錢店向銀行拆票。此實黃照應錢店之意。向後遂成爲習慣。自辛亥革命事起。銀根奇緊。錢店倒閉時有所聞。故拆票之例。今已不存矣。此亦上海錢市之一大打擊也。）各有其營業之目的。亦各有其優勝之點。而南北遙遙相對數十年來。統系依然可溯云。至革命以後。國家幣制雖未見畫一之規定。然中央各項收支除借款鐵路。仍以銀兩計算外。此外概以銀元爲本位。較之用銀似稍進矣。然上海錢市則仍以規銀爲本位。有銀色有平。

折此雖慣例之未易輒改然在錢業亦正係取盈之一道轉展折算日計不足年計有餘矣惟受虧者仍爲用款之商人此則不得不期望政府之早定幣制耳公鶴旅居滬上不足二十年而目睹金融界之擾動全市卒至無可救藥者已兩次第一次爲掉現事第二次爲橡皮股票事其始不過少數人作投機事業影響甚微弱必不足以波及全市及其繼也舉國若狂幾疑滬上各業無一足以達其發財之目的抑且千載一時大有稍縱卽逝之勢於是以少數人冀倖之私俄而牽及多數人之盲從而一瀉千里最後之結果霹靂一聲全市金融乃悉入此大旋渦中而同歸於盡噫盲人瞎馬夜半深池以一羣不學無術之人置之萬死一生之地其爲危險孰逾於是吾追溯此兩事吾爲已往之國民羞吾更爲未來之國民懼吾涉筆及此吾又心慄神悚之不已矣掉現者發生於某錢店之歇夥當十數年前上海商務發展之時錢店林立銀根亦周轉通靈舊例凡與錢店有往來之商家例得向該錢店出立支票票期遠近不定持票之人按照票面書寫之

期屆日赴該錢店兌現。蓋出票之商家於到期前一日將現款解交錢店。錢店復取以給持票之人。一轉移間。商家賴以補助現款之不及而錢店則進出略沾利息。以故商市便之。惟間有持票者不及守候。支票之屆期擬先期向該錢店兌取。現款者持票人按照未到期之日數扣還該店利息若干。日名曰貼現。此爲支票兌款之例外。必出票之商家信用卓著。而該錢店實素與往來者乃有此變通辦法。此亦滬上商市之習慣。未見其有何流弊也。某歇夥擬另設錢店。苦未得資本家也。則央熟識之某商家用本店支票。支到某錢店一月期規元銀五百兩。又另一挽人向某錢店關說。不及一月之期。貼利掉現。某歇夥既取得此現銀五百兩。一方覓屋。懸牌開設錢店。店內什物大半租借耗費。自屬有限。餘下之款尙存四百餘兩。則存寄於某大錢店。訂明爲往來之用。上海一閔之市。見某歇夥。貿屋設肆。且有餘銀寄存某大錢店。則信用大著。斯時也尙未至一月之期。代出支票之某商家。以歇夥近且自行營業。逆料一月屆期五百兩之款。必無逾限之虞。而孰知。

歇。夥。則。不。待。屆。期。用。本。錢。店。支。票。立。卽。償。還。某。商。家。轉。展。以。一。紙。空。文。相。搪。塞。果。
中。國。商。人。而。略。具。商。事。知。識。者。亦。何。至。信。之。不。疑。然。該。歇。夥。自。一。再。以。詐。欺。手。段。
愚。弄。商。市。則。信。用。愈。以。卓。著。而。上。海。支。票。貼。現。之。風。始。則。僅。行。於。挑。當。錢。店。繼。且。
通。行。於。匯。劃。錢。店。最。後。則。普。通。商。店。亦。均。視。爲。一。部。分。之。營。業。彼。時。公。鶴。初。入。某。
報。主。筆。政。目。睹。貼。現。盛。行。舉。市。風。靡。曾。著。論。以。非。之。然。其。措。詞。亦。不。過。云。此。事。萬。
一。有。人。失。信。影。響。將。及。全。市。似。應。及。早。設。法。防。備。俾。免。後。悔。之。無。及。蓋。仍。相。對。的。
反。對。而。非。絕。對。的。反。對。也。乃。此。論。一。出。連。日。投。函。該。報。詆。斥。公。鶴。爲。無。事。造。謠。者。
不。下。十。數。起。甚。且。某。公。所。來。函。云。商。人。往。來。全。憑。信。義。果。盡。如。讀。書。人。之。瞻。前。顧。
後。我。商。人。且。一。事。不。可。爲。矣。蓋。公。鶴。論。中。曾。慮。及。失。信。後。之。無。法。以。善。其。後。故。該。
者。報。紙。一。旦。指。出。利。害。則。黠。者。將。由。此。生。心。此。亦。半。開。化。社。會。應。經。之。階。級。然。集。
矢。於。先。知。先。覺。之。人。則。上。海。社。會。尤。爲。特。別。矣。公。鶴。經。此。反。對。緘。口。不。言。者。將。兩。

月而孰知兩月之中掉現之風日甚。一日竟有以五角之資本開設錢店而吸收存款至萬金以外者。五角資本者何。每二百兩期票票費一角。以一千兩期票分作五票。故祇須五角之資本也。以此等行險邀幸之商行爲尙。復成何世界。愈演愈進。全市幾無一現貨而市場通用者。無過於一紙空文。外國銀行公會因之發出警告。絕對不與中國錢業往來。蓋最盛爲後來之兩月及兩月屆滿。值某季銀市結賬之期。而全市金融已不堪問訊矣。總計自掉現發生之始。以迄完全失敗之時。爲時將及一載。現銀之被吸收者數逾二千萬。最後結果錢店倒閉及擗淺者。過半。卽素日存戶之以利息爲衣食者。貪圖掉現所得之微利。至此時則筭篋所存者。大多均爲各店之支票。本票現貨。則已不翼而飛矣。嗚呼。寧非吾國特別之怪現狀乎。不知經若干年之補救維持。又若干年之休養生息。市面乃稍稍有回復。狀論者謂一誤已矣。豈容再誤。吾國人縱無似又何至一波平而一波再起。甘於墮入旋渦而終不一悟耶。乃未幾年而橡皮股票事又起矣。

橡皮股票與掉現又稍異。橡皮股票爲實業性質而掉現則僅以流通市面相揭。漿而已。橡皮股票爲外人之原動力而掉現則僅中國人自相騷擾而已。意者以吾國商人年來稍有進步故非實業不足以動吾人之心。非外人不足以堅吾人之信。不得不別出一技以謀嘗試乎。雖然其爲詐欺手段則一而已矣。上海橡皮股票公司之成立也在光緒三十四年秋間完全爲某外人所組織。某外人爲此事作僞之原動力而該公司則爲其犯罪所在地也。惟公鶴有一前提爲閱者告同一犯罪以中外人智識教育程度之相差卽其犯罪之意思及手段亦遂有優劣。工拙之不同此非輕藐我華人之論蓋亦實事之不可掩飾者也。當橡皮股票公司成立前之數月上海華洋各報發表一長文名曰今後之橡皮世界洋洋數萬言極言世界橡皮之需要及未來三十年預算之求過於供彼時中外新聞記者不知該著作者之別有命意以爲將爲世界實業大放光明也。則亦著論以懲愚之而孰知此文不過爲開設公司之前驅實其犯罪造意之第一步則外人犯

罪知識之高也。未幾而公司成立。未幾而廣登各新聞紙廣告。其時公鶴尙服務於某報偶。一日見本報封面告白爲該公司所獨占。即問主任者每日應費若干。此項廣漠無垠之告白。自本報開辦以來。未之多見。究竟該公司營業有何等利益。廣告一項便如許浪費。公鶴以問之主任者。主任者亦僅震驚。該公司魄力之雄厚而已。然當時普通輿論對於該公司雖有種種猜測之詞。固絕對不疑爲詐欺。取財也。又未幾而股票漲價矣。又未幾而飛漲矣。計該公司發售之股票。自每票三兩。始以迄十五兩止。共五種。橡樹所在地爲澳洲之各屬。某項股票爲某公司所發售。非皇家律師之註冊。即國家銀行代爲收股。言之非不動聽。實際如何。僅僅根據一二外人之新聞政策。以爲事經外人發起。且係實業性質。斷無失敗之虞。華人自相爭競。計三兩之小票。頂價達十七兩數錢。其尤足動人信仰者。則各外國銀行向來辦事謹飭。除拆票爲調劑金融。完全歸買辦負責。從無虛借。抵押之事。獨對於此次橡皮股票。均可按照票面價格兌付現款。信用昭著。如是。

故當時親友敍晤除橡皮股票外無他談話抑若早投資而即晚便可獲利者夫股票漲價立時致富誠然可待亦思橡樹自種植以迄收穫應若干年收穫之後用人工或機工製成需用物品應若何手續及資本（今後橡皮世界文中歷敍橡皮之需要謂家常什具及各項車輛之必需橡皮者無論卽此後蓋造房屋亦將易磚瓦而代以橡皮可謂言過其實）前者則十年樹木斷非旦夕間所能收效後者則原料製成貨品尙須經過幾番之構造事後言之似亦購票時所當慮及况公司實有幾家資本究爲若干售出股票是否有規定之額數僅據該公司印送之說明書信口開河外尙有他項事實足以證明之否而乃概置不問但見舉國若狂父勉子兄詔弟上海營業多矣舍橡皮無可措意者上海股票多矣舍橡皮股票無可致富者無以名之名之曰社會之神經流行病而戴嘉寶陳逸卿等三莊倒閉案以致牽動全市最後且由上海道以官廳名義向洋商訂借三百五十萬維持市面幾不免釀成國際交涉者則橡皮股票階之厲也實計全滬之

損失爲數將達二千萬。前後不及十閱年。掉現之後。繼以股票而損失之數實足。
相當。蓋滬市之苦。奢其原因。端在乎是重以宣統間內地水災之民不聊生。民國。
來疊次政爭之迄無寧歲。其釀成今日之現狀。直意計中事矣。公鶴濡筆記載此。
兩事畢未嘗不爲我國商人知識程度悲。雖然報紙有指導社會之責。上海報紙。
發達最早。而上兩事之發生。又適值公鶴廁身報界之時。當支票掉現之風行。雖。
亦著論以代警告。然果使眼光獨到。則持有物而言。有理決不因反對者之羣起。
而遽斂其鋒。或正因反對者之羣起。而針鋒辨難。眞理賴以揭明。可知公鶴在彼。
時亦旋渦中之一人。故立論未能從根本上着想。前提已不正確。一遇反對。即戛。
然而止矣。至股票事。則更不審該公司內部之詳情。但震駭其表面上舉止之濶。
綽無的之矢。不敢妄發。必待全部失敗之後。乃批竅導款始洞見癥結之所在。事。
後成敗。寧有價值。然則吾且自羞自懼之不暇。更何暇代已往之國民羞未來之。
國民懼哉。

戲劇。以。北京。爲。出。產。地。（京調。粵自。北京。徽調。粵自。安徽。崑腔。粵自。崑山。此外。上
海。尙有。紹興班。廣東班。亦均。自成一派。然現時風行。則京調而已。）北京。中國政。
治。首。都。也。胡。爲。政。治。首。都。而。有。戲。劇。之。出。產。以。意。度。之。優。伶。爲。吾。國。下。等。職。業。又。
爲。社。會。消。耗。品。故。就。中。國。舊。歷。史。論。梨。園。樂。府。爲。天。家。內。府。所。蓄。玩。非。民。間。娛。樂。
之。品。偶。閱。唐。宋。間。小。說。長。安。教。坊。汴。梁。曲。院。爲。一。代。文。人。所。艷。稱。元。明。迄。清。大。內。
歌。晏。制。爲。成。典。王。公。觀。劇。恆。賜。陪。侍。上。有。好。者。下。必。盛。焉。蓋。首。都。之。擅。名。戲。劇。專。
供。人。主。玩。好。之。用。無。與。于。改。良。社。會。也。自。上。海。開。埠。北。劇。南。來。內。廷。供。奉。也。山。陝。
名。角。也。絡。驛。津。滬。聲。名。鵠。起。而。京。班。之。名。乃。普。遍。於。揚。子。以。南。清。季。歐。化。輸。入。士。
大。夫。提。倡。文。治。彼。時。熱。心。社。會。教。育。者。以。爲。改。良。風。俗。戲。劇。詞。曲。入。人。尤。深。謀。於。
目。者。皆。忠。孝。節。義。之。陳。跡。謀。於。耳。者。盡。肅。雍。和。靄。之。正。聲。又。以。原。有。戲。曲。街。談。巷。
議。之。故。實。靡。音。曼。節。之。淫。詞。供。舊。社。會。之。玩。物。賞。心。則。有。餘。謀。新。社。會。之。移。風。易。
俗。則。不。足。於。是。新。劇。一。派。出。焉。雖。然。凡。國。內。有。兩。種。勢。力。之。並。峙。則。必。有。爭。競。而。

爭競之結果則後起之勢力必不敵原有之勢力爲雄厚蓋一則夙有憑藉一則事屬後起而吾國社會又天然富於保守而難於進取也然而舊劇家目睹新劇家起爲勁敵則亦就舊劇力圖振頓舞臺改造也佈景添置也戲幕重編也詞曲改良也一方迎合看客之心理一方並可博感化教育之美名究之凡事惟實不惟名舊劇已矣卽號爲改良社會之新劇家除描繪一二社會現形外演唱數年來其實際之足以感化社會者究有若何影響此非反對新劇也戲劇之改良社會爲一部分之教育方法實亦普及教育之輔佐品是故國內教育不普及僅恃此少數人以演唱新戲謀風俗之改良杯水車薪豈僅無濟十寒一曝寧易程功此尙就真正有裨世道人心之新劇言其結果之可逆料者已如是又何況新舊互爭之際各以迎合社會心理爲其營業之目的舊固近於玩弄新亦無益人心則根本教育之不興卽亦無往而非陷溺人羣之舉矣閱者疑吾言爲苛乎試更舉一事以證之猶憶童年時先大夫領赴江陰應院試寓中時有贈送善書之人

當時之所謂善書者無過於感應篇善感錄等類完全以禍福爲果報蓋并不成爲宗教家言也先大夫每婉言却謝之時則家大兄安甫先生侍側微問云此等善書雖無裨於吾儒身性之學然偶一流覽似亦足備平時之警誠大人何拒之深也先大夫正告曰輪迴果報本儒者所不道然三人之行必有我師藉作警誠誠無不可然此爲學業已具根底者言則可若青年學子血氣未定吾儒自有立身行己之學無論坊間印行善書無流覽之必要且不閱善書則坊間祕密出售之淫書如覺後傳果報錄等書目斷不爲青年學子所得知自經善書揭出如善感錄某篇論學生觀書云果報錄決不可看名爲果報實則淫書於是學生向不知果報錄爲何書不甚注意者今則知爲淫書矣該錄又云果報錄原名倭袍後因大憲禁止而改名者於是學生并知該書之歷史以後購買更可避倭袍之禁名而取果報錄矣諸如此類不閱善書則亦不知經史以外尙有所謂淫書是善書將成淫書之媒介矣故婉言却之公鶴至今回溯先訓似不免近於消極教育

然爲血氣未定之青年學子計則固名言至理也因思今日改良之新舊各劇其目的即如其意以與之曰吾將改良社會也然其劇中有時描寫怪狀演劇者本認爲正文之反面而不善觀劇者反節取劇中情節之一段如言情則流爲淫穢言利則流爲詐欺隨在足以助長社會之爲惡程度此雖非演劇者之本心而流弊所及則更有不期然而然者曩李伯元氏輯官場現形記一書以章回體裁敍政治罪惡無非爲官界警告用意非不善其次亦小說家言藉以自遣固絕對不發生惡影響也然某年某名士以舉人大挑知縣分發江南時端午橋總制兩江素耳名士名於其稟見時戲語之云此後抛却筆墨生涯淪落宦海亦曾購備官場現形記學種種入官之祕訣否端語雖恢諧然晚清官場之得力於是書亦誠爲不可掩之事實矣而與李氏著書之意不大相刺謬乎吾於上海戲劇吾亦爲製劇者危矣若然則根本教育庸非吾國社會之命脈耶

小說與戲劇有同等之功用固亦以改良社會爲天職者吾國小說溯源最早虞

初。九。百。多。爲。人。文。漢。志。九。流。同。羅。祕。府。（漢書藝文志原本劉向輯錄而劉錄則就祕府現有之書一一著錄猶前清四庫之有提要也。志中屢有民間云云言民間則其爲內府藏書可知）間嘗總現存之小說爲之部居類列就體裁言曰章回小說曰篇段小說曰筆記小說就目的言曰時事小說曰言情小說曰神怪小說就文字言曰文言小說曰通俗小說曰韻文小說體裁與文字爲小說之手續目的則小說之實體故無論何種小說第一當問目的之是否正當其次則體裁與文字但求詞能達意筆不虛發若一意以渲染爲工則小說之下乘矣清季歐化東漸外國小說漸以流行實爲吾國小說家別開生面然猶未盛行也至近年來則蒸蒸日上矣論者謂自民國二年國會解散以來人民對於政治殊形冷淡作者因出其緒餘以投時好而閱者更藉此以爲消遣之用此等現狀於政治上社會上有何影響今且不論惟現行之小說是否有裨於世道人心抑僅僅爲玩物喪志之具寧非小說家所當自審上海發行之小說今極盛矣然按其內容則

十八九爲言情之作。其目的何嘗不以救正薄俗。自命究其極也。或摭拾外國之陳言爲倫理革命之鼓吹。或鋪敍家庭之瑣屑爲摹繪社會之勝手。夫以今日世界厲行國家主義。當然以個人爲本位。然人格不完。風紀墮落。正賴吾國舊有之家族主義爲過渡時代之維繫。而作者必欲橫決藩籬。以爲外國人人也。中國人亦人也。吾奚爲而受此無謂之束縛。不揣本而齊末。攘斥社會人格程度。不問其蔽已甚。而况中外風尙根本上確有不同之點。削足適履。快意自恣。可爲傷感者一也。其次則競爲無目的之文詞。隨意所至。嚮壁虛造。嚼蠟無味。自命恢諧。尤甚者。則西遊可續水滸。翻新聊齋。續貂閱微。再筆未捧西子之心。自詡徐公之美。陳陳相因。比比而是。夫諧文隱語。必有指歸。齊贅楚優。尤饒寄諷。律以正始之義。無過比興之詞。必其寄託之思。別有難言之隱。而乃無的之矢。強索解人。吠影之聲。雜陳高座。可爲傷感者二也。曩者初夏暑假。友人子某自某校放假回。見其日夕袖手一冊子。暇輒取覽。幾至寢食皆廢。乃父初以爲此子溫課之勤也。心頗慰。偶

一日於案頭見之。則坊行之某愛情小說也。乃父大恚怒。以爲不良小說之爲禍青年也。乃走告公鶴。囑爲文以爲學子警。公鶴時適草上海時事十箴。爰於箴文學家篇略致意焉。然人微言輕。卒亦覆瓿而已。又今夏姊子夢因來滬。應某專校之招考。英文譯題爲某社會小說之一段。其中係記載一某西婦夫死擇壻之事。夫以小說考驗英文程度。誠爲扼要方法。而言情小說之曲折周至。則又要之要者。然胡不擇不背中國禮教之事。命題之無傷大雅乎。蓋中外風尚各有不同。最近如美總統威爾遜聘定華盛頓著名寶石商葛爾特之婦爲妻。再醮在中例本亦無禁。然以堂堂現任大總統而娶一再醮婦。其在中國輿論又應若何。又憶二年前某內閣女公子以夫死再嫁。又本年春間某部長女公子與其夫提起離婚。均爲報紙所譏議。此則中外風尚截然之不同也。一國之強弱。文野斷不在是。即使在是。吾人或亦承認維持舊禮教爲致弱之由。然譬之涉水七尺之軀。褰裳過之。侏儒則濡首滅頂矣。小說家尙可推波助瀾乎。鋪糟歎醕可以責有知識之閨

小說者正本清源則斷在小說家之慎於立言耳。若以爲我輩文人賣文作活。但問是否違反法律。他卽非所顧。及則中國本無所謂法律。拋棄學問上之道德。不講。則更非公鶴所願與商榷者矣。

上海報紙小史

公鶴曰。自書籍印板已來。學者求學較前而易。故後世稱道馮道不衰矣。（據宋高承事物紀原引筆談曰。板印書籍。唐人尙未盛爲之。自馮道始印五經之後。典籍皆爲板本。則印板並不始於馮道。特馮道首印五經。故後人或以印板原始於馮乎。）報紙濫觴於邸抄。邸抄原始於時政記及起居注。爲專門政治上傳達消息之用。與書籍自印板而後。公諸社會。其效用尤各別也。中國報紙近人謂始於香港之某日報。上海之申報。其實海國圖志及林文忠公奏疏時有引澳門刊行之各報。則中國報紙當以澳門爲最早。特粦辦者係外人且西文耳。然香港某報及上海申報亦均係外人首創。至報紙體例。開首由本報刊登自著論說一篇。名

之曰社論。（社論二字係東洋名詞而我國報紙承襲其名稱者。）而世俗稱之曰論頭。此能於邸抄體例外自成一主體者。若僅僅以上諭刊載報首。則依然未離邸抄科臼耳。

中文報紙。上海當以申報爲最先。（後申報數年出版之報紙亦有多家。特今已不存在耳。余於上海閒話曾詳考之。就現存各報論。則申報之後。當以光緒十九年開辦之新聞報爲最早矣。）然其初華路藍縷。每日僅印數百紙。卽內容所輯材料。非燕京春色卽歇浦秋潮。梁任公中國報紙存佚考稱彼時報紙論說。大多數均「西學原本中國考」「中國亟宜自強策」等類文字。爲中國新聞事業幼稚之證明。此猶甲午以後。我國受國際間之打擊。始有此進步耳。若甲午以前。則并此無之。世界報紙有製造時勢之權能。我國報紙乃爲時勢所構成。兩兩相較。殊有愧色。

今日無論何項目報。其內部均劃分三部。（此據上海各報言。若別埠之報。則鮮

有自設印刷所者。一編輯部。撰著社論。編輯新聞屬焉。二營業部。發售報紙。收發款項及報務行政屬焉。三印刷部。印刷事宜屬焉。此爲各報共同之組織。蓋近十數年來報紙日見發達。報社業務亦日以叢雜。故事實上遂不能不分部承辦。完全爲不成文之規定也。若在昔日。每日發行之報無過數百份。每份僅一紙。事務之單簡可知。而偏有一種雇用人。爲今日之所無須。乃爲昔日之所必有。其人惟何。則每日挨門送報之人是也。緣今日各日報。其發行本埠之報紙。均由販報者先時訂定。或由一人承包。已爲今日滬上一種專業。（其詳另見後）若彼時則無有也。而社會間又不知報紙爲何物。父老且有以不閱報紙爲子弟最者。一則慮其分心外騖。一則以報紙所載多不切用之文字也。彼時社會以帖括爲唯一學問。而報紙所載亦實多瑣碎支離之記事。故雙方愈無接近之機。猶憶公鶴八九歲時。先族伯彥嘉先生自英倫回。敦促先君子購閱申報。蓋其時上海祇有申報一家開設最久。故先生云云。先君子大諱其議。然鄉俗間頗已駭怪不置。

矣。故每日出報。外埠託信局分寄。（外埠銷報歷史另詳後。）而本埠則必雇有專人。於分送長年定閱各家者外。其有剩餘之報。則挨門分送於各商店。然各商店並不歡迎。且有厲聲色以餉之者。而此分送之人。則唯唯承受惟謹。及屆月終。復多方以善言乞取報資。多少卽亦不論。幾與沿門求乞無異。惟其中有一事。至可爲吾人紀念者。報館每日所出之報。其總數無過於數百份。而社會之不歡迎。報紙又如上述。則所謂長年定閱之各家。究係何人。蓋大率洋商開設之洋行公司。及與洋商有關係之各商店爲多。噫。中西人知識之不侔。於此可見矣。

昔左文襄在新疆。由胡雪巖介紹向洋商借款一千二百萬。滬上報紙頗有非難。（光緒間上海不僅申報一家。有匯報。有益報。又有中西文合刊之報。其詳已見拙著上海閒話上海小史。茲不贅。特各報時開時閉。均不若申報之經久耳。左借款在前清光緒初年。其時現存之報若干家。是何報名。或不可考。然不止申報一家。則可必也。）夫兵事借債。最爲非計。特彼時朝野上下。知此者鮮。無論借者不

明斯義。卽反對者亦祇知以中朝向外國貸款爲有失體面。直不過無的之矢。雙方均屬蒙昧而已。（吾鄉沈某於光緒初元卽在滬上主持報務。當時反對情形。沈知之甚悉。上述卽沈所告也。）然文襄聞有反對者。卽大怒不止。故其與友人書。有江浙無賴文人以報館爲末路之語。其輕視報界爲何如。惟當時並不以左之詆斥爲非者。蓋社會普通心理。認報紙爲朝報之變相。發行報紙爲賣朝報之一類。（賣朝報爲塘驛雜役之專業。就邸抄另印以出售於人。售時必以鑼隨行。其舉動頗猥鄙。而所傳消息亦不盡可信。故社會輕之。今鄉僻尙有此等人。）故每一報社之主筆訪員。均爲不名譽之職業。不僅官場仇視之。卽社會亦以搬弄是非輕薄之。宜文襄之因事大肆其譏評也。至主筆與訪員。是否於取憎於人之外。果有不道德之行爲。則此爲另一問題。固不能以社會之重輕爲斷。此實吾人事後之定論矣。全國報紙以上海爲最先發達。故卽在今日亦以上海報紙爲最有聲光。北京稱上海報爲南報。而廣東及香港南洋羣島稱上海報爲滬報。凡事

非經上海報紙登載者。不得作爲徵實。此上海報紙足以自負者也。雖然。此等資格。報紙自力造成之歟。抑別有假借歟。以吾人平心論之。一。歷史上之地位。則上海報爲全國之先導是也。二。交通上之地位。則水陸交會。傳達消息靈便是也。三。大商埠之地位。則上海一隅。爲全國視線所集。因別種關係而報紙亦隨以見重於世是也。惟以上三者。第一層取得之歷史資格。則上海各報。其初均由外人創辦。卽第二層第三層之交通商埠。亦何一非外人經營有效之後。而吾國人席其勢。以謀發展者。是上海報紙發達之原因。已全出外人之賜。而况其最大原因。則以託足租界之故。始得免嬰國內政治上之暴力。然則吾人而苟以上海報紙自豪於全國者。其亦可愧甚矣。

甲午以後。爲吾國社會知有報紙之始。然乙未台灣之役。適當新聞報刋辦之第三年。夜壘陣大紙炮之戰事新聞。絡繹不絕於紙。而社會之信用乃以此大增。吾不責報紙。報紙以營業爲性質。則不得不投合時好。吾獨責當時之社會。何竟於

臥薪嘗膽之餘。猶喜聞此等消息而不一爲審度也。然畢竟上海報紙較各處終是進步。甲午而後不數年有戊戌之變。而戊戌政變上海報紙已能一致指斥舊派。指斥不效變本加厲。又兩年而有庚子之役。庚子之役北方陷於匪域。在朝王公大臣多半爲狂毒所中。然江南半壁卒能保守聯盟。則事前上海報紙一致主張。勦團不爲無功焉。暨乎李文忠自粵督電召入京議和。時有某國堅持異議。上海報紙復一致致其反對。而和局卒底於成。此則滬報有功於國家之最著者。蓋自甲午以迄庚辛之交。全國蒙昧。雖不異疇昔。而上海一隅。則與外人接觸較繁。感受國際間之激刺亦較早。故能悉易其頑劣之頭腦。以躋於世界文明之域。上海報界之功。亦上海報界所處之地位有以致之耳。

上海報界之有政治意味。當以前清季世某上海道購買某報始。繼是而官僚購報之風盛行。其不能全部購買者。則又有津貼之名。報紙道德一落千丈矣。惟以今日世界報紙論。機械作用本非所諱。顧在彼爲發表政見之用。而在此乃庇護

私黨之助。於是上海報紙始有黨派。然對於政治上大問題。猶能犧牲其平時之惡感。以謀一致之進行。吾於蘇浙兩路之拒款風潮見之。惟余以上海報界有私黨而無政見爲報界惜。不知僅有私黨不爭政見。故大問題發生。尙不致互相水火。無何辛亥革命。國內號爲政黨之團體。波蹶雲擁。更迭以興。而各藉政見之名。以鬥私智。雖家國存亡。且復不顧。儼藉報紙爲黨爭之利器。則愈演愈進。愈况愈下。舉全埠報紙而能脫離此旋渦者。已不數數見矣。回首前塵。能無增感。民國二年。與日友井上氏邂逅於滬上。舊同學也。偶以私人談話。渠則云。此後中國人將不能有辦報資格。異日中國輿論。且寄於外報矣。蓋有鑒於中國之黨爭。凡著名之報。無一不落黨阱。而無黨之報。又奄奄如不欲戰。故以此言爲警也。痛哉斯言。國人念諸。

上海報紙。於不受政治暴力之外。尤得有一大助力。則取材於本埠外報是也。查本埠外報。以字林太晤士爲最古。繼之者爲文匯報大陸報。(文匯爲晚報)皆英

文也。此外復有法文報德文報日文報。皆各國殖民政策中之一手段也。滬上華報所得消息。其始既無本報專電。卽路透電亦僅代外人爲喉舌。（按路透電每月給費百元。歐戰起後加給一百元。華報與該社訂定通信合同。距今不過十年。最近又有日本人組織之東方通信社。則兩年前事耳。）而各外報則均受各該本國政治上之委任。卽各方面之消息亦較爲靈通。故十數年前華報所得緊要消息。十八九均自外報轉譯而來。且一經登載。聲明由某外報譯錄。卽有錯誤。本報可不負責。蓋其時報紙爲不正當營業之一偶有誤聞。無所謂具函更正之手續。小而起訴。大而封閉。此更辦報者之所寒心。故轉登外報。旣得靈便之消息。又不負法律之責任。其爲華報之助力者大矣。

昔日之報館主筆。不僅社會上認爲不名譽。卽該主筆亦不敢以此自鳴於世。吾鄉沈任佺君。光緒初年卽就滬上某報之聘。轉展蟬聯。至光緒末年而止。然對人則囁嚅不敢出口也。惟清時科舉盛行。每當直省鄉試之年。則各報必延聘一科

甲者於放榜之前。擬作江浙兩省闈題文登之報首。以代論說。此風不知始於何時。其後乃相沿成例。蓋舉世爲科舉夢所浸灌也。猶憶丁酉江南鄉試首場第一題爲文學子游四字。申報旣延某太史擬作闈墨。登之報端矣。嗣於九月初旬。俞曲園自蘇州寄來擬作一篇。囑登報端。其破題爲殿四科以文學聖道南矣。云云。通篇卽以此爲骨。一時士子轟傳。未幾該報郵寄南京。監臨某攜達主考官。時距放榜之期。尙有兩旬。兩主考官見曲園擬作如是云云。卽就以習禮作骨之閱定各卷。重行去取。而以聖道南行作骨之各落卷。補其額。吾友孫君霆銳。卽被擯於此者。孫其時卽主申報之筆政者。揭曉後。其薦卷房師某過滬。以語霆銳。并詢曲園之文之所自來。并爲孫惋惜不置。此則報紙之用。本不在科舉之末政。而影響反中於是。亦上海自有報紙以來之異聞矣。

報紙之有訪員。其初僅本埠延聘一二人。外埠則除京師照登邸抄外。各省會則摘錄一二。督撫轅門抄而已。卽本埠訪事。亦大抵以滬上各衙門之房吏充之。故

報紙所登事實。無過於官廳中日行尋常公事。社會新聞。則更絕無僅有矣。間有一二門檻拆梢回祿之記載。亦必曾經保甲委員或總巡之處分而始經披露者。故訪員資格。如是而止矣。至戊戌維新。乃爲上海報界放一異彩。其時康南海梁。新會以時務報提倡社會。社會之風尙旣轉。而日報亦因之生色。加以添設之日報。加多。政見上雖無爭執。而營業上頗有比較。暨乎新黨當國。政治上之祕密。日以揭破。前此賤視新聞業。因而設種種限制之慣習。復悉數革除。各報社內部。受營業上之競爭。外部受社會間之督促。於是新聞業遂卓然成海上之新事業。而往者文人學子。所不惜問津之主筆訪事。至是亦美其名曰新聞記者。曰特約通信員。主之者旣殷殷延聘。受之者亦唯唯不辭。蓋吾國社會知識之發達。以此數月爲最。而新聞紙之雛形畢具。且日日以進步爲會歸。則亦以此數月爲最矣。報紙之有專電。有特別通信。皆戊戌以來之進步。其原因悉如上述矣。顧二者爲發展報紙之利器。而二者之辦法。今昔亦各自不同。卽如專電一項。在今日有電

局之特別減價。(按照普通商電減價四分之三)而事實上以政治首都爲中心點。近十年來京津一帶報館林立。故每日通電僅取材於彼間每日發行之報紙。已無慮其間歇。若在曩時。第一消息必由發電人自行探得。故發一電信確否。不啻由本人自負其責。第二電費不減。一字有一角餘之耗費。該新聞苟無特別之價值。即不便貿然發電。有此二因。故在昔雖有專電之名。而專電實不能每日而有。此與今日不同者一也。自上海言之。北京亦外埠之一。特別通信亦訪員之事。故彼時於二者尙不甚分析。概名之曰外埠訪員可矣。胡爲以特別通信名。蓋特別對於普通言。通信則就發生之新聞貫串以己意而成之。此今日二者之所以各別也。惟彼時延聘之特別訪員能就公署中摘抄一二緊要文件。即爲上選。其次則摭拾彼中瑣事以實報紙。皆當時之所謂特別通信矣。此與今日不同者二也。惟進步有階級。時局有異同。此不得據今日之報紙以議前報。即不能限今日之報紙以爲已臻文明之域也。

戊戌八月政變之後。己亥爲復古時代。庚子則排外矣。此兩年有餘。亦爲上海報紙大受打擊之期。當戊戌四五月間。朝旨廢八股改試經義策論。士子多自濯磨。雖在窮鄉僻壤。亦訂結數人合閱滬報一分。而所謂時務策論。主試者以報紙爲藍本。而命題不外乎是。應試者以報紙爲免園冊子。而服習不外乎是。書賈坊刻。亦間就各報分類摘抄刊售以侔利。蓋巨剪之業。在今日用之辦報。以與名山分席者。而在昔日則名山事業。且無過於剪報學問也。及八月以後。新政根本推翻。其冬八股恢復。士子應歲科試。有夾帶報紙入場者。卽遭擯斥。自己亥至庚子。海上報紙銷數大減。其不能支持者。停閉後先相望。(梁任公有各報存佚考)卽資格稍舊之中。新各報於營業上。旣深感苦痛。而詞鋒亦稍稍斂抑矣。至庚子夏間。京津團亂蠭起。南北隔絕。長江上下遊。土匪復乘機思動。報紙所得消息。除一二轉譯外。報外已奄忽無復生氣。然持論嚴正。不爲排外潮流所激。眞實亦全國眞正輿論之所寄。中國一線不亡之機。庶乎在是。故就主觀言。報紙不得自以爲功。

而就客觀言。則挽回危局。文字之力居多焉。

辛丑壬寅而後。國內大亂初平。而國際間之均勢已成。我國獨立資格岌岌失墜。於是報紙立言。既督促內政之進行。亦益懷外交之危險。於此時期中。報紙與時局之關係愈密切。乃發生兩大現象。而上海報紙實當其衝。其一為樂觀現象。時則中央政府鑒於排外之非計。乃有預備立憲之事。夫預備立憲。特滿清塗飾人民之一種計畫。豈真有實事求是之心。然當時熱心國事者。因勢利導。對於憲政。或設所研究。或開會演說。或以奔走號召人民。或以文字鼓吹輿論。而上海報紙。實居喉舌之司。而任傳播之責。即其時每報社論。亦必延聘政法名流以司撰著。其次則復選擇東西名著譯登報端。以餉學子。蓋我國各種世界學問之得有門徑。皆上海報紙為之首先提倡。而造成風氣者。此其樂觀也。其一為悲觀現象。我國向不知何者為輿論機關。無已。則以報社當之。惟在昔報社知識幼稚。不足任代表之責。觀乎中日之役。報紙記載戰事。多有對於敵國肆其謾罵以為快者。此

豈國際常軌所宜者。然此等錯誤。在我人自反則可。出於國際干涉。則失我人言論之自由。簡言之。我國辛壬以前。國勢雖甚孱弱。民智雖甚閉塞。而言論自由權。則完全無缺。自美禁華工之案起。我國以抵制美貨為對抗之策。斯時輿論中堅。實為報紙。及中央與美協商。而美首先提起取締報紙之議。中政府漫然應之。遂為國際干涉報紙之開始。由是而後。偶遇交涉。則相手國第一件要求。必先自辯。制輿論。始變本加厲。今為烈矣。而作俑實在此時期中。此其悲觀也。樂觀之憲政運動。迄今國體已更。仍屬虛懸無望。而悲觀之取締報紙。今反成爲數見不鮮之事。報紙與時局關係之密切。其結果乃如是哉。

至最近辛亥數年之間。政府以預備立憲餌人民。而內幕之腐敗愈甚。其尤著者。在官僚亦知輿論之不可終遏。乃設法溝通報館。以爲私人作辯護。斯時報紙之道德。固已墜落達乎極度。而真正輿論無可發洩。則激成反動力。主張根本改革之反對報紙。乃應時發生焉。自此類報紙盛行。全國爲之風靡。清政府一方以政

治上壓制力止。不效則別組反對報紙以反對之所惜者此中有一極大機會。政府未能利用以和緩反對派之勢力。則當時立憲派與革命派。其所主張之政見本自不同。立憲派之言曰。國體無善惡。視乎政治。就原有之基礎以謀改良。其事較根本改革爲易。革命派之言曰。清政府決無立憲之望。不能立憲。惟有亡國。故根本改革宜。此兩派之所爭持。其以立憲爲前提則一也。使彼時清政府果能實行憲政。則根本問題卽已解決。革命派之消融或在意中。（革命有兩派。光復派以民族爲主義而立憲爲輔義。同盟派則以立憲爲主義而民族乃輔義。然比較上則光復派之持義不若同盟派之正大。故其勢力亦較微。夫其勢力之所以微薄。此中雖尚有種種原因。然黨綱之偏。爲輿論之所不屬。實其最大主因。故雖謂全國一致所要求者爲立憲。無不可也。以立憲消融革命。或爲可能之事。）不然者。事實上並可倚重立憲派以與革命派互持。未始非政治上之作用。惜乎滿清不足語。此名爲立憲。違憲之政日出不窮。而結果上立憲派亦殊有愛莫能。

助之隱。至庚戌辛亥間，即立憲派之報紙悉已一折而入於革命運動。此則清運存亡絕續之大關鍵。尤上海報紙黨見離合之一段落矣。迄乎辛亥之後，國體既更，時局倏變，黨爭之劇別開新幕。除略見前述外，悉爲現世事實，無當於歷史旨趣不及焉。

以上所述爲上海報界實體上變遷沿革盛衰興廢之大要。繼此當言報界手續上之歷史。

第一報社經濟。此當分作兩截論。其一爲非營業之報社。黑幕中旣有別種關係，自不能以普通營業賅之。而根本上之關係，無過於財政。其報紙性質若明若昧，視主動者之性質以爲準。經濟時盈時絀，視出資者之經濟以爲度。此爲報社之又一類。（至一部分受津貼之報社，則負一部分機關之義務。如對於某人或某事不能加以非毀，是又有積極義務。消極義務之別，如積極則倡爲崇拜之論，消極則代任辯護之責。種種條件不一而足。）此眞左文襄所謂無賴文人之末路矣。

此等報社亦祇可認為非營業之又一類。蓋即前所述名爲有政治意味而實則代私人作鷹犬者也。其一爲營業之報社。論上海初辦報社之歷史。其始均爲外人所經營。本無一而非以營業爲性質。然輾轉售賣。積久遂悉入於華人之手。又積久遂成爲機械之用。就自有上海以來之報紙論。曾否有完全營業之報紙。此在辦報人之自知。而局外人則苟非該報自外於營業。(如去年某報之自行聲明爲某種機關者是)。決不以逆臆之詞測之。忠厚論人之道固當如是。且報社亦實有可以營業爲活之道存也。茲特就報社普通經濟言之。而上海之獨異於各內地者可見矣。甲。收入項下(一)售報收入。售報分本埠外埠。而在本埠則每報均由販賣報紙者訂定包銷。其收入較內地各報之零星發售者尤爲可恃。蓋上海於報館閱報人兩方之外。其間已有販賣報紙之一種仲介人。而今且成爲專業。故凡居滬各人。雖密邇報館。而購閱報紙。絕少向報館訂定者。一則報館派送。均交郵局。所達時間必在販報者之後。一則向販報人定閱。各報均有而價

目反較報館定購爲廉。職是之故。販報人向報館躉購。既不患銷路之減少。而報館則以躉售之故。價雖稍廉。收入乃確有把握矣。至外埠銷報。則滬報每有分館之設。其實分館僅司銷售報紙。近或兼攬廣告。名義本不相符。然因此則責有所專。而收數不至虛懸。此滬報之特別情形也。(二)廣告收入。報館於售報之外。其大宗收入。本以廣告爲首。且滬報少則三張。多則四五張。卽在數年前。僅供紙本已虞不敷。故報館營業之盈絀。實以廣告之多少爲衡。而在上海。則以全國大商埠之故。有特別之廣告凡四類。一戲館。聞之伶界中人言。其初戲館及初到藝員。按日刊登廣告。其用意或慮報紙之譏毀。故藉此以爲聯絡之具。而今已成爲巨款之月收。二醫藥。醫藥之銷場。全在廣告之傳播。三書籍。新出書籍。非廣登啓事。購者無從知悉。四雜項。商界往來出入及人事上之聲明陳述。此事在滬上。幾與別國之登錄吾國之存案。有同等之效力。故薈萃全埠。一歲之所入。其數亦至爲不少。此又滬報之特別情形也。乙。支出項下。(二)報務支出。此賅全社用費言之。

較之外埠各報無特異之點。不過滬上生活較高。滬報設備較完。故支出亦較他處為增加耳。（二）購料支出。報館需要之物料。紙為大宗。次則油墨。惟二者吾國均不能自行供給。猶憶庚辛之際。吾國報界開全體大會於滬上。時則上海龍章造紙廠。湖北造紙官局。開辦伊始。報館與紙廠雙方接近。乃有改用國貨之決議。寧非挽回利權之一舉。然事實上互相比量。價值較瑞典紙昂五分之三。（彼時報紙均用瑞典國所製者。）而貨質仍不若瑞紙之堅潔。據業紙者言。世界產紙無逾於瑞典者。蓋瑞典利用天然之森林。各國莫之與京也。因此之故。該議決案遂無形廢棄。可見實業不發達。空言愛國。雖以提倡輿論之報紙當之。即亦不能貫澈其義。唯瑞典以蕞爾小邦。乃能利用森林以獨擅紙業。吾終不信以地大物博之中國。而竟讓瑞典專美於前。則仍政治為之耳。自改用國貨之議作罷。紙廠營業愈以奄忽。而外貨愈以充塞。迄歐戰開始。瑞紙不至。今又相率購用日貨。據國貨調查會報告。每年名片所用之日紙歲達二百萬元。則報紙一項。其輸出金

錢又可以數計耶。其次則印刷所用之油墨在昔亦均購德貨。蓋油墨爲顏料之一種。德固世界顏料總產所也。近以歐戰滯運之故。亦幾全數折用日貨。此二者爲報紙最需要之物料。報館大宗支出均在是。而中國無一產焉。因附論及之。三、薪資及運輸支出。報館內部支給編輯發行印刷各員司之薪資可於第一類之報務支出中賅之。至本外埠訪員駐京特別訪員新聞通信社（如路透社東方通信社等是）北京官電津貼（前清時電傳上諭由本埠各官署與報界分任之電費是）。本報電信郵信各費亦爲支出之一大部分。而薪資之鉅者尤以駐京特別訪員爲最。按月支給有在一二百元以外者。按件支給有每通信十元以外者。近年來黃遠庸實此中翹楚。蓋通信體例及訪員資格經黃之提倡者爲不少也。至運輸報紙外達之費。在昔郵局舉辦以前。傳達全賴民局。民局規例不一。運送濡滯。於是各報乃有自設分館之舉。及郵政開辦。始仍按照普通印刷物計算。後經全國報界呈請。於電局減收電價四分之三。外郵局亦另訂專章。寄費

較前大減矣。然輪路未通地方。運送仍分等級。最近報界復有呈部核減之請。蓋運一紙之報與購一紙之報。其價相等。而郵局論重量。每份四五紙之報。章報價且較運價而廉焉。此亦報館支出之大宗也。至外埠個人直接向滬上訂閱者。分爲逐日隔日郵寄之數種。其寄費仍由本人在報價內加算。於報館支出固無影響也。

總上收入支出之兩大類。各類中又各有其子目。上海報社經濟之大略。如是而止矣。

第二報務行政。滬上報館內部辦事。分爲三部。卽編輯營業印刷是。而總司其事之一人。名曰總經理。社會上亦稱之曰買辦。蓋猶沿外人辦時之名稱也。全報由總經理負責。其下分設三部。復各有主任一人。而營業部之主任。每由總經理自兼。則經濟之關係也。茲更就三部之職務言之。一編輯部。編輯部專司編輯新聞。主任一人。名曰總編輯。負編輯全部之責。其下管理緊要新聞者一人。管理地

方新聞者一人。管理本埠新聞者一人。管理雜俎者一人。復有專司撰著論說翻譯外報者若干人。（論說多延聘能文者數人分日撰著不必盡駐館中也。翻譯則每報至少英文日文各一緣近年滬報資料多取之英日文各報也。）譯電校對收發信報者若干人。此編輯之人數也。每日自下午一二時羣集編輯房開始辦事。至編輯完事時間。此殊有今昔不同之點。而報紙之進步亦於此見焉。蓋十數年前京滬間始有專電。然不能按日而有也。即電信到達時間。至遲亦無過下午五六時。故報紙全稿告竣均在下午六七時間。今則每日專電有遲至夜間十二時而到達者。即各外埠添設訪員。每日多數之快信。亦遲至下午九時而達。因之平均計算。全稿發刊。每日必在一二時之後。此編輯之時間也。每報開首必登社論一首。此爲表示本報宗旨及自成一主體。以示與邸抄輶門報之有別。（此爲東西各報通例。近年有一二報紙刪去社論者。此亦我國修詞學不振之朕兆。西人嘗爲失去報紙之眉目。大多數閱者所不歡迎也。）其次則本報專電。特約

通信社專電。外報譯電。中央命令電傳。各大埠逐日分條快信。各報排列雖互有先後。然大致則不外是也。其次則緊要新聞。爲報紙之第一張。其次則地方新聞及瑣聞。爲報紙之第二張。其次則本埠新聞。爲報紙之第三張。其次雜俎。則詩詞小說譜文筆記等文字。或併刊於第三張之又一面。或另刊第四張。蓋報餘消遣品也。總上體例。各報總有不同。今昔亦或互異。惟由簡而繁。由散而整。則不啻趨於同式之記載矣。至時評一項。亦報紙宗旨之所寄。故第一時評。每爲總編輯自著之文字。此編輯之體例也。總之報紙宗旨之純正。記載之真確。對於政治。則軍事外交。有當然之祕密。對於社會。則個人陰私。負絕對之責任。在法律上。雖以更正。爲臨時之救濟。而在道德上。則實編輯部全體所當負責者也。二營業部。營業部重要之職務。無過於經濟上之收入支出。旣如第一類之報社。經濟所述矣。此外。於用人。於行政。尤爲全社總務之所彙。而關涉一部分之報務。復有可記之歷史。一代負訪員之祕密。報紙全稿。除論說時評特別。通信自署名號者外。其餘訪

稿既不署名。卽其對外責任亦由報館自負。故遇有記載失實。或有勢力者故意尋釁。局外查詢訪員姓名。報館除依法更正外。絕對不負告知之義務。其結果且有寧受報務上之損失而不顧者。（數年前滬報長沙訪員某爲軍署逮案。判處徒刑十五年。及此次共和回復。各報電請開釋。事前且集貲以贍其家屬。此又滬上各報之道德也。）一代任公益之提倡。各地方水旱偏災之募集捐項。此爲滬上各報向所熱心者。近則凡屬公共事業。如衛生。如學務。如交通。其性質便利於公衆者。或錄入新聞。或送登廣告。均認爲報紙之義務。而代任傳播之責。此不得謂非滬報之進步也。最近各報又有特闢人事介紹欄。以便利人事通信者。如介紹職業聲明。遺失招尋。親友等事。雖略略取費。而其數甚微。則仍公益性質矣。一代登公布之文件。元首命令。刊登報首。本亦公布之一。惟此爲政治上互有關係者。故一方爲報紙之義務。一方亦報紙之新聞也。若近年來各報特闢公布一欄。就官廳公文批答次第登錄。不與新聞相混。則實以時事新報之公布上海地方。

審判檢察各廳文件開其端。嗣是而各報間有效之者。則亦官民兩利之道也。若夫報館對外交涉。其事多起於所登載之新聞。以更正爲第一救濟方法。而每每不滿於要求者之意。則訴訟之事時起焉。惟滬上各報。其歷史上。既多引渡於外人之手。而欲避去政治上之暴力。僅僅開設租界。尚不足以謀保障。故新舊各報。遂多懸掛洋商牌號。偶遇訴訟。乃不得不受領事之裁判。此滬報至可羞之一事。蓋日日以愛國提倡輿論。而自身乃未取得一完全國民資格。雖然我國政治不能容納一言論自由之報館。於以營業爲性質之報館何多尤矣。三印刷部。滬上初設報館。日出報紙僅數百份。有用石印者。有用鉛印者。類皆委託另一印刷所代印。與今北京各日報同。迨後銷路漸廣。代印價昂。則自設印刷所焉。然所用印機。則仍人工爲之所謂手搖機器是也。手搖機用力多而出貨少。時則報紙愈以推廣。租界電氣事業亦推用盡利。於是手搖者悉用電機。即向之以引擎印刷者。今亦漸用馬達發力矣。此爲印刷上之進步。若近者新聞報購置大機。自鑄版後。

交印全報每份四大張。一小時可出報一萬份。則又盡運用機器之能事矣。報紙初用鉛印。因鉛字大小不全且同樣之字無多。則仍不得不借資於木刻之字模。而每日匆促添刻。雇書手。雇刻手。事既繁難。於是報紙中遂不時有空白及以○代以△代之字。此亦排印上一大缺憾也。（今南洋華僑開設之日報。仍有此事。蓋亦未置銅模之故也。）後經疊次改良。今則各報多已自置銅字模。即無力自置者。而海上各大印刷所亦均備有銅模。臨時添購亦復甚易。較前此於每夕兩三小時間書寫刊刻者不侔矣。此爲排刻上之進步。前此所用印報之紙爲油光紙。僅有一面之用。自中外日報（現已停閉）時報開始用報紙兩面排印。各報風從。今則書籍亦已照刊。所惜吾國不能自造報紙。（已見前）而報紙所刊字樣之大小。仍不能若日本報紙之均用五六號字排印。則用字大小實有文化進步之關係。此則各方面閱報者之咎。於報館用紙方面不得謂非進步矣。至出報時間。前者因種種設備之不完。雖以發稿加早。終夕勤勤。而出報每在明日上午九時。

時今則以運用機器之得宜。除新聞報之巨機不論外。其餘亦均能於每日第一班火車開行前趕辦出報。則既係營業上之競爭。亦善事必先利器之一證也。若夫印刷部與編輯部相互間之負責。則排印之責在印刷部。而校對之責則仍屬之編輯部。各稿雖由各編輯員直接交排。而全稿排竣之後。非經編輯部中以硃筆簽字發印。印刷部不負其責。此亦一不成文之規例。即各書店亦同一辦法也。然而報紙發現重大錯誤。論理應由編輯部負責者。而登報更正。或仍謬爲手民之誤。余嘗戲爲某報記者曰。編輯均係先生們。排印均係工人們。中國重士輕工。故凡事均係小的着錯乎。某報記者無以難也。

綜上三分部之職務。爲報務行政之大要。合之報社經濟。實爲報紙手續上漸次進步。及其所以發達之原因。至上海報紙之定價。其初每份五文。每月一百二十文。併無本埠外埠之分。蓋其時外埠門報者本居少數。即間有之。民局遞寄。寄費由本人自給。與今之由郵局代寄。寄費歸報館先給者本異。故辦法不必盡同也。

由五文而進爲十文。由十文而進爲十二文。至十二文時洋價受銅元之影響。乃改作洋價一分二釐。而報紙兩面排印。工事改良。不逾年而進爲一分四釐一分六釐矣。由是以降。物價愈昂。生活程度亦愈高。今且漸進而二分以上也。各報定價不盡相同。而大致則不外乎是。此雖瑣事不足道。然社會經濟與個人生活盈虛消息之理。亦正於此寓焉矣。固不僅歷史沿革問題耳。

繼此猶有一報界大問題焉。則報界公會是也。上海報界公會之組織。近在數年前。分子雖以上海各日報社爲限。然內部之不能結合一致。除每報勉力供給月費外。實亦無所事事。非公會之果無事也。患在各報無共同利害。而普通商業。其利害以營業上之經濟爲限。報館獨不能以此限之者。蓋現今報館。是否以營業爲目的。抑以達其黑幕中之機械性質爲目的。此雖一報社之間散服務人員所不能深知。而况欲與同業作連雞之共棲。此固事實上所萬萬不能者矣。是故各業之有公所。其團結力亦甚堅固。其最大原因。乃各該同業營業上對外之利害。

本爲一致。故內幕雖甚競爭。決與結合之要素不相背馳。獨報館則各報設立之宗旨。已各有其獨到之處。或竟不以營業之得失爲衡。而團體之結合。卽不能以此爲根本上之條件。上海報界公會之作用。視此矣。故前者袁項城未斃之前。上海各報有民氣爲之後盾。或一致致其反對。抗袁之電。猶能各報刊登。則以項城爲全國目標所在也。及袁氏旣亡。黃陂正位。國民想望太平。全國一致。獨上海報界。反以黨派關係。致啓衝突之漸。而公會獨不能提一議案。發一通告。藉以警省報界同人。則可爲浩嘆者莫此若矣。彼以要求減短郵電各費爲公會無上之力者。是否有效。且不可知。而公會設立之必要亦僅矣。此又因報紙歷史而連類及之者也。

公鶴附誌。本篇爲記述上海華文各日報歷史。故各西報。各華文小報。（戲報花叢報普通名之曰小報。）星期報。月報。季報。年報。不定期之專門藝術報。不興焉。又上海開設報社。自前清同治季年始。中間盛衰興廢之跡。或停辦。或續

行。久暫不一。固爲歷史之所必及。然隨在與現存之各報有沿革關係。故本篇除有歷史上必要之記載。如上海報紙之辦於申報。新聞報之購用巨機。中外日報之兩面刊印。時事新報之登載公布。不能不詳細敘述外。其餘則概以渾括言之。近數十年間事。固由吾人回首一記憶焉得之矣。現史之略。昔人有爲之者。公鶴將沿用其例也。民國五年陰歷丙辰九月朔日竣稿并誌。

公鶴於溽暑兩月之中成上海閒話六十則。日課一則。每則亦或說二事以上。今作一小結束。姑輟筆於六十則。問其胸中所欲言者。公鶴則曰。尙擇柱於腦海之中。可傾倒者。未可以僂指計也。公鶴之於上海。可謂有見他人之所未見矣。向來載筆。申江流傳楮墨者。非侈談風月。即僅辨街衢塵市。有能以歷史之眼光。政治之知識。爲上海紀載事實。而時示以昧津之一筏。暗室之一燈者。則自公鶴始矣。昔之人有此風調。無此識見。今之人又或不經心於談往所調查者。多乾燥無味之言。則此六十則。豈非一異彩乎。因戲詰公鶴曰。子言上海人。

詈人曰猪頭三其詞若施者以爲至毒而受者以爲深恥究其實際不過歇後語藏一生字夫生者不熟之謂不熱於上海卽與俗所謂老上海者相反其可恥乃至於是然則居上海者必不願爲猪頭三可知矣不讀公鶴此編吾終慮猪頭三之多也倘欲不爲猪頭三盍誦上海閒話公鶴大笑并書之以與上海人共一軒渠云心史跋

SHANGHAI REMINISCENCES

By

YAO KUNG HO

Edited by

YÜN SHU CHIO

1st ed., July, 1917

3d ed., Nov., 1926

Price: \$0.60, postage extra

THE COMMERCIAL PRESS, LIMITED

SHANGHAI, CHINA

ALL RIGHTS RESERVED


中華民國十五年十一月初版

回(上海閒話二冊)

(每部定價大洋陸角
(外埠酌加運費匯費)

編著者武進姚公鶴
校訂者武進憲樹
發行所印書館
總發行所印書館
印刷所印書館
商務印書館
上 海 棋 盤
商務印書館
上海北河南路北首寶山路
上 海 棋 盤
商務印書館
上海北河南路北首寶山路
太原 保定
天津
蘭谿
濟南
長沙
貴陽
廣州
常德
張家口
潮州
衡州
成都
香港
梧州
重慶
新嘉坡
雲南
廈門

此書有著作權翻印必究



91(513.1)
Y7

登
錄
號
：

208718

書名：上海閻語

借期 學號 姓名 還期

國立臺灣大學圖書館

672.19/201.8

4284
1926

登錄號

208718

0208718

201.8